

Amer Çelik



DERWÊŞÊ EVDİ

(Destan)

هەولىئر - ۲۰۱۱

Amer Çelik

**DERWÊŞÊ
EVDİ**

(Destan)



*Wezaretî Roşinbiri û Lawan
berêweberayetî Giştî Rojnamegeri Çap u
Bilawkirdinewe
Berêwebarayeffî Çap u Bilawkirdinewe Hewlêr*

Nawî Kitêb: Derwêşê Evdî

Nivîskar: Amer Çelîk

Çap: Çapxaney Roşnbirî - Çapa yekê - Hewlêr- 2011

*Le berêweberayetî Giştî Kitêbxana Giştiyekan
Jîmara Sipardinî (1038) Salî (2011) Pêdirae*

*Hemû maf di parastîne Ji bo
Wezeretî Roşinbiri û Lawan û xewenî Kitêbeke
Em Kitêw Kitêbekanî Wezeretî Roşinbiri û Lawan
Le Ser Em Sayte bixwênewe
www.kurdchap.com*

sipasî ji bo :

- Hemû kalemêr û dengbêj (Hozan) kurdan yê ku arîkariya min kirin jî nivîsandina vê dastanê re .
- Wezareta Rewşenbîrî li Hikûmeta Kurdistanê li Hewlêr ku ev pirtûk daye capê

Nivîskar-Amer Çelik
Elmaniya 11.07.09

Pêşgotin û

gelek caran Dastana Derwêşê Evdî kefitye ber behis û vekolînan û çendîn caran wek pertûk hatî ye weşandin ,ji ber ku bi gelek şaxan tê vegêran û bi çîrok tê gotin û bi sitranî tê velorandin kevintirîn têkistê nivîsîn li ber destê min yê li sala 1968 di nav pertûka nivîskar Mehemedê mela kerîm bi navê (gencîneyî foliklorê kurdî,komelek lawik û heyran) li Bexdad hatiye wşandin,dibe yekî kevintir ji hebe ! dibe ez û kak Amer Çelîk li hinek xalan li dor vê dastan hevdû negirin ,lê bi giştî ev berhem karekî pir baş û pîngavek piroze û dest xweşiyê li nivîskarê hêja dikem . Nivîskar Amer Çelîk di vê pertûkê da, rencek mezin kêşaye û hewil daye û ber xwe da ku vê çîrok û qehremaniyê ji tîmê malbata Evdî,yê Mulhim ve û sedemên vê evîndariye bide nivîsandin û bi gehîne bêr destê xwendevan û xemxwarêن folklora kurdî,helbet çend sala kêşa ye heya ku , berhem ketiye di pirtûkxana Kurdî da.

çawa stiranbêj vê dastanê di lorînin?

Stiran ev amrazê grink jib o berdwambûna her çîrokekê ,dastanekê ,rûdaneke dîrokî ya kariger dinav dîroka civatgehê kurdî da,çunke dîroka milletê me bi destê ne hez u dojminê me hatiye nîvîsandin evca wê çi ji mere binîvîsin zêdeyî reşkirina rû yê geş ji vê dîrokê,lewra stiranên dîrokî-foloklorî pişkeke mezin ji dîroka milletê me dinav xweda hembêz kirîye û nehêlaye bimre û her zindî vejandîne û ev xalêن xwarê wê pitir mebesta me ron û aşkira û zelal bike :

A: eger hunermendekî nîgarkêş guhê xwe bi başî bide wesf û saloxetên vê stiranê wê bi senahî wêneyê Derwêşê Evdî di xeyala xweda ava bike û dikare bêxe ser kaxezê ,hindî we bi şarazane riftarê li gel wesfê vî mîr xasî kirye ji kinarê cil û berg û ser û sîma û rabon û runiştin û zîrekî û rêveçon û deshelat û mîrxasî û pelewanî û egîdî û şûr û hesipê wî û kenî axvtin û saloxêt şer ûceng û hêrişan wisa mina filîlmeki sînemayı li ber sonahiya çavan re derbasdike.

B:şer û ceng di navbera kurdan wek berevanîker ji alyekî ve û Ereb ,Turk

**wek hêrişber ji alyê dinve,wisa ji di
stiranêde tê gotin(bila di bangîna
bavê min werin konê meyê mezin
xilsaken ji devê şoran û pala.....**

**Yên wek Everê Gêsî û çîl Birahîm
Turkan bila di ser taximê me
kurdan raneken ne bêraq û ne tu
Ala...)**

**Li vir hestê netewayetî tê pêş û di
aşkirakirin ku Ezîdî li wî ser demî pitir
tevî esîretên busilmânan digunciyay bûn
û wek kurd bervanî ji mavê xwe kirîne.**

**C: Erê gelo çîma dastana (stiran) hinde
binav û bang bû?**

**Bi dîtina min faktêrê evînî û dildaryê
buye ji amrazêن sereke yên mana vê
dastanê û belavbûna wê bi vî şêweyê
bervireh,ankû heger evîndarî li gel
buyerêن dastanê têkhel neba wisa bi vî
rengî li berxwedana xwe ne didomand û
hêdî hêdî wê berev nemanê û berzebûnê
çuba,û belge bo vê gotinê em cend
mînakan bi rêz deken Mem û Zîn,
Ferhad û şîrîn,xec û siyamend,xensê û
reşo û Derwêşê Evdî û edûlê, welê li vir
viya em nasbiken ku dastan tenê binavê**

**Derwêşê Evdî ye u Edûl ne kesatiyeke
sereke ye belkû di rêya wêda stiran
hatiye velorandin û raçandin ankû egîdî
û mîrxasî berî evîndarî û belku evîna
wan ne li vî astê jê tê gotin be.**

D: stiran bi gelek şaxan tê gotin lê her yek
ji ya din xweştire û bi t amtire ,ankû
mirov jê bê zar nabe û her bi çi şêwazî bê
gotin ,mirov li gel rûdanêt we di jît û
glek daxbar dibe û jibîr dike ku Edûl
busilmane û Derwêş Ezidî ye ,ji layê din
kesen busilman ji hene hez li vê stirane
diken anku berê xwe diden vê stiranê bi
çavê netewe parêzyê û welatperwer yê
lêguhdar diken ne bi olperêsiyek berteng.

E: eger pêş pitir ji du sed sala Derwêşê
Evdî hewil da be ku hez ji qîzeke
busilman bike û rê bişeqîne û her baedrê
û mirê şêxan qayl bike û di şonde di çê
lalîşê û bavê şêx şêx Nasir şêx Hisêñ
daxwaziya wî red dike û li ser daxwaziya
wi qebûl nabe ke ,li virda xuya dibe ku
heramkirin û helakirin di Ezidiya têda li
wî serdemî di destê bavê şêx da buye
,anku berê desthilatdariya rûh..nî (dînî)
ya bavê şêx buye û rolê mîrî tenê an
dinyewî mrêveberiû dinyadrî buye neku

**di vê pileya dînî a niha de buye û ev xale
bixwe diviya bibe rawestgehek ji
rewşenbîran re û bi giranî lis er bi
sekinin .**

F: Gelo eger ev dastan bi rengê stiranê û di kirasê evînyê da neba we xwe li ber bahoza ji bîr kîrinê girtiba? Ez bibawerim bersiv we bi na be ji ber ku pitirya dastanê kurdi yên here zîndî li ser binaxeyê û binewaşî evînî û dildariyê û jin jiamrazêن sereke ne ji bo berxwedana vê dastanê ji demên dirêj re ,anku ya vê gotinê Evînî buye faktirkî binyatî ji bomana zindebûna dastane ,bele di rastiya xweda ne weha buye belku lehengî û pehlewanî û egîdiya Derwêşê tine pêş çav lê bi rengekî dastaneke vestirayî bi evîniyê..... û ji ber vê yekê Ezîdî hezli stirana Derwêşê Evdî tîne pêş çav eger ne weha ba dê çawa di xoşiyê xweda çîrok û dastan û stirana Derwêşê Evdî bêjîn û velorînin û Edûl ji faktar û hawkarêن nêgitîve bi ditina Ezîdiyan çunke busilmane.

G: çîroka Derwêşê Evdî bi gelek şaxan tê gotin û dastan û stiran bi gelek coyin û cora tê velorandin tevî cîwazêن selîqa we

,ere gelo ev çi digehîne û ev cîwazê hanê ji kur hatiye ? bi nêrîna min ev ji zengînî û dewlemendiya stiranê ye nekû yek hîzr bike ev ji behayê dastanê kêm bike yanjî ji rêje ya we a filoklorî,dîrokî,civakî bîne xwar û nizim bike ,belk û ez beuvajî tê digehim,lewra geha ye pileya ser asayîre dinav civakê Ezîdi da.

H: yusif kurê Temer kurê Xelef kurê Bişar Axa kurê Mustifa kurê Mulhem kurê Evdî Axa ji minre weha got: gundê Evdî Axa olaxçê bu û heya nuha ji her gundê meye û Evdî Axa dû jin anîbûn ,Derwêş û Sedûn ji yek deykê bûn binavê Eyşa Weliya ji malbata buyib begê ji eşireta dina bû,û Derwêşê Evdî heft bira hebûn,sedûn,mulhem ,temer,meysel ,mehmûd ,begzade,xelo) û got bi texmîna min ev buyer vedger 1790 heta 1793 û gorê Derwêşê Evdî li serê girê Etşanê û nêzîkî 15km durî wêranşehrê ye.niha malên me di pirin û li suriya û turkiya û almaniya di cihwarin û eve dara binemala meye.

Çend pêzanê li dor vê dastanê

1: dastana Derwêşê Evdî buyereke dîrokiye ne pêwistî kês û vekêşê ye û li sala 1791 z Derwêşê Evdî xwe gorî ax û namûs û cih û ware xwe kiriye û berevanî ji eşîret û qulba Milla kiriye û her li wê salê osmaniya hêriş kiryen ser qulpa Temer paşa ji berk u hêsta lis er hukmî bû û nehatibû guhorîn , helbet li sala 1780 hatiye hilbijartin ji bo serokatiya êlên Kîkan ,Milan,şerqiyan li sala 1790 sultan Selîm fermanda walyê bexda Silêman paşa ku hêrişkê bibe ser Millan ,helbet leşkerê walyê Musil Mehemed paşayê celîlî tevlî di be û berev Mêrdînê di hajon û di gehine cem Birahîm paşa walyê orfayê yê ku ji layê sultan Selîm ve hatiye destûrdan ji bo şerê Temer paşa tevî 20 hezar serbazan ve ,helbet şerekî giran rûda û kelha Bûk kete destê leşkerê osmaniyen û Ereb û turkan û Zor Temer Paşa şekestin xwar û Birahîm axa birayê Zor Temer hate dana wek serokê Milan

2: Rolê stiranê yê mezin di parastina dîroka kurdî da nayê windakirin ,lê hinek bizav hatîne kirin ji bo têkdana rolê stiranê û jinavbirin û pêşêlkirina stiranê û xistina

hindek stiran û dastanê kurdî di bazinê
gumanêda bimerema kêmkrina bihayê wê yê
dîrokî ,ev kar hatiye kirin bi handana hindek
layena ji bo meremên wan yên taybet ,gelek
stiranbêj ketine bin vê bandora hanê çi
bizanîbûn yan jî bê ageh ,stirana Derwêşê
Evdî ji ketiye ber bahoza guhorînê lewma
têkistên çêkirî û nu hatine holê lê eger
mirov bi çavekî ron û geş berê xwe bide van
stirana û bi bihin guhê xwe bidene peyv û
selîqa wan we baş zelal bek u ev têkist ne
diresenin û orcinalin ,çunke têkistê resen
wek peyyênen resen û derîn ,wesif,wêneyênen
rasteqîne ji dastanê wek,dahînan û gotina
stiranê û reftara stiranbêjî li gel gotin û
peyvan zêdebari xuyakirina saloxetên wî
serdemî û me radikêşe nav rûdanêñ stiranê
wek pişkek û mirov xoşiyekî di hisêne
,hestekî nazik dileşê wîda dilivlive,ez
bawerim stirana Derwêşê Evdî ji vê çendê
qurtal ne buye wek stiranbêj Mehemed Arifê
Cizîrî dibêje(Edûlê hêle û hewale dikirn bi
Derwêşê Ebdî ra) ankuya vê gotinê ewe ku
Edûlê tenê diviya Derwêşê Evdî bi xabîne û
bihêle hemû yê berhev be ji bo
berevanîkirinê ji bavê we zor temer paşa
bike.

Hindek stiranbêj hene dibêjin ku çu
peywendî dinav bera Derwêşê Evdî û
eşîreta millan ne buye û ev stirane binavê
Delîl hatiye vehûnadin û peywendî bi
Derwêşê ve nîne û Edûlê evînî li gel
pismamê xwe Delîl dikir û Xelîl Bakozî
serkêşıya vê çendî dike û dide xuyakirin
ku dujminatî dinavbera Eşîretên Ezîdiyan û
Millan de hebû, lê dîrok vê çendî na
selmîne.

3: hindek pêkol hatiye kirin dirêka
vehûnandina hinedk stiranêñ lawaz ji bo
şikandina Zor Temer paşa li ber çavêñ
kurdan di her derokekî rê bi çitî mina
dirustkirina rolekî aşopeyî ji Zor Temer
paşa re di mesela kuştina Derwêş da û
kêmkirina rolê Derwêş û bin axkirina
pehlewanî û meznatî û lehengiya Derwêş.

Awireke dîrokî

Li vir em dê hewil deyin çend pêzanêن dirokî
û Bi rêz bikeyin
Qulpa Millan: pêkhatî,
dinav xweda hembêza pir eşîret û
qebîl, malmezin dikir, minak:
şerqiyan, dinan, dûmiliyan, xaldayan, kîkan
, dequriyan, paşat, meheliyan, kumneqışheyder
a, koran, hesenan, seydan, dûdikan, zirkan, met
inan, sorikan, nasiryan, xidirkan..... û hetd
dibe hinek ji van ne kurd bûn jî mina
begare, cibûr , û di gotina millan hezar
millet

Cihwarbûna millan: li dor u berê van çiyan di
geriyan Swêrk, pîrecek, Diyarbeker, Wêran
şehir, Orfe û li çiyayê Qerec dax cihwar
dibûn, ji Wêansehrê heta Serê Kaniyê û çiya
yê EbdulEzîz li rojavayê kurdistanê , suriya,
Cîranê wan: Eşîretên Ereban , şemer û
Tey, Enze, babkên qeysî. zêdebarî Eşîretên
Turkmanan.

Revîna Zor temer paşa ji İstanbul û hatina wî
ji bo nav Millan bo sedema duristkirna qulpa
, yekgirtina Millan tevî eşretên din ji bo
bersing girtina hêreşen şemer û turikmanan .

Heso Hurmî

Hollinda

*Me çendik û çend şev, çendik û çend sal di
bin nîrê zordariyê de buhrandin, û çendik roj û şev
jî, di bin ronahiya stêrkan de buhrandin. Çend
stran û miqam heliyan li ser germiya dilê me,
çend xewn û xeyal,çend xem,çend hêvî sarbûn
dibin zilma Turkân û Gêsan(Ereb)de. Çend gotin,
axaftinên dijwar ji bê baweran û ta ji eşîrên
paşverû yên destekên dijmin, di hişê me re derbas
bûn. Çend hêvî westiyan li du kilamên dilan. çend
dengbêj heliyan, di civat û di bin seqema,berf û
baranê, di bin şewqa tavehîvê de winda bûn. Çend
şivanan bilûr kevin kirin, çend hozanan bi agirê
helbestê ve şewitandin dilên xwe. Çend kesan bi
baweriya xwe kewandin birînên me....De
heriyê....De, dengbêjoo.... Qîrka siwarê Hedban,
fêris û egîdê Şerqiyan û Dinan. Ê de dengekî here
siwarê ser lotê egîdê Êzidxanê, „Pêpahn“,
binemala Evdê Mulhim, axayê Şerqî. De herê...
Dengbêjo!.Bila dengê te zîz û lal bibe li beriya
Wêranşarê, li kopik û kelha Diyarbekirê, heye
bigeha ser girê Etşanê, bila dengê te lal û zîz bibe
li çiyayê Ebdil-Ezîzê, heye ku bigeha sînore
Cibira, belê bila dengê te balav bibe li welatê
Kurdistanê li nav cil û çar eşîrên kurdan, bila
dengê te bikeve guhê egîd û fêrisên eşîra Milan.
Çend caran baweriyên me hatin daxdan, û çend
caran li dîwarê zilmê qelibîn baweriyên me,
stranên me, yê egîdan hatin winda kirin, lê*

baweriya me ya zexim rê neda mirina hêviyê.....Mirin ew cihê kû hêvî lê diqede û bê bawerî dibe.

Hêviyêن xwe yê xilasiya ji bin tariya dîrokê û bindestiyê, hêviyêن jiyaneke azad û ronî; dinyaka ku ji zilm û zorê, ji belangaziyê, bircîbûn û xirabiyê paqijkirî qewîn bigirin. Bi vê hêviya xwe ve welatê rojê binivînin. Hûn jî bi stran û maqmên Kurdiya resen, dibin ronîya Şêsimis û Melek Fexredîn de, gotinêن kurdî bineqşînin.

Li Kurdistanê, li herêma Wêranşarê, Batman û beriya Diyarbekir û Mêrdînê, Pêpahn hebû, binamala Evdiyê Mulhim axayê Şerqiyan û Dinan bû.

Pêpahn egîd û celeng bû, şervanekî binav û deng bû. Pêpahn bi arîkariya egîdêن Şerqiyan û Dinan, xerc û bêş nedidan dewlata dakirikeran. Belê xortêن xwe jî nedîşandin leşkiriya wan. Xortê ku biçuya leşiya wan xwînmijan, heger nehata kujtin...Winda dibû...!! Şer û dijminiya wan xwîn-rêjan ketibû dilê Pêpahn. Lewma jî dijiminê merovaniyê bi arîkariya eşîrêن kurdan yêن kû bi navê dînî Girêdayî dewlata dakirkeran bûn, Pêpahn ji pêşîya xwe dane aliyeckî.

Rojekê pişitî ku Pêpahn talanekî mezin ji kedxwaren birbû, merovekî belengaz li mala Pêpahn dibe mêvan û ji wî daxwaz dike ku dema here şer û talana bîne, wî bi xwe re bibe. Pêpahan

bi rageşî bersiv dabû û gotbû:

„«Di hewşa min de gelek ga,hêstir, hesp hene, çendike ji wan ji xwe re bibe û pêwîst nîne tu xwe bidî kuştin.» Mêvan jî bersiv wî weha dabû:

«Daxwaze min ne mal û talanin, belê dixwaza min ewe ku, agirê di dilê xwe de vemirînim. Heyfa bav-kalan ji wan xwîn rêjan hilînim. Ma tu dizanî ev çend carin ku fermaña me rakirine!... Malê me talan kirine, zarokêñ me,mêrêñ me kuştine, jin, namûsa me dane ber lingan.»

Pêpahn û mêvanê xwe lingê dijiminêñ xwe ji herêmê birîbûn. Piştî ku Pêpahn bi tedibîrekê dane kuştin. Erê piştî kuştine Pêpahn eşîra Pêpahn ji hev belav bûbû.

Kurekî wî hebû heşt-neh salî ji fermanê xelas bûbû, di çiya de, di şikeftan de, mezin dibû. Navê wî Evdî bû.

Evdî ji tîne û birçîne pirr bê hal bûbû, ewî konek dîtibû, ji neçarî xwe avêtibû bin stara kon. Xudanê Malê jî, ji wî daxwaz kiribû ku ew wê xulmiya mala wî bike li himberî wî karî ewjî wê Evdî xudanbike.

Evdî kar û xulamtiya mal wî bi nan û zikê şes-heft salan kirbû. Êdî Evdî egîdekkî bi zend û bend bûbû, xudanê şûr û rim bû.

Rojekê Evdî li ber keriyê peze, dayîk, bavê wî têne bîra wî... Welat, eşîr, pismam hatibûn bîrê.

Meraq û evîna malbat û pismaman tu rê ji ramanan re di serê Evdî nehiştibûn. Di ber çavan re derbasdibû ku çawa leşkerê romê, mér-kalemêr, jin û zarok ser jêdikribûn....Namûs li ber çavan talan kiribûn, êdî Evdî biriyyara xwe dabû kû li heyfa bav-kalan bigere. Wekî şerekî dil birîn, xwe dabû ber zinarekî ji zinarên çiyayê Batmanê. Di demeke kurt de, cil-pêncî xort û egîd yê ku ji ber zilma Roma reş bazdayî xwe li Evdî dabûn hev.

„Evdî dizewice, xwedê du zaro danê, navê wan danî Elî û Îskan. Îskan bi mîranî û çelengiya xwe ne kêmî bav û bapîran bû.

Elî û Îskan zewicîn xwedê kurek da Elî navê wî danî Mustefa. Îskan jî navê qîza xwe danî Qeşem. Mustefa Qeşem ji xwe re guhast, xwedê lawek da wan nav bavê xwe li ser lawik danîn (Elî). Elî zewicî û xwedê kurek dayê navê wî danî Mulhim. Mulhim navê kurê xwe danî Evdî. Evdî zewicî xwedê du kur danê nav wan danî; Derwêş û Sehdûn.

I

Evdî, bavê Derwêş û Sehdûn axatiya eşîra Şerqiyan û Dina dikir. Rojekê Evdî bi eşîra Gêsan re, bi Everê Gêsî re dikev şer û cengê û Ever bîrndar dike û wisa birîndar dişîne nav eşîra Gêsan. Piştî Evdî ji şer û cengê vedgerê deng li eşîrê dike ku kona dayin û bar bikin cihekî din. Evdî gotibû;

«Gelî Şerqîyan û Dinan; em bi tenê , bi cil-pêncî egîdan ve nikarin şer bi hezar û hefsed malên Gêsan re bikin. Baş ewe ku em barkin, li ciwarî dost û biran dayînin.Ya duwemîn cihekî baştîr, bo koçeriyê peyde bikin. Di wê demê Everê Gêsî ber bi konê Evdî de diçe;

Everê Gêsî gazî Evdî dike dibêje:

*Axa dilê min liyane
Nebe sebebê serê xortan, keçik û bûkane
Siwarê ser lotê bavê Etmane
Jêre dakeve, marek û nejda, tirada mîrane
Em binêrin kî ji me berxe kî berane*

Evdî go;

*Heger te serê min danî diyarê rehmetê,
axa kendal û gurane
Tê terş û talanê Ezidxanê bibî, tevî jin û zeriyane
Têkî nav eşîra xwe Gêsane*

*Nemînim berka siwarê ser lotê bavê Etmane
Sekinî li himberî Evdê Mulhim zinarê mérane
Bavê Derwêş û Sehdûn, axayê Şerqîyan û
Dinan e*

*Siwarê ser lotê rabûbû ser darê zengane
Gazî Evdî kirbû, go tu dorê bide mine
Em rabin hev bi şûran û rimane
Li vî erdê beriyê bê pîvane
Li beriya fereh, beriya welatê kurdane*

*Evdê Mulhim sekinîbû li himberî Egîdê Gêsane
Go: Ji berê û paşê de mérê Ezîdxanê derba
bibêbextî navêjin dijminane
Her dijimin êrîş berdidin ser wane
Her tim hûn ji me dibin berê cotane
We em hêşîr kirine di warê bav-kalane*

*Evdî siwardibû ser pişta qemerê, diya Hedbane
Di dest de, rimek ji şazdeh movikane
Gazî Ever kir go;*

*Ez im Evdê Mulhim im, zinarê Mêrame
Îro ji we Gêsan bibim heyfû tola bavane
Tu îro Ji dest min nakî xelas e
Heger xwe bidî taqê ezmanê heftane
Evdî gazî birbû, Tawisî-Melek ê xwe û Yezdane
Xarek(êrîş) da ser Ever, carek û dudwane
Rim avêtibû Ever ew evêta erdê, şûr danî ser xelek
gewriyê
Ever xwe avêtibû ber çoka Evdî, da lav-lav û
sondane*

*Gotibû;
Min nekuje, ez careke din dest ranekim
li himberî mîrekî kurdane
ez ketim bextê te û yezdane
min nekuje, hîn rehla zewaca
Etman li pişt kozan û perdane
heger Etman gihişte daxwaz û miradane
ji ter bişînim bin konê mezin, diyarî û qurbane*

*Lo Evaro, min sond xaweriya bi yezdane
Tu bê xwin rijandin nazîvirî li mal û xwediyane*

*Li bîre min tê xwişîne rimê
Te avêtibû min, canê min kirbû birîne,
birîneke xedar wekî birînên heftê û du ferman e
wekî birîna gûla mawzerê, devê tivingane
bi saxî!.. vegere te tune li nav eşîra Gêsane*

*heger ez te nekujim, tuyê bêjî Evdê Mulhim,
ceger nekir bi min re bikeve şer û cangane*

*bavê Etman dîsa xwe avête çokan û lingane
jê dikir rica û minetane
Evdî go;*

Bawer bike ezê xwîne te birjînim

bila xwîne te dakeve ser erdê beriyê

Ji Gêsan hilînim heyfa bav-kalane

Ji Gêsan hilînim heyfa ciwanên Kurdane

Bila nîşanên te diyar bibin

Nav heştê hezar malên Turkân û Gêsanê

Egîdê Gêsan Go;

*Axa bide xatirê navê Tawisi-Melek, baweriya
Êzîdiyane*

Tu min nekuje vê carê jî

Bila ez bibim dayîndarê mala Pêpahn e

*Evdê Mulhim derbek lêdide li kêleke egîdê Gêsanê
Go;*

Bila xwîne te birjihe ser erdê kurdane

Ta ku Gêsan bizanin xwîne kurda ne erzane

Bavê Etman; ez te nakujim.....

*Te bidim xatirê Tawisi-Melek sund Êzîdiyane
lê ezê birînekê li canê te bikim, te tu ji bîr- nekî*

*mêraniya me kurdan e
te birîndar kim, wekî kerê garanê rêkim
nav eşîra Turk û Gêsane*

*Evdê Mulhim Ever tertîba kerê li ciya filtî
şandibû nav eşîra Gêsane*

*L*i ser axa beriyê ya rengxwedî cîh-cîh çîm şîn bûne. Ew ne mîna şînayiyêne dine.

Evdî û egîdêن Şerqiyan û Dina zîvirîbûn ji şer û cenga Turkan û Gêsan, di bin konê Evdî de, li hev kombûbûn, girgerkerên Îzîdxanê, dikirin şêwir û tedibîre, bi hevre gihabûn biriyarekê ku ew bi tene xwe nikarin heştê û pênclezar malê Turkan û Gêsan, ya baş ewe ku em ji vir barkin, xwe ji Gêsan dûr bikin.

Ewan dizanî ku piştî birîndariya Everê Gêsî û tiştê anîne serê wî, Gêsa ji Şerqiyan û Dinan re nahêlin. Lewma jî Evdî deng li xortêñ eşîrê kirbû ku kona li ser pişta heywanan bişdînin û şivan jî ters bidine pêş xwe û berê xwe bidine erdê beriyê.

Di beriya dûr û fereh re bi karwanê Evdî, bi rê ketibû, heye şev hatibû maqamî nîvê şevê, bala xwe danê ku çem û çîman buhareke xweş û delal, êdî Evdî biriyar dabû kû li wî cihî war bikin.

Li beriya Wêranşar li himberî eşâreke mezin konê xwe danîbûn.

Li tu beriyan, li tu şînaniyan, şînayıyeke wisa nehatiye dîtin. Şînekî tarî nerm û qedîfeyî.

Hersal dema berf û baran li wê beriyê tê rawestan, buhar destpêdike, û li beriya Wêranşarê nubûnek mezin bejin dide, li beriyê bi kulîlkên kin û qalînd yên ku ji bin berf û baranê derdikevin, dixemilin. Rengê kulîlkan heya tu bixwazî birqonekin. Biçûktirîn kulîlk jî, li wê beriyê di rengê de, wek ronahiya rengan ji dûrve şîn sor, zer û mor dibiriqînin. Bîhneke giran difûrînin.

Hersal gava li beriya Wêranşarê, buhar tê bi kulîlkan, bi axe qehwerengî, bi bêhn û rengê xweş ve, Evdî kulavê xwe li pêş kona radixist, bi tîrêjên rojê re heye roj dicû ave dem dike.

*Evdî dang lêkirbû siwarê Şerqiyan û Dinane
Pişta xwe dane konê Gêsane
berê xwe dabûn konê Evdî, kiribûn govend û
dîlane
Go;*

*Axa ev çend rojin em bi Gêsan re ketine ser û
cengane
te birîn kiriye egîdê Erebane
were em kona dayînin ser pişta heywanane*

*em bar bikin ji van warane
em xwe bighînin dost û birane
cîwar bikin êlên kurdane*

*Evdî go;
Gelî xort û egîdn Şerqiyane
siwarbin ser pişta hespane*

*Piştâ xwe dabûn konê Gêsane
berê xwe dabûn erdê beriyê bê pîvane
şev hatibû nîvê şevane
bala xwe danê çem û çîmane
dabû kaba hespane*

*Evdî go;
Kone vedin li ser vî çem û çîmane
qîz û zerîyên me westiyane
di bin konê min de
gur bikin agirê darane
bilabihîna qehwa sibê lêxê
li pozê beriyê heta çiyane
gazîkirbû li şivanane
terş berdin erdê çérê heye bi çiyane
ev war wekî başe ji koçeriya heywanane*

Sibê zu xulam û xizmetkarên Zor Temir Paşayê Milî(Zengo-Zêrîn) xeber gihadidûn paşa û gotibûn:

«Paşayê min; Çend kona, li himberî konêni Mila konê xwe vedane».

Paşa merovekî pir dirêj, porê wî reşsipî, pozê wî wek dimikê qertelê nikilxwar, çavên wî reş, ji her rewş û helwest û axaftina wî, ji hejandina destêni wî, bi xwe bawerbûnek diyar dibe. Pirr dipeyivê û diramiyê, bi gavêni xwe ên dirêj wek kabûsekî dimeşe, di nav kurkêni samûr de her xwêdan dide.

Paşa bi hêrs ji xulam û xiymatkaran re gotibû:

«Ez dê wan talan bikim. Heger bazdin, xwe bidine ezmanê heftan jî, ez dê wan ji herêmê derxînim!....Çihû bin!.. Îran!... Hîndistan!.. Çîn û Maçin jîbin, ezê wan talan bikim. Bi lez û bez paşa qasidek şandibû bin konê Şerqiyan, ji wan daxwaz kiribû ku ew konê xwe rakin li pişt êla Mila dayînin, ne li himberî wan dayînin. Evdî ji vê axaftinê pir bênteng bûbû û bersiva paşê Mila bi xulam re rekirkbû û gotibû:

«Kuro!...Here bêje paşayê xwe, bê êla Şerqiyan

xwe hêşîr navêja pişt konê tu kesî. Heger Paşayê te vê axaftina min qebul nake bila ji min re siba dakeve meydane şer û cengê. Ez Evdê Mulhim im, ji mala Pêpahn im»

Dema xulam zîvirîbû û navê Evdî, yê Mulhim li ser zimane xulam re hatibû gotin, paşa ji cihê pelqizîbû û çend caran di bin kon de çûbû û hatibû û nişkêve gotibû:

«Kur her bêje Evdî axa; Em dostin, em jî weke we kurdin îşev xwarina te li ba paşayê Milaya.»

Evdî tevî egîd û girkerkên Şerqiyan û Dina li bin konê paşê Mila de bûbûn misafir û mêvan. Paşa ji Evdî re ser jêrkirbû berx û beran. Herdu eşîran bi hevre kirbûn biratî, soz û peyman bi hevre danîbûn, ku heye dinya hebe bêbextîyê bihevre nekin.

Merovê beg û paşa ji bo berjewendiya xwe pêlewanin. Ewî nav û denê Evdî Mulhim bihîstibû. Mêraniya wî ji paşa re pir lazim dibe. Paşa li ezmana li yekî weke Evdî digeriya, îcar ew bi lingê xwe hatibû ba paşê Milan.

*Derbas dibûn çend rojane
xeber gîhişte bin konê Paşayê Milane
Go;*

*çend kone li himberî konên me hatine vedane
em nizanin eşîrin yan pêjing kotanin !?
nizanin ne eşîr kuştine û bazdane*

*Zor Temir paşayê Milane
deng kirbû li xulam, şandibû bin konê Şerqiyane
xulam sekinibû li yamanca Evdê Mulhim zinarê
mêrame
barê xwe barê lokane
rojên şer û cengan qedir nade tu kesane
taxiva bi devê şûr û rimane*

*Xulam li himberî Evdî sekinî, ziman lê
negeriyane
ziman di şikefta dev de bû wekî kevirekî girane
Evdî xulam derxist ji bin kon, pirskir çi
ciriyanê?*

*Xulam axaftine paşa gihadibû axayê Şerqiyân e
Go; axa paşayê Mila dibêje;
kona rakin ji himberî konê Milan e
Konê xwe dayînin li pişt konê Milan e
Evdî go;*

*Xulam ji paşayê xwere bêje, vc'ı çend şorane
ez Evdî ê Mulhim im bavê Derwêş û Sehdûn
zinarê mêrame*

*siwarê qemerê diya Hedbane
min serê xwe tucaran dananiya li himberî
neyarane*

*ne li himberî hezar û hefsed siwarê Turkan û
Gêsane*

*ji warê bav û bapîran heye vire ketine şer û
cengane*

*me Ezîdxane rengîn hiştiye di nav dijmin û
neyarane*

*ku em bijîn serbilind wekî mîrxasane
hêje paşayê Mila, em xwe hîsîr navêjin pişt konên
Milan e*

*heger razî nabe bi van axaftin û şorane
bila siba ji min re dekeve cenga mîrane
em bihev re baxivin bi devê şûr û rimane
tucar nabe û nebuye,*

mîrê Şerqî xwe hîsîr avêtiye pişt konane

*xulam pişta xwe dabû, konê Evdî û Şerqiyanê
berê xwe danû konê Milane*

Paşayê min;

*Ew kon konê Şerqiyan û Dinan e
axayê wan jêre dibêjin Evdî, yê Mulihim zinarê
mîrane*

*ji welatê Şingalê heye li ba Milane
bi Turakn û Gêsan re ketine şer û cengane
sûnd xwarin bi soza mîrane*

*sûnd xwarine bi sûnda Êzîdiyane
xwe hêsîr navêjin pişt ti konane
dîsa li Êzîdxanê rabuye fermane
çav sor bûne ji şer û cengane
taxivin bi devê şûr û rimane*

*Silav bi min re rêkirine ji bo paşayê Milane
ev çend roj û şevêñ
çavê wan rehetî û xew nedîtine
go;*

*Bêje paşayê Milane
em xwe hêsîr navêjin pişt konê Milane
heger paşa qebûl nake van axaftinane
bila siba ji min re dakeve hola mérane
bila paşa bizane
me rihê xwe daniya ser kefa destane*

“Ji berê û pêşda” dibêjin; mérkê beg ji bo xwe zana û zîrekin, egîdan ji xwe re dikin pal û pişt, xwe di pişt egîdan de star dikin. Zor Temir Paşê Mila jî deng kirbû li girkirekên Milan, fikra xwe bi şêwirdarêñ Milan re anîbû ziman.

*Girgirêñ Mila li bin konê paşê de kom bûbûn û civiyane
Paşa go;
gelî Mila;...Egîd û siwarêñ Êzîdxanêne*

*yek ji wan berberî sed mérane
Evdî Mulhim axayê wane
mériko mérkuje, rojên şer û cengane
ti qîmet nade egîd û pêlewane
tucaran nareva ji ber dijmin û neyarane
ez dizanin Evdî bi çil malê Şerqiyan ve
natirse ji sî û pênc hezar malê me Milane
ya baş ewe;
xeberê bişînin bin konê Şerqiyanê
bila Evdî axa û Emer ê Şerqî li bin konê min bibin
mêvane.
bi wan re dayînin soz û biratiya me kurdane
ji wan re serjêkim berx û berane
wê gelek caran dijiminan vegeŕînin ji ser Milane*

*Xeber şandibûn bin konê Şerqiyanê
go em nedijiminin, em tev kurd in wek birane
Paşa îşev we vedixwende bin konê Milane
Mêvanêñ ezîz û qîmet girane*

*Evdî tevî egîd û koma Şerqiyanê
li bin konê Mila bûne misafîr û Mêvane
ji wan re serjêkirin berx û berane
ji Şerqiyan re kirin şîv û qurbane*

Paşa go;
*Ez dixwazim ji mêvanê xwe re bikim çend şorane
me dilheye bi Şerqiyan re bikin biratî û bidin*

*sozane
em tev kurdin weke birane.*

*Paşê Mila ji mîvanên xwe re ketibû axaftin û
şorane*

Got:

Mij bikêrî guran tê!?. Şevê zivistanê beriya Wêranşarê sar û dirêjin. Wisa jî ku ev yek ji gelek çîrokan re bûye babet. Serma, mij û tarî gur û berçemokan xwedî dike. Tirs û xofa wan jî çîrokan dixemilîne, zarokên çav reş û çav xeyal, bi jana dirêj destqelişî û çok pînekirî terbiye dike. Lê rojêñ germ û ronî bi kêrî gurêñ berçemokan nayê. Ronahî berçemokan nexwes dixîne, lewra ewan di tariyê de nêçîra xwe dikirin, zikêñ xwe di tariyê de têr dikan. Em çi bikin!... Xwezayî ew jî wisa çêkirine! Xisyetêñ wan jî weke yên merovan taybetî tunin. Lê tiştek din heye, xwezayî xerîbe, ew tim û tim diguhere. Ne tenê bixwe diguhere, ev bi teva hemî berhemêñ xwe ve diguhere. Ew guhertin pirî caran berbipêş de ye.

Merovayî ber bi rindî û bedewiyê diguhere, lê ne tenê bi bendöra xwezayê ji derek şûn de bi ronahiya hişê xwe, keda dest û xwêdana eniya xwe.

Merovêñ hov jî hene li rûyê dinê ew bêtir nêzîkî berçemok û guran in.

Berçemok û gur di tariya xwe de nêçîra xwe dîkin, ji bona hêtek goşt xwe tavêjine mirinê û zikê xwe têr dîkin. Lî merovêñ delal ji bona tîrêjek ronahî di rojiyêñ mirinê de bedena xwe dihelîn in, donê xwe dîkin rûnê mûma merovantiyê.

Rojiya mirinêberxwedan..

Ya ku merovan ji guran û berçemokan dûr dixîne berxwedan e.

Berxwedan birîna li çavêñ merovan bi şînahiya ezmanan dikewîne, birînêñ dilê merovan ber bi rojê, ber bi ronahiyê dimeşîne. Lewma jî Turk û Gêsan ji Şerqiyan jî ditirsin, her ew ji bo soz û biratiya me û we bitirsin.

Di dû tariya salan re merovêñ jîr û jêhatî çavêñ xwe kutane ronahiya ezmanê şîn ronahiyê berhev dîkin, birînêñ xwe bi ronahiya rojê dikewînin...

Awan ji bona parastina çavkaniya jiyana xwe, ji bona tariyê ketine nava helwstek mezîn. Dîsa weke her caran, ji bona fermaneke din dek û dolabêñ xwe saz kirine, dixwazin avê şelu bikin, mijê daxînin rûyê erdê û tarîtiyê xurtir bikin.

Wek ku min bihîstiye di navbera Şerqiyan û Turk, Gêsan de dîsa xwîn hatiye rijandin, şev û roj

tevlîhev bûn, kilamên dayîkan nîvcû man. Rojiya mirinê hêjî berdewame. Goştê bedena ciwanêن me bûye qendîla merovahiya li vî welatî.

Gelî mîr û fêrsêن Milan bila hûn tev bizanîn ku min ji îşev de soz û peymana beratiyê da êle Şerqiyan, ci zor li wan bê, pêşin ew zor li ser min û êle Mila ye, mîrê wan werin kuştin, heyf û tola wan ji Mila tê xwestin. Bila hûn tev ji bo yezdan li ser vê axaftine min şahde bin.

Evdî bersiva paşa da û got:

-Tu camêr kurê camêrayî. Bi izna yezdanê pak û dilvan, Mila ji biratiya me zirarê nabînin, belê her hûnê xêrê dibiratiya me de bibînin. Dema mîrê Ezîdxanê soz û peymana xwe dide, heger koka wî bête qelandin, ew tucaran soza xwe xerab nake. Lewma jî em jî soz û peymanê didin paşayê Milan û em bi biratiya we kêfxwes in.

Birano, divê êdî piçek xîret li serê pozê me jî bixe û em jî wek zilaman, wek mîr û camêran li hevdu xwedî derkevin. Ya ku tê kirin, yan ku tê gotin; divê êdî piçekî pozê me bişewtîne û em jî bi lerz û bez li rastiya xwe xwedî derkevin, li hêmana xwe ya durist bizîvirin.

Ez bi xwe ji vê yekê têr bûma. Hedan û lebata min nayê. Xîreta min bar nabe, dilê min vê yeka han

ranagire, rika min bi berz, bi ber bezna min dikeve. Heçî hêrsa mine, ji zû ve rabûye pêdarê, bi ser bejin û telê min dikeve. Li himber van êrîşan, van tinazkirinê, li himber vê pêkenînê helwesta merovaniyê, ya camêriya êl û eşîrtiya kurdan divê.

Di warê bav-kalêن me de pal dane, li nav çavê me hemûyan dinihêrin û bi me tinazên xwe jî dikan. Li nav çavê me dinhêrin û çîran bi me dikan. Me biçûk dibînin, bi tu awayî hebûna me nadin ber çavê xwe, tu qîmet û hirmetê nadin me. Eger bi qasî misqalekî kurmeta wan ji hebûna me re hebûye, ev kuştina heroj nedihat kirin, ev talan û wêran kirin bi ser me de nedihat kirin.

Birano!.. Tu nebêje navê koletiya nû, bira!... yê ku bêxîretiyê deyne, yê ku birayê xwe bikuje, yê ku dev ji ol û tola xwe berde, yê ku li hebûne xwe xwedî dernekeve, yê ku çarrika jinan bide serê xwe, xwe di bin ala bêxîretî û necomerdiyê de vesêre tu caran ji mere nabin qam û çira.

Birano,xîret bikin!... Ujdan bikin!...

Yênu ku heftê du caran ji bo namûsa dayika xwe hatine daxdan em in!... Ma kesî ji me ji wan re gotiye dev ji baweriya xwe berdin!?. İcar çima emê dev ji baweriyêن bav-kalêن xwe berdin û werin bi baweriya wan bigirn , bi zimanê wan bipeyivin ?... Heta niha bi darê zorê bi zilmê

baweriya xwe sipartin xelkên me. Ew dibêjin qeyî wê her û her weha derbas bibe, xîret li pozê miletê me nexe!?....

Baweriya wan çiqasî ji bo wan bîrozbe, ya me jî hewqasî bi me pîroze, belkî zêdetir jî.

Birano yê ku ji bo bavê min hurmet negire, ez tucar û tucar û tucar ji bo wî û bavê wî hurmet nagirim, belê wan bi kuçikê ber derîyê malê hisab nakim.Çimkî baweriya me, zimanê me, ola me, namûs û şerefa me ye, hîmê binghîn yê hebûne me ye. Ew hebe em hene, ew tunbe em jî tunin.

Bila kesek doza bênamûsiyê li me neke! Kesê dev ji baweriya xwe berde, siba dikare namûsa xwe jî di meyxanan de bifiroşe.

*Paşa û Evdî hev himbêz birbûn bi germiye
soz û peyman dabûn bi biratiye
kirbûn suhbet, kêf û laqirdiye*

*xeber gihabû Rahma çav belek, xwişka paşayê
Milan e
li pişt kozan û çîtane
Rahmê xwişka Paşa, nazdara qîz û bûkê, Milane*

*cêriyê gotibû;
xatuna min; mîvanê birayê te, egîdê Şerqiyan e
egîdekî bi nav û bi nîşane
barê wî barê lokane
gelek ji wîre didin wesfan û pesnane
navê wî Evdî axayê Şerqiyanê
dema siwar dibe li ser piştä qemerê diya Hedbane
dest tavêje şûr û rimane
kesek nikare bisekine li himberî egîdê Şerqiyanê*

*Şerqiyan di bin bonê Milan de
xwarin birinca Qerjdaxê
goştê berxan û beranane
destê xwe şûştin ji duhinê duvê hilkane
Evdî li ser milê xwere zîvirîbû li xwedanê misîn û
avê*

*dît Rahma çav belek, xwediya gulî û keziyane
çavê Evdî sekinîn, dil lêxisibû bi deh carane
Rahm jî bi axa re ketibû tora aşiqane
dil jê birbû, di dil de lûsiyane
Evdî serî wergerand û ramiya*

Go:

*Ez çiqasî li vê beriyê geriyame
Min zerî, esmer nedîtin bi vê hisin û cemal hane
dilê egîda digvêje, dîbin wekî hêşîrane
Rahmê bizane evîne te ji min re çewte û girane
ez nur perestim, evîne qîzên musilmane
Ji mere qedexaye, tucaran nabe*

*“Evîna malwêran nasnake gunehane
diçirîne tixub û sînorane
bawerim di aşqêde, guneh tun in !? ”
ji bo xatirê Rahma Milane
bimin xweş tê dujeh û are*

*Ezê ji paşê Mila re bînim mal û talane
Paşa jî bidie min soza Rahma Milane*

*Paşa dide soz û paymane
Wê bide Evdî axayê Şerqiyanê
Rahma çav belek,xudana gulî û keziyane*

*evdî bûbû egîdê Milan û Şerqiyanê
bûbû paraskarê konê Milane
dijimanan vedigerîne ji ser wane
diçe şer û cengane
tîne kerî pez û talane
ji Paşê Milan re komdike mal û milkane
Îcar bizan in barê Evdî, barekî girane*

Meydane pêşberî konê Zor Temir Paşayê Milan,
yê ku bi navê Paşayê Zengo zêrîn bavê Edûlê,
meydaneke fireh û dirêj, di meydanê de terş û
talan, piranî bi comerdiya axayê Şerqiyan li vê
meydanê hatine dîtin.

Çavê Evdîyê kal li konê Milane. Girsa merovan li hev gêr dibin, diçin û têñ. Çend merov!..Her celeb, her texlît. Ev merov çi dikin...Çi difikirin...Bi çi mijûlin??...Ew çi dibin bila bibin, lê belê ma ev hemû ne wekhevin? Ma ew nizanin evîn, hiskirin çi ye? Hemû merov bi vê yekê dizanin. Gelo ew bi xwe jî nizanin ku evîn ne sînoran nasdike û ne jî li emrekî disekine!?..

Merov hosteyê hîsa in,hîs û nefş ji bo merovanine!?...Merov tev wek hevin?....Digel her celebî de dijîtî û ferqî heye, lê gerekî ew wekhev bin!. Merov divê li peyî biratî û merovahiyê be. Merov li ku dibin bila bibin, çi dikin bila bikin, çi difikirin...Çi dixwin,çî vedixwin. Lê çîma ev helwesandin, jihevdü vejetandin, zulim û xenqandin!??.

Çiqasî Evdî di şerê Turkan û Gêsan de bi hêrz û dijwar dibû, hewqasî evîna wî û xwîşka paşayê Milan, Rahma çav belek jî xurt û bi hisret dibû. Evdî,yê kal ji şer û cengan, ji xezo û talanan ji bo paşê Milan, li êlê nedima. Egerbihate jî, êl li dora wî kom dibû, pirs û şêwir xelas nedibûn. Wî jî wekî xortekî evîndar di bin tariya şevê de nedîçû evîdarê bibîne!? Şev ji bo wî bûbûn xewnêñ xweş. Şev bi tenê, ji bo xew û xewnâñ bûn !Ma çirûsk û pêtêñ jînê jê re navêñ? Mêrê dilpak...

Evîn û hezkirin divê di bin siya şevêñ dirêj de devî û dar bişikivin.

*Rojek ji rojêñ yezdan
Evdî di ber Milan de çûbû şerê dijminane
Evdî di şer de mabû bi rojan û heftiyane
girgirekên Mila bi paş re dan şêwirane
Gotibûn:*

*Paşa ji mere kêmiye, evîna xwişka te Rahm
û axayê Şerqiyan e
em hêvî dîkin kêmasyî hilînî ser Milan e
Paşa go:*

*ji min re bikin şêwir û tedibîrane
axayê Şerqiyan bidin kuştin bi destê Gêsan e
dîsa Evdî şandibûn cenga Turkan û Gêsan e
qediya bûn deh roj û deh şevane
Evdî vege riyabû ji cenga hane*

*Paşa soza xwe xerakiribû bi axayê Şerqiyan e
Rahm dabû Ruhayê, mala Baqiriyan e*

*Rojekê Evdî zîvirîbû ji şerê dijminan e
yek çu pêşiyê go;
Axa Rahm dana mala Baqiriyan*

*Evdî sekinî li himberî paşayê Milane
Go:*

*Paşa dema şer û cengane
em tev kurdin, egîdin, birane !
dema tirs ji ser we hat wergêrane
ez Îzîdîkî bi du qirûş û nîvame*

*te soza xwîşka xwe Rahmê da min bi soza mérane
çima te xerakir soza kurdane
ez soz didim te, ezê konê Baqiriyan bidim ber devê
şûrane
Hênik bikim vî dilê xwe yê bikul û jane*

Bi tîrêjên rojê re, bê ku Evdî xeberê bide kesekî, xwe avêtibû ser pişta qemerê û berê xwe dabû Ruhayê.

Evdî, yê kal nema dikare durbûne Rahma Milî hilgire! Hisret û dîtina Rahmê ew tar û mar kirbû, ji hiş û tedibîran durkirbû. wisa bi Evdî hatibû ku qîmet û hisiyeta xwe jibîr kirbû.

Deşta Wêranşarê ber bi Ruhayê bi ferehî û dirêjê wî dabû ber lingê qemerê.

Niha jî ew li deşteke fireh, bê ser û bere. Deşt di nava rengekî zer de ye. Aso û deşt bihevre bûne yek. Deşt dibiriqe û carina leyîlan dide, di deştê de girên hûr hene lê Evdî tênağihê ka ew çi gir in û ji çi hatine. Rengê giran cih bi cih diguherin. Gava ew reng diguherin, rengên nû hêdî-hêdî bi ser yê kevin re têñ û lê hukim dikan. Rengên giran weke rengê keskesorê dixuyin. Erdê deştê jî diguhere. Carina ew dibe qûm, carina giya û

şînahî, carina zevî, carina erdê qelaç, Ji dûr ve li nik giran jî rawirêñ ecêb dixuyin. Ew wan jî nas nake. Rawir jî weke tiştêñ din diguherin. Ew carina dibin rawirêñ dirende û kerî bi kerî bi kerî digerin û carina jî ew dibin rawirêñ firende û ref bi ref difirin.

Di deştê de ti dar û av naxuyin. Di deştê de tiştê herî xweş dengê bilura şivana ye. Dengê bilurê, dengê muzikeke têkil ji dûr ve tê, ew niqteyên ku aso û deşt bi hev re dibin yek tê.

Evdî bi tenê li qeraxa bajarê Ruhayê digere. Ji dûr deng têñ, ronahî diçirisînin. Stêrik di govendê de ne. Ew dixwaze here navenda bajêr, cihê ku razan jê bi dûre.

Evdî di kuçeyên teng û biçûk re bûrîbû, xaniyên spehî ew ji xeyalêñ Rahmê şiyar nekir bû. Bi dû wan re deverêñ, qesrêñ mezin û spehî, tê de merovêñ ziktêr û halxweş in. Gujîna avê, hîrîna hespan, pirqîna keç û jinan, kalîna berxan, qeb-qeba kewan, çîvçîva bilbilan, teptepa dilan û nalîna bedenan.

Evdî berê xwe dabû malêñ Baqueriyan, li himberî pencerekî rawestiyabû du-sê dengan gazî Rahmê kirbû:

*Sibê ronbû, roniya Şêsimis dabû erd û zeviyan e
Evdî berê xwe dabû Ruhayê bajarekî bi nîşan e*

*neviyê Pêpahn gihabû Ruhayê cihê kurdan e
ji Rahma çav belek re kirîbû şareke jinan e
kul û kederên xwe di nava şahrê de pêçan e
berê xwe dabû malên Baqeriyâ e
sê dengen; gazî kirbû Rahma Milan e*

Got:

*Rahmê serê xwe derxe ji pişt perdan e
berî mirina xerab, careke din te bibînim bi çavan
e*

*eger xwe dernexî ji şibek û penceran e
ezê serê qemerê berdim malên Baqeriyâ e
Malê Baqeriyâ bidim ber devê riman û şûran e*

*Rahimê heye navê, xwe di pencerê de derixistibû
ji pişt perdan e*

*Evdî go; Rahmê dilê min liyan e
di dilê min de gur buye agirî daran e
ber çavê min de radibe mij û dûman e
nayê bîra min ne bav, ne bire !*

*ne jî her cil malê me Şerqiyan e
tê serê min ku êrîşekê bidim ser wan e*

Baqiriyan wêran bikim !

cihê malên wan biçînim ceh, nîsik û nokan e

Rahmê Got:

*Evdî berê xwe bide mal û xudanan e
ez ji tere nabim jin û kuflet, an e
navbera mede heye cudabûna olan e
tirsa min heye ji Baqerîyan e
gazî û hawarê bidin muslman e
te bikujin li van derane
ez nehêjame bibim jina axayê Şerqiyan e
Evdî vegerabû li xwedî û xwediyan e*

Xeber, salox giha bû malê Baqerîyan ku du sibê de axayê Îzîdxanê Evdê Mulhim li himberî pencerê bi Rahma Milan re ketibû deriya evînê. Axayê Şerqiyan tu qîmet neda bû namûsa we malên Baqerîyan. Hûn dizanin ku Evîna bûka we Baqerîyan û mîrikê Îzîdî ji me tevan re kîmasîyeke mezin e. Pêwîste hûn vê şermezariyê ji ser xwe rakin.

“Barê namûsê barekî girane. Evîn, aşq di nava kurdan deqedaxeye!...Pêwîste ku tu dengê evînê bi ser qîzê de neyê heya ku qîz bizewicê. Eger zewicî û siteke evîna merovekî din ji bilî mîrê wê derket, kuştin talankirin, belê qirkirin tê holê. Bi salan ev kuştina han naye westandin.”

Malên Baqerîyan, pismam, dost û eşîr li hev

civandibûn, tev ji bo xatirê tedibîrekê dayînin ku vê kêmasiyê ji ser xwe rakin. Girgirekên Baqiriyan di şêwir û tedibîra xwe de gihabûn wê biriyarê ku Rahma Milan bikujin!! Lewma jî çarnosa Rahma Milan dabûn dest jinêن Baqeriyan. Ew pilan danîbûn ku Rahmê bi jehrê bikujin ta ku xeber belav nebe. Bi vê tedibîrê Rahm hate kuştin û li zehmanê Ruhayê hate bi çal kirin.

*Baqeriyan danîbûn tedbîr û şêwiran e
jehir kirbûn nav xwarina Rahma Milan e
Rahm bi çal kirbûn di nav miriyêن Baqeriyan e
Gotin;*

*Barê namûsê barekî giran e
bi taybetî li ba me kurdan e*

Evdî wekî başûkê baz şikestî û birîndar li ser evîna xwe û Rahma Milan dikir nalîn. Di dil de dikele kul û derdê Rahma çav beleke, xwîşke Zor Temir Paşayê Milan. Evdî, yê kal kêm axaftin bûbû, çarnos û şêwirêن Şerqiyan ji bîr kirbû. Belê, şer û cenga dijminanan, ya Turk û Gêsan ji bîr kirbû. Miheke xitim Evdî ji bin kon dernektibû.

Rojekê ji rojêن xwedê, bi berbangê re deng li kurê xwe Derwêş kirbû û tevî wî berê xwe dabû bajarê Ruhayê.

*Derdê aşiqê derdeki giran e
êşe jan e, tahil û zilindar e
lê gelek caran jî, xweş û jiyan e
derdê wê derdeki ne hêsan e
li ber nikare raweste
ne dilê ciwan e, û ne jî kalan e*

*Evdî sî rojî derneketibû ji bi konan e
dil bi kul, êş û keseran e
rojekê ji rojên xwedan e
deng kirbû li kurê xwe
Derwêş siwarê Hedban e*

Got:

*Kurê min were em herin Ruhayê bi nîşan e
Çavê Rahmê belek naçin ji bîra bavê te, axayê
Şerqiyâ e
min şeva burî dîtî xewnek şevan e
dil min ditirsa ji wê xewna han e
Evdî û kur siwar bûn li ser pişta hespan e
berê xwe dabûn malên Baqerîyan e
şivanek dîtibûn li tupraxa malan e
ji şivan pirsîbûn hal hawealê Baqerîyan e*

Şivan got:

*Malên Ruhayê tev taxivin bi mesele wan e
wan kuştîye bûka xwe, Rahma Milan e
biçal kirine li wî zehmanê han e*

*Evdî berê xwe dabû zehman e
Sekinîbû li ser tirba Rahma Milan e
Tirb kulabû Rahim derxistbû ji zehmane
Derwêş lawo were li Rahmê bike temâsan e
binêra li dîndare kezî û guliyan e
maqamê bilind, çavê reş û belek weke tariya
şevan e*

*bûye hêlîne kêzik û kurmik, mişk û maran e
bala xwe bide bişere şêrîn bûye reng miriyan e
Çavê reş û belek, reng dan e
bejin û bal bi ser xeraqan de xeliyan e
tu were binêre nav û navkela kilita, guhê bazine
rengê şêrîn, xilxala û zendê bazin e
bi dilê min dixe agirî daran e
dûmane vî agirî xwedaye taqê ezmanê heftan e*

*Derwêş got:
Bavo belaxwe veke ji miriyên goran e
stêre ku dirje ji ezman e
careke din şewqê nade erdan e
miriyên goran careke din venagerin li xudiyane
Rahma te dîsa ranabe ser herdu lingan e
te di dilê lawê xwe de, gur kir agirî daran e
neçêtire ji diya min, Eyîşa Welêt xwediya şes perî
giran e
diya piling û şêran, egîdêن Şerqiyan e
ii novî toro sorma cisuroko ciran e
tu xwe berdi tirba tari, seba jineke Milan e*

*Derwêş lawo,bavê te kal e
 ji sî û sê damaran,damarekê lêdan e
 tê serê min êrîşekê bidim ser malên Baqerîyan e
 serjêkim egîd,mêran, biqelînim tovê nêrane
 erz û eyalê wan hêsîr bikim,bibim nav Milane
 cegerê min hênik nabe
 ne bikujtinê,ne bi talan e
 Heyfa xelkê çeleng, maqamê miluki,
 xwedanê tuqan û beniyan e*

Evdî tevî kurê xwe Derwêş zîvirîbû ji welatê Ruhayê,lê hisret û kesera Rahma Milan bi xwe re anîbû. Heft roj û heft şevan Evdî,yê kal,bê zar û ziman di bin kon de ma bû. Kar û barê êlê ji bîr kirbû, hinav û dil wekî qazane li ser kiçikê arî diqij-qijî, dikeliye, hiş û sewdan winda kirbû. Melûl û jar bûbû. Girgirekên Şerqiya û Dinan li ber serê axayê kal bi şev û rojan ranedibûn, derman ji kul û derdêna kalo re peyîda nekiribûn. Ew êş û derdê ku bi axa ketibû ew bi xwe jî mendehoş kirbûn. Ewan bi derdê kalo nizanîbûn. Roja heştan Eyşê diya Derwêş û Sehdûn li ber çoka Evdî rûnşîbû û ji wî re ketibû peyv û şoran: -Evdî ma nayê bîr te, dema ku tu dihatî welatê me nêçîra karêna xezalan? Kutikekî berazan ji ber te rabûbû û tu bi hespa xwe qemerê li du wî kutikî

ketibûyî,min bi şonikê cil şûştinê û bi yek derbê
 ew kutik evêtibû erdê, paşê tu li mal bavê min
 bûbûyî mîvan û te ez xwestim. Ma şeva bûkaniya
 min ji bîr te çûye?!...Dema tu ji civata mîran hatî
 ser miraza xwe!..Te dît ku gernasek ji bilî bûkê di
 bin konê te de rûnştiye!...Te ji dîtine min girtibû
 tirs û heybet!.Ji tirse de, te kirbû ku vegevî heya
 ku min gazî te kirbû.....Em herdu bi hevre ketibûn
 cenga şêran....Du seatan bi şûran me kirbû şer û
 ceng...Apê te Emerê Şerqî bi hawar te ve
 hatibû....Te go ; apo herin ev şerê bûk û
 zavane...Şerê me bi golaşan domkirbû....Te
 nikarîbû pişta min dayînî erdê....Min tu fêrkirî şer
 û cengan kirî....Tu fedî nakî ku te êla Ezîdxanê ji
 bîr kiriye....Te Eyşa Welêt diya du şêran ji bîr
 kiriye tu ketiye du qîza Milan!!....Ji navê tere
 şerm û heyfa!!.. Ev deh roj û deh şev in ku te zad
 nethmandiye....!!

*Evdî û law zîvirîbûn li xwedî û xwedane
 Evdî kal,melûl û jar bûbû di bin kon de
 Eyşa Welêt sekinîbû li himberî Evdî kal e
 ji wî re kirbû çend axaftin û şorane*

Got:

*Evdo ma nayê bîra te,dema hatî nêçîra
 xezalane*

*ji ber te rabûbû,kutikekî berazane
 min dest avêtibû şonikê cilane
 bi yek derbê beraz evêtibû erdane*

*ji wê rojê de, tu li mala me bûbûyî misafîr û
mêvane
ez guhstim; dabû min soza mérane
Heya ez saxbim, ser min re nebînî jinane
ma te ji bîr kiriye !?
Şeva miraza tu hatî ji civata mérane
te ez dîtim, bi şûr, rim û çekêن egîdane
te ji min pirsî:
tu jinî yan mérî, tu ensî yan mérê cinane
te ji dîtina min girtibû tirs û heyîbetane
te li ber xwe dabû ku bireviyane
min gazî te kirbû û tu birî bin perdane
ez bi tere ketibûm şer û cenga mérane
apê te Emer hatibû bi hawara te ve
te got: Apo herin mala xwe
ev şer, şerê bûk û zavane
şûr di destê meda neman e
em hatin hev bi golaşane
te nikarîbû min bavête erdane
min tu fêr kirî şer û cenga mérane
hîn tu di ser min re digirî Rahma Milane !?
tu ji dilê xwe bavêje kulan û qehrane
binêre li herdu lawên xwe
Çawa bûne wekî du şérane
Şerma bo egîdê Şerqiyane
Evdî Mulhim zinarê mérane
wekî jinan xwe hêsîr kiriye di bin konan de
ser jineke Milan ji bîr kiriye ola Ezîdxanê*

ma tu nizanî ji mere nabe evîna muslimane ?

ji rû û porê xweyî sipî şermbike

bo te kîrnayê ev evîna hane

Evdî,yê kal serê xwe berdabû ber xwe û darikekî li ber xwe dikula, ewî nikarî serê li himberî Eyşa Welêt diya Derwêş û Sehdûn bilind bikire. Lê hinav û dil wekî qazana li ser kuçikê agir dikeliya. Bêhin li Evdî,yê kal teng bûbû. Çav lê sor bûbûn. Kalo bersiva Eyşa Welê weha dabû:

Eyşê tu wêre li dilê kalo bike tamşan e

kula leglegê û çar seriyan e

damar û nîşana xwe pêra berdan e

li tupraxa Şerqîyan û Dinan e

Ji bîr min naça dîndara gulyîen mur,

nav û navkêla qendîlî, nava kilit û kemberane

nava xilxala zindê bazinan e

agir bikeva mala qasidê mirin ê-

meliyaketê-Mewtê qasidê rihan e

feleka mal wêran,diniya rûnî û şérîn

*ji xwedane kezî û gulyan e re nadumîne û
nakemlîn e*

Eyşê tu vê sibê here tewlê hespane

ji min re veke kîlîta Qemerê diya Hedbane

seba gotinên te, ezê xwe qut bikim ji xwedîyane

herim ciwarî çend malê Şingalê nav Ezîdiyane

*Eyşê tu binêre li beriya Wêranşara xopane
ji Şerqiyan ji Milan, ji Turkan û Gêsane
tu ji tewlê derxe qemerê diya Hedabane
bişdîne zîna hespê, bikim linga li zendane
Xwe berdim vê dinya şérîn, welat û şaristane
belkî ji vî dilê bikul re-bibînim çare û derman e*

Edî Evdî, yê Mulhim kal bûbû, qewet ji bo şer û cengan nemabû. Lê lawên wî Derwêş û Sehdûn mezin bûbûn gihabûn ku li hespan siwar bin. Derwêş di dest pêka xwe de , duzdeh-sêzdeh saliya xwe de, navekî mîranê hilgirtibû. Girkirêن êle Şerqiyan û Dinanan digotin ku ew wê ji Pêpahn bi xwe jî celeng tir û mîrtirbe!.

*Emê li vir bihêlin vî nivşî
Kul û derdên Evdî
Berê xwe bidin nivişê duwmîn*

II

Dem zû derbas dibûn, dem û dewran dihatin û bûhrîn, jan û êşen kevin bi yên nû re dihatin kewandin, birînêñ kevin û nû li hev diketin.....

Sitran û miqamêñ kevin hêdî-hêdî têne ji bîrkîrin. Miqamêñ nû gelek caran nakevin dilê merovan û dilê bi kul û jan hênik nakin. Her weha gotinêñ nû di ziman de gelek caran hevdû nagirin, li hiş û dilê merovan nayêñ, dengek, rêzek, nivîsek, helbestek, romanek, destek çavek û zimanake. Ewan tuxmê xwe raşandiye nav axa hêwa û nerim.

Ew li benda rihma xwedê dimînin, yan jî kefa destê xwe, xwîdane eniya xwe, germiya xwîna xwe, ronahiya aqil û hişê xwe, yan bêhin û bala wan wê ji wan re bibe hêvî.....??

Êdî roj zû diçe ava, çira zû pêdikevin, derî zû têne dadanê... Lê ku dil li ser agir bikele....?!

Zivistanê! Êvar zû tê, çira zû pêdikeve, ji ber kû tarî jî zû erdê di bin reşîya xwe de dihêle. Ji bo bihntengan girtina pencer û deriyan mirine. Navbera çar dîwaran mezale... Ci kesên ku ji bo têrkîrin û tijîkirina serê xwe, hiş û aqilêñ xwe, çiqas dem daye, çiqasî bixemil û bikemile, ewqasî serbilindî jî diqebole û dikemile. Ew ewrêñ ku ji

ava kaniya û çeman, gol û deriyan têr venexwin, ew nikarin bostek axa tovreşandî bi rihmeta xwe ve şil bikin, axê hişiyar û têr bikin....

Pêwîste ku merov hêvîya xwe ji zivistanê jî nebire. Ew jî demek ji demên saliyê ye. Her demek ji demên salê xweşî û nexweşiya xwe heye. Ew civatênu ku haya wan ji bayê felekê tune, bê per û baskin. Di nava deriya bêser di keştiyek qels de tunin. Bayê felekê ji xwere weka çek û qewet bikar tînin. xilaskirina ji bin nîrê zordariya Turk û Gêsan keştiyê û barê wî bi xebat û celengiya egîdan eleqedar dibe.

Roj zû diçe ava. Merov zû dikişine bin konan û malan, wekî çawa çûk û çivîk dikevin hêlin û lûsan. Her mexulqatek ji xwere sitarekê dibîne. Lê gelo Evdî, yê Mulhim sitarek ji bo êle Şerqiyan û Dina peyde kiribû....?!

Sal li du hev hatin û derbas bûbûn, wekî çawa meh û demsal sal jî derbas dibil. Gelek demsal Evdî dîtin, wekî çawa gelek şer û ceng, kuştin û ferman derbas kirin. Du zaro jî mezin kir bûn. Hêdî-hêdî lawê wî Derwêş jî cihê xwe di nav egîd mîran de çêdikir, nav û dengê Derwêş jî roj bi roj li herêmê û dinava Milan, Turk û Gêsan de bi egîdî derdiket.

Rojekê Derwêş li himberî Evdî sekinî û doza hespekî lê kirbû. Evdî jî êdî tu çare ji dest kur

nedît bû. Ewî êdî dizanî ku kur mezin bûye, egîdî û mîranî li wî diyar dibe, lewma jî Evdî biriyara xwe dabû ku li seran-serî welatê Kurdan bigere heta ku hespekî layîqî egîdê Şerqiyan peyde bike.

Sibê röniya xwe hîn nedabû beriya Wêransar ê, belê bi berbangê re Evdî li qemerê siwar bûbû qeste welat û çiyan kir bû, bi mebeste peydekirine hespekî, ji bo lawê xwe Derwêş.

Hîn sibe bû eve bûye hesra teng Evdî li ser pişta qemerê nehate xwar û veysanok nedabû qemerê. Rojê buharê ku li welatê kurdan gerim û hênikin, merov jî bi westandinê nehisa. Evdî li bin siya dareke hinaran rûnşîbû. Kulîkên rengîn yên dara dibişkivîn, erd û ezman bi rengên xweyên xweşik kirbûn wêneyeke rind û delal. Şêni bi coşa buharê, ji malên xwe derketine. Çavê Evdî di navbera kulîkan de diçin û tê. Çav li ba pîrajinan şerm dikin li çavên xweşik û genimî binhêrin.

Hûn darêن hinaran yên beriya Wêransar ê bibînin! Xwedayo ew ci darêن xweşin, ew ci kulîkêن spehîne! Niha der û dorêن Wêransar ê bi rengên xweşik ji nû ve vedijin û tehima hinaran...Libêن mezin û girover yên hinanran di devê merovan de dibin şekirmizî.

Evdî, yê kal dîsa ketibû ser bişta qemerê û ber bi Wanê ve ajotibû. Li dora gola Wanê êdî şev tarî

bûbû. Lê ronahiyê heyvê û sitêrkan tarî zelal kir bû. Nîvê şevê her der ker û lalin, heyv jî di kawin û tamamiya xwe de bû. Stêrik li ezmanê kurdistanê mezin û biçük dilîzin. Ji dûr dengê wawîkan û çeqelan tê. Şeva avis li ber weladetiyê ye. Piştî niha bi demeke kurt rojeke nû wê bizê. Evdî kurikê xwe bi ser xwe dakiribû û ketibû xewê. Çîve çîva çivîkekî hawîrdor vegertiye. Çivîk bi firê dikevin û vedinişin. Lê di wê navberê de dengekî... Dengekî tîz-tîz û zirav. Viçe viça çivîkekê. Weke ku ew li bin guhê Evdî viçe vîç dike. Evdî li dora xwe dinihêre. Wîçe wîç ji kû tê?... Belê ji bin kêlekê. Di bin darê de çivîkeke pir biçük li ser darê, di nav şax û pelan de hêlîneke biçük. Rebena çivîkê! Çivik diperpite ku bifire. Lê ka basik? Bask hê baş li hev nehatine. Ji wîçe wîça çivîk Evdî nikarî bû bekete xewê. Îdî rabû û di wê berbangê de dest avêtibû bilûra xwe. Haya Evdî ji tiştekî tunebû. Di ronahiya berbangê de, dengê bilûrê bi tenê dihat. Evdî ji kevin de, belê ji xortaniya xwe de li bilûrê dida. Bilûreke xweş lêdida. Dibe ku li beriya Wêranşar ê merovekî bilûr weke Evdî xweş lê nedixist. Lê mixabin kesekî nedidît ku Evdî li bilûrê dida. Hespek li dora Qemerê peyde bû! Evdî nizanî ne ji golê derket û ne jî ji ezmanan hatibû Jorê, her wî dît ku hespekî stuyê xwe ber bi taliya qemerê ve dirêj kiriye, hespekî pêçav sipî. Çendî Evdî hesp

dîtine, lê weke wî hespê nedîtiye û nabîne. Evdî hêvî ji yezdan dikir ku ew hesp bibe nesîbê lawê wî Derwêş. Hîn ew di xeyalên hesp de bû, hîrîn bi hesp û qemerê ket û pêre-pêra hesp winda bûbû.

Evdî qulibî ser pişta qemerê û berê xwe da rêya vegerê nav konên Şerqîyan û Dinana. Derwêş ber bi bav hatibû û bi rişma qemerê girtibû, bi xêrhatin dabû bavê xwe û ji bav pisîbû:
«Bavo ka hespê te ji min re anî ?!»

Bersiva Evdî jî ewbû ku heye Derwêş ji qemerê hebe û hespê ku ew dixwaze di zikê qemerê de ye. Derwêş jî kar û barê wî bûbû xwedankirine qemerê, li xwedankirine qemerê re derbas dibûn roj, meh û demsal, qemerê ji Derwêş re anîbû ciwanîkekî pêşçav sipî. Kesê ku ciwanîk didît digotin; «Me hespê weha bi vê heybet û siphîtiyê nedîtiye. Ev ciwanîk hêjaye ku bibe hespê mîrxasekî, egîd û qehremanekî, paşa û sultanekî. Layîqî wî hespî be. Gelo Dewêşê Evdî, yê Mulhim wê bibe mîrxasekî ku hêjabe li hespekî weha hêja siwar be?...Roj û demên li pêş me kefîlin ku mîrxasiya kurê Evdî bêten nerxandin.

Derwêş û ciwanîk bi hev re mezin dibûn. Îdî Derwêş zîna hespê xwe dabû çêkirinê. navê hespê xwe jî danîbû Hedban. Hevsarê Hedban bi zîv niqişandibû û ji xelekên zêr û sedef zîna Hedban

çêkiribû. Di bin zînê de kulavekî ku xweşikbûna neqîşê wî ji dûr ve diyar dibûn, li ser pişta Hedban danîbû. Li ser wî kulavî bi rengan wêneyeke kevinar (Roj) çêkiribû. Li paş wêneya rojê jî dareke kesk a jiyanê bilind dibû. Li aliyê çepê jî her weha wêneyêن roj û darê hebûn. Dibe ku ew wêneyêن han nîşana êla Şerqiyan bû, yan jî wêneya hinek êlên navdar bûn.

Derwêş êdî şûr û rimek ji xwe re peyde kirbû, her roj rojêن xwedê diçû nêçêra karêن xezala. Evdî, yê kal gazî kur kirbû û çend şor ji wî re kiribûn û weha jêra got bû:

«Lawê min;baş li şorêن bavê xwe guhdarî bike. Ji roja roj de parastin û qurbanî di ber êl û pismaman de kardariya malbata te ye. fidakariya ji bo merov,erd,milk û namûsê ji aliyê mala me ve heye. Belê ji dema kalkê me Pêpahn de, em xwe nedir û qurban ji bo xatirê namûs û şerfa miletê xwe dikin. Ji bo parastin û azadiya xaka xwe. Îcar şikir ji bo xwedayê mezin va tu û birayê te Sehdûn bûne mîr. Lewma jî ez barê mîranî û egîdiyê êla Şerqiyan û Dinan dispêrim te. Lê bira her dem di hiş û bîrêن te de be. Bila her tim şûrê te li dijî zilm û zordariyê be. Hevalê jar û ketiya be. Lewma ez dixwazim vê aghidariyê bîghînim te.

Berî du rojan êla Bîzîka miletê me talan kirine,

erş û talanê wan ji koka binî ve birine, tu qîmet û mesabê fêris û egîdan re nekirine. Îro roj, roja te ye û bavê te bizane, êdî lawê wî egîde, fêrise, iwarê Hedban hêjaje navê egîdiya Şerqîyan û Jînan hilîne.»

Derwêş piştî axaftin û şorê Evdî bê bersiv ûixaftin xwe avêtibû ser pişta Hedban û berê xwe labû şer û cenga Bîzîka.

Derwêş berê xwe dabû warê Bîzîka, di rê de karwanê talankirî dîtibû û doz vegerandin talan kiribû. Siwarê Bîzîkan jî talan li hev par vedikirin, lîtin ku siwarekî di pêşıya karwan de rê girtiye. Du şervanan ji şervanên Bîzîkan Everê Eyşanê oismamamê Everê Gêsan (Ereb) û Xışman serokê egîdîn Bîzîka xwe berdabûn pêşıya siwarê ledban û got bûn;
«du-sê heywanan ji talan ji xwere bibe û pêşıya karwan berde»

Derwêş gazî wan kiribû û got bû:

*Bîzano-Bîzano dilê min liyan e
hûn îro rûnştin e li ser sê daran e
dikin qisma talanê me kurdan e
li hev parevedikin keriyê mîyan e
sagê hêstiran e tewlê nejdan e
heya ez saxim li vê dinya han e*

*kesek dilşa nabe bi mal û tekiyana kurdan e
ma hûn min nasnakin ?*

*Derwêşê Evdî, me siwarê Hedban zinarê mîram e
Eger hûn mîrin, xwe berdin cenga mîran e
bi hev re biaxivin bi şûr û riman e
mîrxas wê diyar bibin li meydane mîran e
ta hûn bibînin cenga kurê Evdî siwarê Hedban e
hûn ji bîr nekin navê egîdên Şerqîyan e
ezê ji we bistînim talan e
we teve bikujim li vê hola han e
talan vegeŕînin li xwediyan e*

Derwêş talan vegeŕandibû, li ber konê Evdî dabû mexel, bê ku xeberê bide bav li aliyê malê ketibû nav livînan, qasekê xwe sipart bû xewe sibê. Evdî ji xew şiyar bûbû, dîtibû ku keriyê terş û talan li ber konê wî dane mexel. Êdî wî dizanî ku Derwêş ew talan zîvirandiye.

Evdî bi rageşî gazî girkirekên Şerqîyan û Dinan kirbû û biriyara xwe ji wan re wiha got bû:
«Gelî êla Şerqîyan û Dinan; gelî pismaman hûn dizanin ku êdî Evdî, yê Mulhim kalemêr bûye, hêz û qeweta min ji bo şer û cengan nemaya, ez egîdîya êlê dispêrim lawê xwe Derwêş. Bila hûn tev bizanin ku Derwêş bi tene xwe, ta'an ji Bîzîka standiye û vegeŕaniye.

*Rojekê ji rojên buhara Wêranşarê, ku heywan ji
giya têr bûbû, li ber ava kaniyan mexel bûbû.
Seyîd Salih ku eîgdek ji egîdêñ bi nav û deng bû,
di nava êlêñ Ereban (Gêsan) de.*

Seyîd Salih êrîşê dibe ser eşîra Dumiliyan û çend
keriyêñ wan talan dike û dibe.

Şêxê Dumiliyan jî xwe hêsîr tavêje bin konê
Evdî, yê Mulhim, bi daxwaze ku êla Şerqiyan heyf
û tola Dumiliyan ji Gêsan hilînin û talanêñ wan
vegerînin. Evdî jî gazî Derwêş kiribû û jêra got
bû;

-Kurê min; Şêxê Dumiliyan xwe hêsîr avêtiya bin
konê bavê te. Xwe li bext û baweriya Êzîdxanê
girtiya. Omdîda xwe bi egîdêñ Şerqiyan û Dina ve
girêdaye, bi mebeste ku egîdêñ Şerqiyan omîda wî
bînin cî.

Seyîd Salihê Gêsan talanê Dumiliyan ji kokê ve
biriye, maşkêñ wan ziwa kirine, pariyê devê
zarokêñ wan revandine. Nebûye ku merovê kurd
(Êzîdî) dexîlê xwe bê omîd ji mala xwe birêkê:
Lewma jî ez vî barê giran dispêrim siwarê
Hedban, egîdê Şerqiyan.

Dema ku Evdî navê Seyîd Salihê Gêsan ji nav
lêvêñ xwe derxist bû, pêra-pêra rengê Derwêş
qulibî bû. Ew dizane ku Seyîd egîdekkî bi nav û

denge.

Evdî di rûyê kur de melulî, belê tirs xwend.
Lewma jî dîsa axaftina xwe domand û got:

-Çi ji te hat !? Mêrên Şerqiyan ji ceng û şeran
natirsin. Hisabê dijmin û neyaran nakin!

«Heçî Êzîdîn e merovin serhişik in Lewma jî
Turk û Gêsan ji me re dibêjin; Kurd ser hişikin.»
Li kesekî guhdarî nakin. Lê kesek biçûya malên
wan, yan jî xwe bavêja bextê wan, heger xwe
biqelendine dest vala ji mala wan
dernediket. Hêviya wan bi çi qîmetî bûye tînin cî.»
Derwêş ji gotin û gala-galên Evdî bêng teng bûbû û
bê ku xeberê bide destbirakê xwe; Çilo Hîzolî, û
nejî kekê xwe Sehdûn û ne Usiv û Bozan, bitenê
berê hedban dabû şerê Seyîd Salih ê Gêsan.

Dema ku lawê Evdî diçû şer û cengan her û her
xeber dida Çilo û Sahdûn yan jî Usiv û Bozan
lawê Emerê Şerqî.

Dema her çaranbihîst ku Derwêş çûya şerê Seyîd
Salih her çar li peyî şopa wî ketin heye ku gihane
Derwêş. Li sînorê konêن Ereban (Gêsan) de her
pênc gihabûn talan. Derwêş li pêsiya talan
zîvirîbû, terş û talan ji şivanan standibû.
Qunaxeke baş talan ber bi konêن xwe ve ajotibûn,

ji nijkêve Derwêş talan dabû rawestandinê û got bû;

-Birano bawer bikin ku Evdî wê bêje we ev talan diziye !..Ka xwîna we rijandî?!...

Lewma Derwêş vege riye bû bi ser Gêsan de û got bû şivanekî;

-Şivano her bêje Seyîd, Derwêşê Evdî talalnê we dibe heger tu mîrî were cenga min.

Şivan jî xeber gihadibû egîdê Gêsan, Seyîd Salih. Seyîd jî di wê navê de xwe gihadibû Derwêş.

Çîlo û Sehdûn, him Usiv û Bozan li ber xwe didin ku herin cenga Seyîd lê Seyîd her cengê ji Derwêş dixwaze.

Derwêş zîna hedban baş dişdîne û ji Seyîd re xwe berdide hola cengê. Herdû wekî du teyîrên baz ku êrîşê berdidine nêçîra xwe wisa jî herduwan êrîş didan hev. Rojê xwe ber bi malê ve berdide, Derwêş jî serê Seyîd jêdikir û xurcezîna Hedban de datanî û dîyarî bo Evdê Mulhim dibir.

Evdî jî bi rageşî talan ji Dumiliyan re gihadibû heye ber deriyê malên wan.

*E*dûl qîza Zor Temir Paşayê Milan, ne kin ne dirêj bû, dagirtî bû. Genim gûnî bû. Wekî jinêñ

kurdêñ çiyayî fîstanêñ qat-qat li xwe dikir. Porê xwe cil kezî li hev dihûne. Gerdene wê zêr bû. Xilxalêñ zîv, zumrûd dixistin lingêñ xwe. Pir bi aqil bû. Hindik dipeyivî û nerim dikeniya: Çavêñ wê ên germ û xemgîn bi hesreta daxwazeke dûr dicîrisîn. Edûla Milî ji serî heya neynûkêñ lingan evîndar bûbû. Heya bi hestiyêñ wê bi evîna Derwêşê kurê Evdî tijî bûbûn, destêñ xwe dirêjî ci dikir bi evînê dihesiya.

Derwêş kurê Evdî, yê Mulhim axayê êla Şerqiyan jî bi evîndar xwe Edûla Milî re ba bilind û evîndar bûbû. Belê bi evîna qîza Milan re sewdan winda kir bû.

Êdî di ser evîna herdû evîndaran re derbas dibûn meh û sal. Havînêñ gerim, payîz û zivistan, buharê jî kopik û newalêñ Wêranşarê, beriya Diyarbekirê xemiland bû. Evîna Derwêşê Evdî û Edûla Zor Temir paşa, paşayê Milan weka gul û çîçekêñ dora çemê Circib û Zerganêbihena xwe dabû konêñ Şerqiyan û Milan. Herkas!.. Biçûk û mezin, jin û mîr, ciwan û kalamêr bi evîna herdûwan di axifîn.

Buhar ber bi dawiye xwe ve diçû, havîna Wêranşarê konêñ Şerqiyan û Milan hêdî-hêdî di bin bandora germiya xwe de dagirker dikir.

Derwêş û Bozan kurê Emerê Şerqî li nav konan digeriyan, dîtin ku çend xort bi xar û kap dilîzin. Ewan jî xwe berdabû nav xortan û bi xar û kap lîstin. Derwêş û Hisên ê biraziyê paşayê Milan li himberî hev rabûbûn. Yek ji Derwêş, yek ji Hisên herdûwan êrîş birin hev. Derwêş jî ber bi wî ve hatibû û jêra got bû;

«Lawa me tu ew mîrî tu li himberî min dikî axaftin û şoran !?... Me tu nizanî ez Derwêşê Evdî me,kilê çavê Edûla Milî me !!....»

Hisên bê bersiv ji ba xortan dabû rê raste-rast xwe avête bin konê apê xwe û axaftin û şorê Derwêş jî paşa re got bû. Girgirekên Milan jî bi serve zêde kirbûn û got bûn.

-Paşa gerekî tu me ji vê şermezariyê rizgar bikî, konên Şerqiyan wêran bikî, manûsa Milan biparêsi.

Ew gotin wekî gef û gurekê hatin ber çavêن paşa, sor-mor bûbû,laşê wî rihîlî. Mûyên wî mîna têlên kevanan hatin şidandin. Simbêlên wî wekî rimên ser binê xwe çikilandî rast bûn.Tarîtiyek bi ser çavên wî de hate xwar. Qelûna xwe dagirt. Dokel bi ser paşa ve ket. Dokel bilind bû û hilkişıya jor.Tasek av xwest. Di yek bêhnê de vexwar. Ji berîka kurkê xwe desmalek derxist û simbêlên

xwe ziha kirin.

Paşa biriyar dabû ku di bin tariya şevê de, egîdên Milan bişîne ser êla Şerqiyan û Dinan ji mîran wan wêran bikin tevan ser jêkin, û jinan li xortêن Milan par vekin.

Dema ew biriyar hate standin, Çilo, yê Gozelê (Hîzolî) birayê pênc xwîşkan jî li bin konê paşayê Milan rûnştî bû.

Çilo berî heft salan çar mîrek ji eşîra xwe kuştibûn û xwe avêtiya bextê Şerqiyan. Bi mîraniya Evdî û kurê wî Derwêş Çilo di nav Milan de hatibû parstin.

Çilo dil şikestî ji bin konê Milan dabû rê û mebesta Milan ji xwîşka xwe Îslam ê re got bû, bi mebesta ku xwîşka wî Îslam here bin konê Şerqiyan û wan agehdar bike.

Heçî Çilo ye nedixwest ku xwîn di navbera herdû eşîran de birije, lewma jî qewêtî li xwîşka xwe kiribû ku Şerqiyan bi mebeste wî agehdar bike û Şerqî ji ba Milan barkin.

Evdî bi mebeste Çilo gihîştibû û deng li êlê kirbû ku agirekî mezin li bêşberî konar gur bikin û gurîna agir re kar û barê xwe bikin ji bo barkirinê.

Doşekên atlas û qedîfe avêtin ser pişta hêştira û

hespan. Zînêni Diyarbekirî li hespan kirin. Lihêfêni Urşelî avêtin ser doşekan û ser piştä heywanan şidandin. Egîd û ciwanan zilxêni cengê hilanîn û qulibîn ser piştä gihêlan. Zerî û esmeran guliyêni xwe yê hinekirî şeh kirin û berdane ser herdû milan. kofiyêni Batmanî li serê xwe de girêdan.

Di wê şevê de êla Şerqiyan û Dina bar dikin û li dora çemê Circib û Zerganê bi cih dibin.

Demeke ne dirêj di ser barkirine Şerqiyan re derbas dibe, Paşa dixwaze ku dîsa wan bîne ciwarî Milan bi war bike. Lê her çend carêni ku qasidê Paşa dihate ba Evdî, Evdî qayîl nedibû û Şerqîyan cihê xwe bernedan. Lê dîsa herdû eşîran sozên biratiyê nû kirin û hiskiran û rûmet di navbera herdûwan de domand.

Derwêşê kurê Evdî wekî hevalbendêni xwe evîndar, wekî Memo, Ferhat û Siyamend sewdan winda kiribû, ba bilind bûbû. Her wisa jî Evîndara Derwêş Edûla Paşayê Milan jî roj bi roj melûl û jar dibû. Herdû eşîr jî di vê evînê de şaş mabûn tu rê û rîbar jê derinedixestin. Milan ji aliyê xwe ve soz didan û sozên xwe xera dikirin. Şerqiyan jî, ji ber sedemêni olî rê nedidan vê evînê.

Sedemên olî, Êzidiyatî û Muslimanî wekî sedda Çînê û dîwarê Qudsê dikete navbera herdû dilên evîndar. Ew daxwaz dibûn kul û kovan. Ol û mezheban çiqas dilên nêzîkî hev û birîndar, ji hev qetandine û wan bi xemên wan ve, birine nav axe sar. Ji ber guriya ol û mezheban bihêle welat, bajar û gund jî jê xlas ne bûne.

Derwêş ji xwe re digot; Edûl hêjaya ku diniyayê ji bo Zor Temir paşa re kaf û kom bikim. Belê hêja ya jiyana xwe ji bo wê diyarî û qurban bikim.

Ma Şah Cîhan quesra nav û deng Tacmahal, ji bona xatirê jina xwe Mumtaz Banû çênekirbû? Xelîfê Ebasiyan Harûn Reşîd ne bû yê xwarin amanên zêr û zîv da danî ber jina xwe Zubeydê? Em kurd jî ji aliyê eşqê de ji kê kêmtiler bûn? Şêx Sen`aniyan ne bûye yê ji bona evîniya keça qeralê Ermeniyan heft salan bûbû gavanê Berazan. Ma Seydayê Cizîrî kêm gotiye? Ew ne bû yê hem keça Mîr Umaddîn, hem jî keça hukumdarê Hesenkeyfê. Ehmedê Xanî ger wî jî ji evîndaran hez ne kire, aşiq li ba wî qedirbilind ne bûyan, ma wê çima Mem û Zîn nivîsîbûya.

Dêmek yê gotî rast gotiye: « Di vê diniyayê de çi hebe eşq e»

Eşq ji bo herkesî helal û duriste, lê ji bo kurê Evdî bi tenê heram e ?!...

Ji roja pêsiyê de, baweriya wî derketin û rêwîtiye Lalişa nûranî û destûr xwestin ji Axtiyarê Mergehê bû(Babê Şêx). Dixwest ku navê wî jî bikeve nav karwanê aşiqan. Dîroka Milan de navê wî û Edûl ê bête gotin û girêdan. Ji xwe welatê Kurdistanê tev warê aşiqan û evîndaran e. Keçen çav bi kil û çav li derve di rêya bêriyê de dost, siwar û yarêñ xwe di dîtin. Ma qeyî eşiq ne viyanake? Dema ku sipahîtiyên rûyê erdê û ya insanan gireşte hev, viyan dizivire eşqê. Eşq deryayeke herî kûr û fireh e. Yê melevan nebe ji xwe nikare xwe bêxe nav de jî. Gelek melevan jî di wê deryayê de xeniqîne. Bila hema ew jî yek ji wan be!... Lê ew deryayê ew niha ketî nav de, ji ya Memo kûr tir bû. Evîna Edûlê bû ku teyrê eşqê li ser milê xwe dît. Xwe wekî kulîlkeke rêya quban de, belê ya nav gerav Wanê de hesiband.

“Insan pîr dibe lê eşq û dil pîr nabe.”

Derwêş her roj û her seat doz li Evdî dikir ku here Edûlê ji wî re bixwaze. Evdî jî her yek gotin bû: “Mehra jina Musliman li mîrê Êzîdî nabe!” Lê Eyşa Welêt diya Derwêş şîretik li kurê xwe kirbû, ku here Lalişa nûranî û desturê ji babê şêx bistîne.

Agirê evîna Edûlê dilê wî girt û bernede. Dilê wî

tarî bû. Bêdengiya merovan bandor li heywanan jî kirbû. Wê şevê ne hesp û ne jî mehînek şîhiya, ne çelekek û ne jî gayek qoriya. Şeveke ker û lal bandora xwe li konêن Şerqiyan kiribû.

Derwêş jî bi berbangê re ji xew sibê rabûbû, solabendê Hedban şidand bû, self ber xwe de berdabûn, şûr û rima xwe hilgirtibûn û pişta xwe dabû ewra Milan û berê xwe dabû Lalişa nûranî. Roj hîn qamekê bilind Hedban ê rewan siwarê xwe gihadibû Amedê û keleha bi nav û deng ji siwarê Hedban ve diyar bûbû.

Di çîrok û çîvanokan de jî kelihêن wisa bi heybet ne bihîstibûn. Bawer nedikir ku ew kelih bi destêن insanan ve hatiye çêkirin. Ciwaniya rezên devera Dicla yê ji baxêن Îremê kêmîtir nebûn. Şêx Hesen Al-Sabah jî keleha Amûtê biheşteke wisa çênekirbû. Çiqas dîrok, çiqas keda miletêن xwedî bawerî ser bircêن kelehê xuya dibûn.

Derwêş berê hedban da nav deştêن bi xêr û berket. Hefsarê wî sist kirbû. Ne serê deştan diyar e û ne jî binê wan. Mîna stêrkêن esmanan gund û bajar ketine singa erdê. Ji dûr ve merov û heywan wekî moriyan xuya dibin. Meznehiya erdê kurdistanê, boşatî û bindestiya wan mejiyê wî mîna herîkêla birincê tevlihev da. Xwest ku Edûlê bîne bîra xwe. Nehîsiya derdêن xwe û viyana Edûlê her wekî wêneyêن dil kovan hatibûn kulan.

Şikeveftên Hesenkêf, birc û kelaha asê, qesrên kêleka rûbarê bilind bejin û bala minarên serî hildayî esmanê jor, ew serxweş kiribû. Derbas kiribû warê Mem û Zînê, Welatê Botanê. Di rê de dîtibû ku çend mîr li wê derê girêdayîne li dora wan karwanê qantir û keran di nav nefel û endekufê de diçêrin. Merovek şûr di deste û bi zirt û fûtan li wan belengazan dikir. Ew di wê dîtinê de bihîti mabû. Ewî ji aliyekî soz dabû diya xwe Bîşa Welêt, ya duduwan ewî biriya ji Evdî re dabû dema ku egîdiya Şerqiyan û Dinan sipartibû wî ku şûrê wî ji bo rizgariya belengaz û ketiyan be. demekê bi xwe şêwirî û dawî biriyara xwe dabû ku wan ji wî sitemkarîyê rizgar bike. Derwêş berê Hedban dabû ba karwanê girêdayî, xwedanê şûr xudanê zirt û fûtan hate pêşıya Derwêş û bi dengekî bilind gota Derwêş:

- kuro!!..Hespê xwe ji min re bihêle !...Ji bo xatirê ez te nekujim.

Derwêş jî weha li vegerand:

- Van hêşîra berde!....Soz didim ku ez te nekujim!..
- Ez Nûhê Gergerî me yekî wekî te wê min bikujê !?
- Ez Derwêş Evdî me,tu li himberî min dikî axaftin !?...

Yek ji Derwêş yek ji Nûh herduwan wekî du

beranêñ serkozê êrîş berdan hev. Di demeke kurt de Derwêş pişta Nûh danî erdê û şûr danîbû ser zenglorka qirikê. Nûh dizanî êdî ku ewê bête ser jêkirin. Bûbû taq-teqa kenê Nûh. Derwêş li sedemên kenê wî pirsî:

- Ez dikim serê te jêkim tu dikenê !?

- Axaftinêñ bavê min hatin bîr min. Bavê her dem digot: « Kurê min talankirina karwanan terk bide, karwançî, rewingî belengazin gûnene.» Bavê min gelekî li ber xwe dabû ku talankirine karwanan bi min bide betal kirin. Lê min guh nede gotinêñ wî. Rojekê min hespa xwe ameddedikir şûrê xwe hildigirt, bavê min li himberî min sekînîbû û gotbû:

«Kurê min; tu çav sor bûyî, ba bilind bûyê hêviye ji yezdanê pake ku xortekî wekî te çavşor û ba bilind li te derkeve serê te jêke û belengazan ji sitemkariye te xelas bike.»

- Rabe ser xwe bila tu xatirê bavê xwe be. Herduwan dest û biratî dane hev. Nûh soz ji Derwşê stand ku li vegerê bibe mîvanê birakê xwe.

Lawê Evdî dîsa dabû ser rîya Lalişa Nûranî. Derwêş xwe hêşîr avêtibû pêşîr Babê Şêx û hêvi û rica kiribû ji ocaxan.

Babê Şêx:

- Kurê min; daxwaze xwe bêje û bixwaze. Te mîr

kuştine yan jin revandin e, te karwan talan kirin
yan posta hukumetê şelhandine ?

- min ne mîr kuştine û nejî posta şelihandine.

*Derdê min derdekî giran e
derdê min evîn û eşqa dilan e
evîndara min qîza Paşayê Milan e
bavê min axayê Şerqiyan û Dinan e
mîrekî dîndar û şikestiyê ocaxan e
rê nade evîna me herduwan e
ez Ezîdî me, ew ji Musliman e
Babê Şêx:*

*Kurê min; mehra qîza Milan li te nabe
qapî ji bo vê yekê venabe*

*Babê Şêx bizane, derdê evînê derdekî giran e
eşq bi xwe jî bi emrê Yezdan e
ez ê bişkînim qapiyê olan
ez ê ji xwe re biguhêzim qîza Milane*

Derwêşê Evdî dil şikestî zîvirî bû bi ser Edûla
Milan de, ya ku bi durketine wira melûl û jaç
bûbû.

Dema buharê bi xweşiya xwe kopik û kuperên

beriya Wêranşarê bi rengên xwe ve dixemiland,di miha Adarê de heye miha Nîsanê...Belê ji Nîrwozê heye çarşemba sor Qewalan Tawis ji Lalişa Nûranî bi rê dikirin heye ku di wê demê digeha hewrê Milaniyê. Berî ku Tawis here nav konên Şerqiyan û Dinan,bi gihîştina Qewalan re, belê şeva yekemîn ji mîvaniya Qewalan,Qewal tevî tawisa xwe mîvanen Paşayê Milan diman. Erê ev bûbû sê-çar salin ku Tawis nehatibû nav Milan.Qewalan jî nizanîbûn ku dilmanî ketiye navbera Milan û Şerqiyan. Kêfa Paşayê Milan jî bi mîvanen wî re dilxwes bû,wî jî ji wan re wê şevê tu agehdarî li ser Şerqiyan negot bû.

Di dîwanxana Paşayê Milan; “Temîr Paşayê Zengo Zêrîn” de qasî cil-pêncî merovî rûniştî bûn. Hinek ji wan çav şîn,bejin bilind, zer û zenane bûn. Hinek ji wan mîna beranên qemer û hemdanî,hin jî te tê bigote sofiyên Evganistan in, riha wan dirêj û tevlîhef. Hinek ji wan jî simbêlên wan li ber dumana qelûnan zer bibûn. Wekî çiqêñ heliza behî bi ser lêvîn wan de hatibûn xwarê. Piranî ji civatê xencer di ber wan de bûn. Dema ronahiya Şêsimis yan ya şemalan di avête bişkokêñ wan ên zêr û zîv diçirsandin, Di şerwal û kofiyêñ renga reng de xemilî bûn, bi vîsûl, edeb û rêzê pirsêñ diniyayê û olî, ceng û şeran dikirin. Qewalêñ emir mezin jî car caran bersiva wan

dida. Qewal him ji aliyê olî û him jî yê diniyayî ve herî tijî bû. Helep, Bexda û Stenbolê geriya bû. Biyaniyê ilmî û irfanê nebû. Gelek zana û gernasan ji nêzîk ve nas dikirin. Di dîwan û meclisan gelek hemdemên bi nav û deng de rûnştî bû. Ji bilî kurdî zimanê Erebî û Farisî jî baş zanîbû. Ji Hozan û dengbêjan jî pir hez dikir. Helbestvan û dengbêj ji dîwana wî kêm nedibûn. Gelek rûpelên Mishef Reş û El-Celwe jî ji ezber dizanî. Ji dîrokê jî gelek hez dikr. Dîwanxana Paşayê Milan ji gotinên pirtûkan û zar gotinên bav-kalan dijî kiribû. Zilm û zordariya Ereban, Faris û Osmaniyan li ser miletên xwe, Qewal ji civata Milan re diyar kirbû.

Wê şevê jî giranhiya deng û behsan li ser Zilm û zordariya Osmaniya û Ereban derbas bû. Dewlet çawan li ba wan bi qeder û qîmet e, ji bona parastina dewletê çawan hemî rêkên xwînmêjîyê diceribînin, hukumdarên Osmaniyan ji bona silametiya sultanên xwe çawan birayên xwe hêja zarok di dergûşan de didane kuştin, gund û bajaran çawa wêran dikirin. Merovan bi sed sed, bi hezar û hezaran di avêtin nav çalan. Ereban sê xelîfên pêxember sexmeratî mezinahiya dewletê çawan dabûn ber şûr û xenceran, serê neviyê wî Hûsêن çawa li deşta Kerbela jêkirin, û pê bi holanê lîstin, çawa dubendî êexistin nav Medîyan û dewleta wan cawa faşil kirin.

Kela (keliha) Dimdimê çawa hate wêran kirin, jin û zarok, bûk û nûbûk çawa di birca Narînê de, bin şûrên qizlbaşan de derbas bûn û serêن wan hatin jêkirin, ji bo zilamêن xwe dilsot û dilkovanî pêşkêş kirin.

Di mêtûyê de dema ku xanedanê van hersê hovan dihilweisîyan yan jî dimane birçî, çawa dihatin ser xaka wan, çawa ew qir û talan dikrin. Birayêن xwe yên kurd kirine dijimin û neyarêن wan, jê re qise kirin. Ji bona baweriyêن xwe yên olî çawa berxwedan û serhildan kiribûn. Ne Sultan Murad, ne Herûn Reşîd, ne jî Şah Ebbas karî bûn wan baweriyêن Ezîdxanê ji dilê xwedanê wan bînin der. Talan, qirkirin, xwînmêjî û xwînrijandinê zêde tu tişt ji wan re kar nema bû.

Civatê jî wekî pezê bêser guhdariya Qewal dikir û perdê dilê wan hemberê zorkar û bêbextan her stûr dibû. Kurtahiya şevêن buharê demê razanê nêzîk kir. Dîwana Qewal tu caran vala nedima. Merov ji sohbata wî têr nedibû. Peyv mîna rûbarêن şîr û hingivînî di nav lêvên wî de li dûv hev diherkîn. Te dê bigota ji heft zanayêن Yewnaniyan ew yek e, bi hezarêن sal n şûn de li gundekî Mezopotamiyayê şînbûyî. Ji xwe xwedanê Mezopotamiyayê yên qedîm jî ew bûn.

Qewal dîsa dest avêtibû axaftinê. Berê xwe dabû Paşayê Milan wekî ji wî re diaxive.

-Ezbenî, gelê kurd, gelê kurmanc bêtifaqe... Bê çima!... Eşîr li dijî hevû û dinin, Xwîna hevdû bê sedem dirjînin. Dijimên wan bi kêfa xwe bi wan dilîzin, bawer bikin! heger birayên me yên kurd kurdên Muslman ne dane pêşıya eskerên Romiyan,Roma reş, eskerên Romê bi tene xwe newêrin werin ser gundên me. Lê çi bêjim ji bo kêm aqilan!... çi bêjim jî bo nezanana!... dijimê qewmiyeta xwe ne. Biran roja dawî kesek ji bilî me,xêra me naxwaze!.

Erê Paşayê min!... Kurmanc mezinahiya hevdû dû qebûl nakin, dibe ev yek jî, ji ber zulmek û zordarekê hilatî be, bi çi awahî hatibe têra me hat. Îro şûn da gerek em bi zimanê xêrnexwazan ne axivin!... Bi rastî dixwazim, ji bo civata Milan bêjim; bêtifaqiya mala me hemû kurdan, wêran kriye kurdên musulman di derheqa me Ezidiyan de, ew gelekî hatine xapandin. Osmaniyan, Ereb û Farisan mejûyê wan şûştine. Olê İslâmê daxwazên wan yên neteweyî quşandine û kor kirine. Di dil û hiş wan de, em qewmekî kafirin. Qetla me helal e, malê me ji bo wan xenîmet e. me diKujin ji bo biheştê ji xwe re qizinc bikin û quesran di wê biheştê de bistînin. Qesrên vê diniyayê bo Ereb,

Faris Rûmiyan ne, yên diniyaya din ji bona wan
veşartine... Lê ez heyretgirt mame!... Biratiya
me çawa ketiye dilê vî zilamî.

« Destê xwe ber bi Paşayê Milan dirêj kirbû. »

Çi !?... Agire dijminahiya me ji dilê wî
derxistiye ?... Gotinê wî hemî wekî kevirên Kela
Babîlê necirandî û çêkirî ne. Destê hosta û zanan
hatine birîn. Di mejûyê merovan de zû cihê xwe
digirin.

Neteweye kurd, mêşe-bîşe, rêl e û daristan e,
paşayê min; şêr, mîr tu caran jê xilas nabin.
Xudanê warekî qedîm, zeviyeke qelew e û
Mezoptamiya ye... Di vê dergûşê de zanayêñ û
mîrxasên wekî Kawa yê hesnker, lê hengên wekî
Selahedînê Eyûbî mezin bûne.

Gotinê Qewal pir bi Paşa xweş hatin, lê careke din
jî şikêñ di dilê wî de hemû nehatibûn malîn. Ew di
axaftine Qewal de xwendibû ku Qewal bi
bêbextiye ku li Şerqiyan kiriye, Qewal pê eghidar
e ...!? Ya duwemîn jî her dem soffî dîndarêñ
Milan baweriya wî ji Îzîdiyan dibirî. Lê
baweriye wisa li ba wî peyde bû ku Qewal di
gelek dîwanêñ merovêñ aqilmend û e rûniştîye.
Guhê xwe pir dabû gotinêñ merovêñ zana û
maqûl. Paşa pê gihîştibû ku ji bo insan an
qencîxana herî mezin zanatiye. Nezanîn tarîtiye,

zanîn ronahîye. Rêka aqil nebe tu kes nagihe armanca xwe.

Êdî şevê nîvê xwe derbas kirbû. Civata Paşa jî belav bûbû. Sibe ronahî bûbû, Qewalan jî ber bi şêşimis (ROJ) ve Rawestiyabûn û du,a xwe kiribûn û berê xwe dabûn konêن Şerqiyan.

“Emê qasekê Qewalan li mîvaniya Şerqiyan û dinan de bihêlin, dîsa vegeerin bin konê paşê Milan.”

Dema ber bi êvarî ve diçe, rojên buharî li beriya Wêranşarê, esra-teng, ji rojên buharê, bihêna gul û gulçîçekêن beriyê dilê rûnştiyêن herêmê rageş û xwêş dike.

Paşa bi çend xulaman ve li sînga kon ve rûnştibûn. Siwarek wekî gula berno, yê ber bi konê paşê ve xwe dikişîne, bêñ li wî û hespê wî çikiyayî, xwe ji ser piştä hesp avêtibû ber lingê Paşa û got bû:

-Paşayê Min; me du merovêن Ereb li beriyê girtine, ewan ev nama ji bo Paşayê Milan ji ba

mezinêن Ereban û Turkan anîne ji bo cenabê we. Xulam nama ber bi Paşa ve da. Paşa jî şandibû du Mele Xelîl serokê katiban. Mele Xelîl nama du-sê caran xwendibû, wekî ku bawer nedikir. Mele Xelîl devê xwe anîbû ber guhên Paşa û jêr naveroka namê gotibû. Bi axaftinêن Mele Xelîl re rengê Paşê reş qemer bûbû û pêra-pêra deng li xulaman kiribû û got bû:

-Zû lezikin! qasê Milan li bin konê min de kombikin.

Di buharê de qasêن Milan berê xwe didan koçeriyê. Îsal jî wekî her sal piraniyên Milan ji beriyê barkirine û berê xwe dane koçeriyê. Milan vê salê bi du şopan ji beriyê xwe berdane koçeriyê. Şopekê xwe berdabû biniya bajarê Reqa, yê û şopa din xwe berdaye sînorê Şemer a, derbas kiribûn sînorê Îraqê.

Mele Xelîl bi fermana Paşayê Milan du nama şandibûn li du herdu şopêن Milan û got bû:
„dema nama min bigeha destê we, di wê demê de li ber konê bin !!”

Deh roj qediyan ku Paşa namêن xwe şandibûn ji bo koçerên Milan re,dem derbas bûbû roja

yazdehan, hezar û pêncsed siwar ji fêrs eپûden Milan li ber konê paşayê Milan xwe berdabûn sei darı riman.

Paşa rabûbû ser pîyan, herdu destên xwe dabû pişt xwe û di bin kon de li nîvê civata Milan çû û hat û gotibû:

-Milan o!.. Sibeye bila dengê min bê we tevan, dijminên we li hev kom bûne wekî wawik û inawîkên devê çeman, Turk û Gêsan ji hevra sünd xwerina bi kitêb û Quran,a ku kuştina wan heye, lê vegera wan tune bê talan û namûsa Milan.

Kom mezina, cerd girana... Hezar û hefsed siwarî Gêsan, û hezar û hefsed siwarî Turkan, Şemir û Badû, xwe berdane beriya kurdan qûtkirine kepezê Kîkan, berê komê li warê Milan e. Li beriyê diherikin wekî kûlhêن bejik, li pêş xwe dibirin ter û hişik, heftê keçikên Şêxan û mezinan bi wan re ne. Heçî ji egîd û girgirekên Milan ji min re bîne salox-sloxêdane wê cerd û kôma giran, ez bidimê qîza xwe Edûl, qîza nazdar xwedane morî û mircana, qîzika çar gulî, Edûl me'dene zêran. Ezê ji wan re vedim konekî li ser çardeh situnan, berdim pêşıya konê mezin boşê hêştiran û hespan,keriyên dewar û hilkan, bi ser van tevan de ezê Edûla Temir Paşayê Zengo Zêrîn dîrka bîst û çar eşîrên kurdan, bikim kebaniya

mala wan e.

Di bin konê Paşê de rûnştine, beg, axa û egîd û
girgirekên Milan.

Xwînê xwe berdaye navbera goşt û neyînokan.
Qehwaçî qehwa danîbû ser zilfa zêrîn gerandibû li
civata Milan ,heçî vexwe fincana qehwê, wê here
şerê wê cerd û koma giran e.

Marekî xwe bi çend fitaln pêçaya li fincanê,
zimanê xwe dirêj kirîye bostekê û çar tiliyan.

Sê caran fincana qehwê çûbû wî serî civata Milan
vegeriya bû serê dinî civatê, kesekî ji civata
Milan ceger nekirbû ser sifirê hilîna fincana
qehwê, hilgire barê cenga Gêsan û Turkân.

Di bin kon de rûnştibûn tev egîd, beg û axa, tev
filan ibn filan in, xwedanê hespan e,yê keriyê
mihan e,maqlê malan e. Tevan serê xwe
berdabûn ber xwe wekî jinan, bostekê ax li ber
xwe kolan e.

Temir Paşa gazî kiribû Mele Xelîl serokê katiban,
ji wî re gotibû:

-Mele Xelîl rabe kaxezekê binvîsa bişîne ba Evdê
Mulhim, nav her cil malêñ Êzîdxanê, belkî Evdî

axa bi gazîya Milan ve bişîne Herdû şêrên xwe, Derwêş û Sehdûn. Mefera me maye Derwêşê Evdî lawîkî Êzîdî, siwarî Hedban. Belkî Derwêş ji ser Milan vegerîne koma Turkan û Gêsan.

Mele Xelîl li Paşa zîvirîbû bersiva paşê weha dabû:

-Paşa!.. Ez nizanim tu xurîfî bi hukmê salane!?... Paşa me tu nizanî ku ev pênc salin cenabê we xeyîdandiya axayê Şerqiyan, bavê Derwêş zinarê mîran.. !

Paşa were em xwe hêsîr bavêjin bin konê Evdî, yê Mulhim axayê Êzîdxanê, belkî Evdî bide me herdû şêrên xwe Derwêş û Sehdûn. Ez sündixum bi Quranî ezîm, ku lawê Evdî ji ser Milan venegerîne cerd û koma girana, kesek ji Milan ceger nake û venagerîne koma Turkan û Gêsan e!...

Paşa û Mele Xelîl siwar bûbûn li hespan, berê xwe dabûn konê Şerqiyan.

Evdîyê Mulhim axayê Şerqiyan, bavê Derwêş û Sehdûn, emrê wî ketiye heftê û Pênc salan, Jina wî Eyşa Welêt emrê wê ketiye heftê û du salan, çavekî wê kor bûye û yê din jî bi dûmana. Herdû rabûbûn ser piyan û pêşberî Paşa ve çûbûn, xêrhatin dabûn wan, qedirekî mezin ji bo Paşayê

xwe girtibûn, wekî mîvanekî ezîz û qîmet giran. Evdî wisa ji Paşa re diyar kirbû wekî ku bêje ; « Paşa: Bi hatine te dilman ji aliyê min ve hate jibîrkirin.«

Evdî bi xwe jî, ji hatina Paşa ecêmayê bûbû, ji xwe re digot : »Gelo Paşa hatiya ba min ci ?! » Ewî dizanî ku qedereke mezin hatiye ser Paşa, lewma jî Evdî nema sebir kirbû û Paşa pîrsî :

-Paşa ez nizanim ci ecêb bi serê te hatiye ?!... Te îro berê xwe daye bin konên me Şerqiyan, rengê te ketiye rengê miriyan. Ez sund dixuim bi sunda mîran, tirseke mezin ketiye dilê paşayê kurdan, hêviye min ji yezdan paka ku tirsa paşayê kurdan ji xwena şevan be. De ji Evdî re daxwaze xwe bêje.

Mele Xelîl axaftine Evdî birîbû û berî Paşa bersiva dabû :

-Kekê Evdî, ma we nebihîstiye ?!... Ji Paşa re namak ji Turkân û Gêsan, Şemir û Badû'an hatiye, Turk û Gêsan li hev kom bûne wekî gûlihêن bejik, sund xwarine bi Quranan ku ewê êrîşê bibin ser Milan, malê Milan ji kok de talan bikin, namûsa Milan bidin ber lingan, wê qîza Paşayê Milan bibin ji beg û Şêxên xwe re.

Turk û Gêş ji Milan dixwazin şer û cenga mérane, qeb-qeba kewane. Mezinê Gêsan gotiye; “ wê yekê bi serê Milan de bînin ku heye heftê û du bavê kurdan rabin, ev şer û ceng han neçe ji bîra kurdan.”

Turkan û Gêsan karê xwe kirine ku şerf û namûsa Milan bifiroşin li sûk û dikana, namûsa kurdan bînin qîmetî du qiruş û nîvan.

Heger namûsa!.. Namûs namûsa me kurdan e.

Evdo keko, kî bîne salox û solaxdan wê koma giran, paşa wê bidiyê qîzika nazdar, xwedane morî û mircana, Edûla qîza Paşayê Milan xwediye gûliyên hinekirî, bazinê zêran. Wê bi ser de jî jêra vedê konekî ser çardeh stûnan, berdê pêsiya kon, boşê hêştiran keriyên mihan û hilikan.

Dema Evdî axaftinê Mele Xelîl bihîstibûn çavêن wî sor bûbûn wekî agirî daran, rayêن aniya wî hatibûn hev, pora serî desmala Mosilî bilind kiribû, bersiva Mele Xelîl dabû, lê berê xwe dabû Paşa û got:

- Paşa ez nizanim ne tu xurifi bi hukmê salan e, ne jî te aqilê xwe windakiriye, ji qehrê nama Gêsan û Turkân, ne jî, ji tirsa windabûna Paşatiya Milan e !?!

Hûn mala Paşê malake bêbextin, telaq reş in, hûn qedrê camêr û mîrxasan nasnakin. Dema hûn di ferhiyê dene, em ji bo we ne tiştekin, em ji bo we Ezidiyên kafirin, qîmetê me du qiroş û nîvin. Ji berê û paşê de tu bi çend malên me Şerqiyan û Dinan dilîzî!! Ma nayê bîra te, dema ez siwar bûbûm li qemerê diya Hedban, tu jî li hespekî kihêl ku bi stêran re dibezî, em çûbûn nêçîra xezalan, li tixub û sînorê dijminan, bi sadan li me derketibûn siwarêن Hacî Faris, ji tirsa siwarêن Hacî Faris rengê te ketibû rengê miriyan. Te gote min; „ Evdo em ji xwe re bazdin! Wê min bikujin...Milan wê bimînin bê Paşa û beg.“ Wê çaxê min berê qemerê dabû nav koma siwaran, siwar kuştin bi dehan, yên din jî ji ber bavê Derwêş û Sehdûna bazdan. Dema em zîvirin ba Milan, cenabê we di civata xwe de û li himberî Milan gotbû: „ Evdo, yê Mulhim mîrekî ne Muslman e...Kafire...Bê kitêb û bê Yezdan e !! Paşa cenabê we çîma nizane bi qedirê camêran, xwedan namûs û egîdan... ?!

Eyşa Welêt axaftina mîrê xwe Evdî birîbû û weha gotbû:

- Evdo çîma li himberî Paşa dikî van şorane?! Namûsa Milan, namûsa me Şerqiyan c jî, namûsa me kurdan tevan e. Bavê Edûlê, Paşayê Zengo Zêrîn, paşayê bîst û du eşîrên kurdan e, Evdo

pêwîsta ku Paşa bizane ku ji aliyê me ve gelekî kiriya kemasî û quşûre. Lê îro roj roja namûsêye, barê namûsê barekî girane.

Paşa here dîwanxane xwe rûne wekî tu Paşa. Evdo wê bi hawara Milan ve, belê ji bo rizgariya namûsa Milan re ji bo te bişîne herdû lawên xwe Derwêş û Sehdûnê xwedanê gulian e. Heger Xwedê neke, namûsa kurdan bikeve bin lingên Gêsan û Turkan, saxî û silanetiya Evdo û kurê wî Derwêş siwarê Hedban ji bo çi ye!!..

Derwêş û Sehdûn hatibûn ji nêçîra xezalan.

Karê egîd û siwaran di dema ku ceng û şer tunebin, nêçêr bû.

Evdî jî sebir nekirbû bi gihadine herdu lawên wî ji nêçîrê, hatina Paşa û mebesta wî ji Derwêş û Sehdûn re gotibû. Belê Evdî li vê yekê ne sekînbû Ceng û şer, belê rizgariya Milan danîbû ser milên wan, kirbû kardariya lawên xwe.

Derwêş û sehdûn berê xwe dabûn konên Milân. Silav li civata Milan kirbûn, lê egîd û girgirekên Milan bi serê lêvan silava lawên Evdî vegerandibûn. Paşa silav Derwêş û sehdûn vegrandibû û gotibû:

- Derwêş birazî were li kêleka apê xwe ser

doşekan rûne.

-Paşa!.. Cihê me malên Şerqiyan di civata Milan de nav pêlava ya. Cihê bavê min Evdo hawirî devihane, axurî hespane. Hûn mala Paşê, maleke bêbextin,telaq reş in, dema tirs ji ser we rabe hûn qedir nadin egîd û mîran, Paşa ma nayê bîra te ?!... Dema ez û tu çubûn nêçîra karêñ xezalan ji ber ma rabûbûn du xezal, li beriyê min kuştibûn herdû xezal, wê demê li me derketibûn dused siwar, te gote min;

“ Derwêş birazî em ji xwe re bazdin,xwe xelaskin ji destê yan siwaran.”

Tê bîra te bersiva lawê Evdî!

“ Ji siwarê hedban re şerma ku paşayê Milan bazdê.” Min ling kiribû rikêbêñ Hedban êrîş dabû siwaran, siwar ji ber kekê Sehdûn ji hevbelav bûbûn, qîz û esmer derketibûn pêşıya Hedban û gotbûn:

“ Kul û kesere dilê me siwarê Hedban e.”

Dema em gîhîştin malê, di mecilsa Milan de ji te hate pîrsîn, li ser mîranî û egîdiya kurê Evdî te gotibû:

- Kurê Evdî,xwarzê Elî Gor!!... Lawikî Êzîdî qîmetê xwe du qirûş û nîvin. Te nogt; aferim Derwêş birazî! Egîdekî kurdan e.

Lê paşa dîsa jî bêjim; saxiya siwarî Hedban, lawikî Êzidî, egîdê Şerqiyan ji bo çiye!? ku namûsa kurdan bibe lîstika pêxaws û qaçaxçıyan. Wê demê mirin ji bo min serfirazî û azadiye. Ez îro hatima vexuim fincana qehawê hilgirim barê cenga Turkan û Gêsan. Paşa bizane ku heye siwarê Hedban, lawikî Êzîdî saxbe li vê diniyayê kesek nikare êrîşê bibe ser Milan yan qal û behisa namûsa kurdan bête kirin.

Çav li Paşê sor bûbûn wekî perngî daran, dil û hinav keliyan!..Wekî sêla sorbûyî li ser dîstan. Rahîstibû kopal ketibû nav meclisa Milan. Di meclisa Milan de rabûbû ser qametî lingan, bûbû virta-virt kolosên gîrgrekên Milan, di bin çîtê kon de tev revîne. Her yekî ji bin konê Paşê bazdide, di cihê xwe de hiştibûn kurk,şûr û mertal, kesek di bin kon de nemabû,ji bilî Paşa û Derwêş, Çîlo, Sehdûn û Mele Xelîl e.

Bi gihiştina Derwêş li bin konê Milan, xeber gihabû Edûla Paşê qîzika evîndar.

Qîzêñ Milan jî li Edûlê kom bûbûn, qîzik ketibûn wesif û pesnê egîdan, her yekê ji wan qîzan

siwarê xwe, yarê xwe, egîd û mîrxas şervan û siwar diyar dikir, lê Edûlê bersiva qîzan weha dabû:

-A, niha hûnê bizanin kî egîde...Kî mîrxasa... Kî wê hilgire barê cenga Turkan û Gêsan e...??!! Paşa dîsa gazî mecilsa Milan kirbû û ji wan re gotibû:

-Yê ku hilgire barê cenga Gêsan û Turkan ezê bidimê qîza xwe Edûl!..., Ezê bidimê mal û milkan, boşê devihan û keriyên mihan.

Edûl bi xwe şêwîbû û gihabû biriyarê ku here li himberî Derwêş bike çend axaftinan, belkî Derwêş ji biriyar xwe vegere û neçe cenga dijiminan, ew bi xwe re gihabû wê bawriyê ku heçî her cengê bi saxî vegere wî tune .

Edûl li himberî mecilsa bavê xwe rawestiya û gazî girgirek û egîdên Milan kirbû û gotibû:

- Milan o!... Milan o!... Bila dengê min bête we tevan. Ma qeyî mîr û egîd di nav we de nemane ku hûn dixwazin Derwêşê Evdî, lawikî Îzîdî yê ku hûn tev di dilê xwe de wekî dijmînekî wî dibînin, lê pir başa ku hûn ji wî jî pir ditirsin. Hûn dixwazin wî bişînin cenga Ereban û Turkan. Ez baş dizanim ku hûn dixwazin wî bişînin yê cenga han, ji bo xatirê bi saxî venegere li Evidiyê Mulhim û Eyşa Welêt, belê hûn wî dişînin ji bo

xatirê ku sax venegere li Edûla Paşayê Milan.
Gelî Milano!... qeyî mirin ketiye navbera goşt û
neyînokê!? Ev fincana qehwê li ser zilfa zêrîn
bûye golorekî maran!... Vî marî zimanê xwe
derxistiye bostekê û çar tiliyan. Kesê ku destê xwe
bavêje fincana qehwê, heftîk ji emrê wî maye!...

Bê dengiyê konê xwe li ser civata malan danîbû.
Derwêş jî wekî şerekî bi zinciran girêdayî, ji cihê
xwe rabû ser piyan,zincîr bi çend xelkan
qetandibû, bi dengê xwe yê bilind ku gazî
qehwaçî kirbû û gotibû:

- Qehweçî!... Tu ji min re dagire, qehwakê
duduwanê.

Qheweçî bi emrê xwe zaroka, lê lawikekî bi aqil û
zîreke, dizanî bi qedrê egîd û mîrxasan. Qehwaçî
qehwa danîbû ser kûçikî arî kelandibû qehwak
wekî aravê çekane. Danîbû ser zilfa zêrîn dîsa
gerandibû li civata Milan, gerandibû li egîd û
girgirekên Milan. Tu temaşeke li vê civatê!!
Tevan serê xwe berdane ber xwe wekî jinan. Dî
civatê de hene egîd hene girgirek, hene nefş mezin
û ba bilind, tev filan ibn filan in, malxweyê
malane, xwedanê mal û milkane, beg in Şêx in,
mezinê eşîr û bavikane.

Sê caran qehwaçî di ber civata Milan re çûbû û

hatibû vî serî û wî serî civatê, kesekî ji civata Milan ceger nekir, mîranî û ceger di kesekî de negeriye!...

Pozê axayekî, egîdeki, ku navê egîdiye êlê li ser xwe danîbû, pozê kesekî ji Milan neşewitî û negotbû;

«Namûsa kurdan wê li ber lingê hespêñ Turk û Gêsan pête perçiqandin!?,»

Derwêş wekî teyerkî baz destê xwe avêtibû fincana qehwê,higirtibû barê şer û cenga Gêsan û Turkan. Derwêş fincane qehwê bi ser xwe dagirbû û deng li civatê kirbû û gotibû:

-Paşa ezê hilgirim barê hezar û hefsed siwarêñ Milan,herim cenga Gêsan û Turkan. Paşa bizane heye siwarê Hedban li vê diniyayê bijît, kesek nikare êrîşê bibe ser eşîrên kurdan. Her dem gerekî namûs û şerefa begê kurdan bavê Edûla çilgûlî ser bilind be namûs û şerfea Paşê Milan, namûsa me teva ne. Lê paşa! heger ez hatima kuştin tê bidê diya min Eyşa Welêt keriyekî miyan ji bo doşanê.

Lê bêjim ji bo şer û cengê! Paşa tê bide min Sehdûn ê bira xwedanê gulîyan,xelefa Evdê Mulhim. Paşa Tê bide min Çiloyê Hîzolî, mehkumê destê xwediyan, qatilê çend mîran e... Seba xatirê her pênc xwîşkêñ xwe ji welatê Hîzola

fîrar bûye, xwe hêsîr avêtiye bextê paşayê kurdan, cşîra Milan, seba xatirê her Pênc xwîşkan him şivane, him gavane, him serwane.

Tê bide min, herdu lawên Ferhê Dolikî.

Tê bide min, herdu pismamên min lawên Usiv yek Emer û yek Bozan e.

Edûlê xwe gihadibû Derwêş seba ku ji wî bike reca û minetan, ta ku Çilo bi xwe re nebe vî şerê giran. Xwîşka Çilo İslâm jî rica ji Edûlê kirbû ku ew jî bike reca ji evîndarê xwe ji bo xatirê birayê wan yê bi tenê nere vî şerî, lewma jî Edûlê serê xwe danîbû ser çoka siwarê hedban û gotibû:

-Derwêş were bîstekê bi Edûla xwe re bike henek û laqirdiyan, devê xwe têxe bin guharê heyderî, gerdene gewir nav morî û mircanan. Ez bi xwedê kim çuna te heye vegera te li Edûla te tune. Lo Derwêşo were miraza min bi cî bîne, êdî bile yezdanê pak me bighîne hev du di bin axe sar de li wî zehmanê Ezîdxanê li qerexe çiyayê Şingalê.

Berî ji delalê xwe bixwazim xatiran, hêvî dikim ku Çilo bi xwere nebe şerê Turkan û Gêsan.

- Edûl bizane ku cenga han, cengekek zor girane, baweriya min jî ewe ku careke din ez Edûla Milan nabîn im. Lê Edûl barê namûssê barekî girane, heger xwedê neke ku namûsa Milan bikeve destê Turkan û gêsan jiyane Derwêşê te, li vê diniyayê ji bo çiye !?... Evîna min û te gerekî bi serbilindî

bijît. Evîn heger ne ser bilind be, ne evîne, xwedanê wê evînê ne hêjane ku bijîn, belê nehêjane ku navê evîndaran li ser xwe dayînin !!....

Edûl û Derwêş ketibûn henek û laqirdiyan, herdû ketibûn deriya evînê eşqe dilan, ji lizete evînê xwe ji bîr kiribûn. Serwanê devihan wan dibîne, şûrê xwe ji qalik dikşîne û êrîşê dibe ser herduwan.

- Lo lawiko ! ezê te bikujim çawa tu ceger dikî dest dirêjê bikî qîza Paşayê Milan !... Te devê xwe kiriye gewriya mor, destê xwe daniya ser taximê beran. Lawê Evdî destê xwe neke hemu qulane ! Qulin hene di wan de peyde dixin kilorê marane, ezê li vê beriyê te bikujim, malê te talan bikim, li ser Şerqiyan bikim bahuz û duwmane.

Çav li Derwêş sor bûbûn wekî perengî agirî daran, dest avêtibû şûr, lê Edûlê ew sekinand, berê xwe dabû serwanek û gotibû:

- Serwaneko! Ma tu dixwazî kuştî li mala xwe bizîvirî?! Ez vê carê ziman dirêjiya te bidim xatirê zarokên te, nahêlim Derwêş te bikuje! Bazde!... Here karê xwe .

- Derwêş!...Edûlê!... Li qisûra min negirin,min ziman dirêjayîk kir, qisura min bikin bin pêlava xwe. Hisab bikin ku min hûn nedîtine.

Edûl û Derwêş di bin bandora lezete evînê de dem ji bîr kiribûn. Ew esra-teng bû,niha jî berbange. Edûlê deng li Derwêş kirbû:

-Derwêş,dem kete berbangê,raba bejna xwe girêde,ji bo çûna cenga Gêsan û Turkan. Hêviya min ewe tu sax silametî li Edûla xwe bizîvirî, lê eger tu di vî şerî de hatî kuştin, soza min bi te û yezdan re piştî Derwêş lawê Evdî, kesek bi bejin û bala Edûla Milî dilşa û miraz nebe. Ez ji vê kêlîkê de bûka Evdê Mulhim im, piştî şehîdiye te! Mêvana axa sar im.

Bi gihiştina Derwêş re Sehdûn ber bi wî ve hatibû û ji wî pirs kirbû,sedemên winda bûne wî heye berbangê!?...

Derwêş jî ,ji Sehdûn re gotibû ku ew ji duh êvar de heye berbangê bi evîndare xwe Edûla Paşê re bû. Sehdûn ji axaftinên Derwêş dil teng bûbû, sedmên wan axaftinên Derwêş Sehdûn bersiv wî weha dabû:

- Derwêş bira heger ne ji tirsa min be xelk wê ji te bistînin dora aşan.

Axaftinek ji Sehdûn, yek ji derwêş, herduwan dest avêtibû şûran, bûbû,şinga-şinga şûran virta-virta pesin û wesfan. Herdu li himberî hev sekinîbûn wekî du çiyan.

Eyşa Welêt gazî Evdî kirbû ku xwe têke navbera herduwan. Evdî jî qîrek dabû lawên xwe û gotibû: «Law hûn li min bikin guhdarî, ez dixwazim ji bo herdu lawên xwe re bikim çend şoran. Heger hûn wisa mîrêñ û mîrxasin, bila Derwêş siwar be li Hedban, Sehdûn jî li Delo, ez jî li Qemerê diya Hedban emê xwe berdin beriya Milan binêrin kî ji me berxa kî berane ?! Xwedê mala we xerab kiriye hûn têñ hev bi şûr û riman?!.Min digot belkî herdu şêrêñ min welatê kurdan rizgar kirine!?.Min digot belkî herdu lawên min Koma giran ya Turkan û Kêsan ji ser Milan dane alî...Lewma jî dilîzin bi şûran û riman!!..Min nizanî ku herdu lawên min dîn û har bûne!..Habîl û Qabîl in!..Dixwazin xwîne biratî birjînin. Dilê dijminan bi Şerqiyan û Milan şa bikin. Heger hûn ji pişta Evdî û ji hinavê Eyşa Welêt in, hûnê a niha rabin siwarbin herin bin konê Paşayê Milî, û dura berê xwe bidin beriya Wêranşarê cenga Gêsan û Turkan, namûsa me kurdan biparêzin ji destê dijminan.»

Di bin konê Evdî de, li hev civiyabûn nejda hawarê, Derwêş û Sehdûn, Çîlo, Emer, Bozan û herdu lawên Ferhê Dolikî, Ji Evdî diprsîn; Derfet û hîlêñ cengadarêñ Gêsan û Turkan. Evdî bi xwe por sipî kirbû di cengan de, piranî cenga bi Turkan û Gêsan re.

*Felek dem û dewran e
diniye milkê rebil-Alemîn e
her heft tebeqê erd û ezman e
tev erdî yezdan e*

*Roja me hilatiye ji mala rebê- Alemê,
ji roj hilat e
şewq û şemala vê rojê xwe daye beriye,
Wêranşarê beriya bê pîvan e
diniyake pûce,derwîne,milkê xwedan e
tiştekî me evdan têda tun e
emrê me derbas bû şest-heftê salan e
emê herin mezelên kûr,axe goran e*

*Roja me ji nîvro dageriyan e
xortekî ji Milanî rahiştibû darê dûrbînê,
li ber çavê xwe daniy e
gerandî li beriya Wêranşarê,beriye Urfa,
beriya serê kaniyê bê pîvan e
carekê bala xwe dayê toz,ecacek û dûman e
xubareke sê siwaran e*

*Hineke digot; siwarêن Şerqiyan û Dinan e
hineke digot; siwarêن Kîka û Milan e
hineke digot; siwarêن Gêsan û Turkan e*

*Hercê wan li ser milan e
ji xwedê bawer bike*

*her sê siwar, siwari qantûram e
li devê deriyê konê mezin peyabûne,
konê bavê Edûlê Paşayê Milane
paşayê Zengo zêrîn direke
pîst û çar eşûren kurdan e
bendê eşûra dane*

*Xulam û xizmetkar bi qantûre wan ve dibeziy e
qantûri wan tewlandum li tewlxan e*

*bala xwe didüm hersê siwaran e
hersê siwar, Erebê pî valan e
kirâsê wan mînana kirâsi maran e
yekî kaxezek derxistî jî berîk û cêban e*

*Paşa gazî kirbû Mele Xelîl:
Serokê cil û çar katiban e*

*Mele Xelîl ew kaxez xwendin daye
pîst û sê imza li ser wê kaxezê dane
di neqebe bîst û sê imzan de,
mohrek lê dane, bi qasî binê qazan e
bi qasî binê tawan e
Everê Gêsi û pêra
hezar û hessed siwarên Turkan e
xwedê dizane cerdeki mezin e
komeki giran e
ketine qoça Çelogiyê, girê Qayîdiyê*

kepezê Kîkan e

*Mebesta wan ne ewe
bibin boşê devihan e
keriyê miyan e
rabotî hespan e
mebeste wan ew e
hilmê keçike xweşik,
di bin konê Milan de bihîstin e
keçikê bi darê zorê birevîn in
ecêbekî bînin serê kurdan e
heta heftê û du bavê kurdan rabin
ku neçe ji bîra wan e*

*Keko buhara, emê ketine miha sêya û çaran e
koç û keriyên Milaniyê ji hev qetiyân e
bi du şopan e
bi du rêzan e
şopekê xwe berdaiye biniya
bajarê Reqa, yê bi nîşan e
şopa dudwan,
xwe berdaye, sînorê Şemiran e
derkas kirine hidudê İraqê malik wêran e*

*uihara; ji bili sêsed û du kon e
li dora konê paşê neman e
hêstirê çavê bavê Edûlê diherkin mîna ne
ava çeman û kaniyan e*

*cerdeke mezine
komekî giran e*

*Paşa gazî Mele Xelîl kire
serokê cil û çar katiban e*

*tu meyzeke li çavê Paşê Milan e
bûne mîna gulî topan e
çırka-çırka diranên wî,
mîna ne xwerina nokan e
kî... Li himberî wî bike du gotinan e
namûsa wî dike bin lingan e
malê wî dike talan e*

*qelema destê Mele Xelîl diçe û tê
mîna perçak qeşa
mînanî layîlan e*

*Kaxezek çêkirî bi du şopan e
kaxezek şandibû,bajarê Reqa bi nîşan e
kaxeza din rêkirin,Îraqê malik wêran e*

*Çardeh şev,çardeh rojê van kaxezan qedîyan e
ketibû şeva pasdeh-şazdehan e
Pêncsed konî,li dora konê paşê
çit û berdêñ xwe vedan e
bi qasî stêrkêñ ezman e*

*tev mom, fener û çirayên wane
vê sibê, dengê gum-guma misîn û qehwane
diçe ezmanî heftan e
kel û dumana qehwê
diçe herşê xwedan e*

Paşê Milan gazî dike:

*Milan o!... Milan o!...
Everê Gêsî û İbrahim ê Turko
bi herduwan re,
du hezar û hefsed siwarî Ereb û Turkan e
cerdeki mezine
komekî giran e
ketine qoça Çelogiyê
girê qayîdiyan
kepezê Kikan e
ji me dixwazin
qaqebû – şerî kewan e
şerî kurî bavan e*

*Edûlê rahişte zilfa zêrin, tijîkirî fincana qehwê
danî ser zilfa zêrin, kete milê diwanê*

*gazî dike:
Milan o!... Milano!...
ev ne dawete ne dîlan e
ne kirîvaniya me û Gêsan e*

*ne xwarina kulmê birincê
xwarina dûvê hîlkan û berxan e
ev şerekî mezin e
komekî giran e
cerdekî mal wêran e
kesê ji bavê min re bîne elumê vê cerde han e
bavê min wê bide wan e
boşê devihan, rapotê hespan e
hezar miyê qerreş wê ji wan re bike doşan e
konekî mezin ji wan re vedê li kêleke Paşê Milan e
bi ser vî malê han de
wê min ji wan re bike bermaliya konê wane*

*Tu bala bide vî Milanî, poz kutane
serî berdaye ber xwe wekî jinan e
simbêlên wan şorbûne ser lêvan e
xwe berdane bi ser qelûnê kareban e
bostekî û çar tiliyan, ax li ber xwe kolan e*

*Milan li dîwanxane paşê rûnştîne
bi sê rêzan û çar rêzan e
hemu filan ibn filan e
xwediyê nivîstan e
xwediyê gundan e
siwarî kihêlan e
mixtarî odan e maqûlî malan e
Sê şev û sê rojî Edûlê qedîyan e*

*li oda paşayê Milan e
fincana qehwê diçe vî mili, wî mili diwanê
li fincanê pêçaya, kilorekî maran e
vî mari zimanê xwe derxistiye
bostekê û çar tiliyan e
kesê dest bavêje fincanê
çarîk wext ji emrê wî namîn e*

*Felek dem û dewranek i xwedan e
Edûl disa gazi dike:*

*Milao!... Milano!...
Milano!... min hûn li mezelê xerîbe veşartîn o
ev ne dawet e, ne dilan e
nexwarina dûvê hilkan û berxan e
ev şerekî mezina, komekî giran e
ez bala xwe didim we Milan e
guhê we dirêj bûne
wekî guhê kerê Germuşîyan e
we serê xwe berdaye ber xwe
wekî pepok û sêwiyan e
kesek ji we nikare ji bavê min re
bîne ilm û cewaba vê cerda girane*

*Êdî Edûla gelekî bênteng bûbû û berê xwe dabû
bavê xwe û gotibû:*

*Lo bavo dilê min liyan e
felekê dem û dewran e
hûn qedirê mîran qet nizan in
roja hûn di tengayê kev in
Derwêşê Evdî şêrekî bi nîşan e
xiyalî hespane
ji piştâ Eyşa Welêt qetiyân e
şêrê şer û cengan e*

*Roja hûn di ferehiyê kev in
hûn qedrê wî nizan in*

*Ez çiqasî bala xwe didim paşayê Milan e
malake xayîn in telaq reş in
bê dîn in, bê wijdan in*

*Bavo rabe kaxezê bişîne
Çemê Circib û Zergan ê
heger şerê kurdan, lawikî Ezîdxanê
ji me re neyne ilmê cerda giran e
kesek nikare ji Milan, ji paşê re
bîne ilumê cerd û koma giran e*

*Keko!... Çavê paşê sor bûne, mîna gulî topane
çırka-çırka diranin wî, mina xwarina nokan e
sê dengan gazî kirbû, Mele Xelîl
serokê cil û çar katibane
qelema destê Mele Xelîl*

*mînaya perçak qeşa,mînaya laylan e
mektubek bi defa hawarê re şandibûn
bin konê Evdî,bavê Derwêş,axayê Şerqîyan e*

Berî mektub bighe bin konê Dinan,ba Evdî yê
Mulhim Eyşê gazî Evdî kirbû û gotibû:

*Evdô rabe em herin milê diwanê
herdu şêrên me li hev dikin zirtan û fûtane*

li milê diwanxanê Derwêş û Sehdûn li hev aliyan e

*rabe em herin dîwanê li herdu şêran
bikin seyaran û temaşan e
herdu axtiyar çûne dîwanxanê*

Derwêş got:

*Sehdûn keko tu li himberî min dikî şoran e
tu hîn berxikî nebûyî beran e
ez ê rimekî li qulincê texim,
movikî şehrkirî,dunzdeh qeytan e
mala Evdo xerab bikim
ocaxa wî kor bikim
warê wî bikim wêran e*

Hîn herduwan bi zirt û fotan didane ber hev,
dengê defa hawarê li hewşê hate kutan.

Sehdûn:

Derwêş keko ev çi dewata, çi dilan e

Derwêş:

*Sehdûn o keko tiştê te dur dixwest, ji te re hate ber
lingan.*

*Keko ev ne dawete û ne ji dilane,
ev defa hawarê, defa şer û cenga girane.*

*Li Milan siwar buye du hezar û hefsed siwari
Gêsan û Turkan e.*

*Keko; Turk û Gêsan bi du hezar û hefsed siwaran
e*

*ketine qûça Çelogiyê kepezê Kikan e
ji Milan dixwazin, qeb-qebî kewan e
şerî mîr û egîdan e
mebesta wan ne boşî devihan û rebotî hespane
mebesta wan ewe, namûsa kurdan
bidin ber lingan e
ev defa hawarê şandin
ez û tu herin bi hawara Milan e*

Evdî digot:

*Lawo Derwêş dilê min liyan e
îsa pênc salên me qedîyan e*

*ketine sala şesan e
hisabê me û paşê bi hevre qediyane
oxlim! Namûsa wan bixwe serê wan
wan û bavî wane
bixwedê heye şivanekî Milan hebe
ew qîzên xwe nadin me Şerqiyan e
te sebe qîza Milan, aqili xwe berdan e
tê berê xwe bidî heleketeke girane*

*Kurê mino!... Tu çûyi Lalişa nûranî
te pirsa xwe kirbû, ji Babê Şêx Axtiyarê Mergihê
ji tere destûr nedan e*

*Kurê min o!...
namûsa wan bixwe serê wan û bavê wane
bawer bike, berî sî û pênc salan e
Paşê Milan soza xwişka xwe
Rehma çav belek bi min re dabû
Paşa bi min re, xerab kirbû
qerar, peyman û sozî mîran e
kurê min!...
işê me tune bi şer û cenga giran e*

Eyşa Welê xwe avêtibû navbera Evdî û kurê xwe
Derwêş

*Derwêş law dilê min liyan e
bala xwe ji bavê xwe veke*

*bavê te axtiyar bûye,aqilî xwe berday e
sewdan di serî axtiyar de qet nemay e*

*pêwîsta tu herî desturê bixwazî ji Pîr ê Adiyan e
tu û birayê te, û herçar pismamên xwe
pêwîsta hûn êrîş bikin ser cerd û koma giran e
heger derbêñ we ji pişt ve bin
bila kuçik,goştê we bixwin li çolan e
hûn ji hinavê min û Evdî,ne qetiyân e*

kurê min!...

*dema ez keçik bûm, li mala bavê xwe bûm
xwedê şahid bê, şad-nişûdê diya te hene
li ber teşte çekan,min du xenzîr kuştin
bi şonik, li ber teşti çekan e*

*Keko Derwêşê Evdî rabûbû ser piyane
deng kirbû li Sehdûnê biran e
deng kirbû li herdu pismamên xwe Emer û Boxane
bîst û pênc keçikên Dina û Şerqiyan e
esmer ,bisk bitêl,rahiştine rişma Hedban e
guliyên sor dan ber meqesan e
avêtibû erdê,ber lingê Hedban e*

Eđûlê digot:

*Bavo te xeber şandiya ji bo şêrê kurdan e
ez dîsa dibêjim; mala Paşê malek xayîn in
bêbextin, telaq reş in
heger nête bîra te, bavo bînim bir te
wê roja han e
tu û xelefa Evdî, yê Mulhim, ji hinavê
Eyşa Welêt, şêrê kurdan
Siwarî Hedban e
we berê xwe dabû bajarî Urfayê bi nîşan e
ji bo bikirin xemlî bûkan e
li vegevê li we derketibûn, dused û pêncî
siwarî Tukan û Gêsan e
te gotibû Derwêş:
law em birevin
hespê me kihêlin
gulî soran
bi şêrê mehregiyan avdan e
Derwêş li te vegrândibû û gotibû
bazdan ji navê paşayê kurdan re şerme
heger em bazdin, kesek li gundê xwe
me nake şivan û gavan e
paşa tu li vir, bisekine
ji min re bibe mabûd û sekân e
tu kom bike, çenta û heqîbê wan e
işê te tun e, bi şerê min û wan e*

*Derwêş ketibû li du siwaran e
siwar şikandibûn bi du şopan e
şopek xistibû Germûşiyê gundê Filan e
şopa duduwan;
ajotibû bajarê Urfayê bi nîşane
zerî û esmeran
serê xwe derxistin
ji pişt berdan û penceran e
gotibûn:
kul û kedera dilê me
ev siwarî han e
*Derwêş rast hatibû li midurî hebsê
û sê qirdîyan e*
*Derwêş qera nêrdewan kişandibû ji kalan e
jê kirbû, serê midur û hersê qirdîyan e
pênsed kuri bavan ji hebsê berdan e
li zarok û malên hebisçîyan
Kirbû, dawet, şahî û qurban e**

*Dema hûn zîvirîbûn warê Milan e
ji te pîrsîbûn;
mêraniya kurê Evdo çawane ?!
te di civata Milan de gotibû:
Êzîdîkî bi du qirûş û nîvan e
ne yê cerd û komên giran e*

**Keko pênc siwar derketibûn ji bin konê
Şerqîyan e**

*Derwêş, Sehdûn û hersê pişmatêwan e
berê xwe dabûn konî Milan e*

*li tenşta kon, Sehdûn silav dabû ce `amatî Milane
kesekî silav Sehdûn vengerdî ser seran û çavan e*

Sehdûn berê xwe dabû derwêş û bi hêrz jêre
gotûbû:

*Derwêşo! Seba qîza Milan e
te aqili xwe berdan e
mal xerabo! Merovê silava venegerîn e
ser seran û ser çavan e
namûsa wan bixwe seri wan e
serî wan û bavî wan e*

Derwêş:

*Sehdûn keko tu li soza bin konê Evdî de dayî bûyi
poşman e ?!*

*Sehdûn keko ezê herüm silavekê bidüm Milan e
heger paşa ji ber kekê te rambe ser lingan e
ezê serê girgirekên Milan bidüm ber devê şûran e
bi soza bûratiyê ezê konê milan bidüm ber şûran û
riman e*

*ezê bikim salekê teyr û turê çolê
xelas nekin kelaşê mîrê Milan e*

*Derwêş berê xwe daye konê Milan e
silav dabû Paşê û ce'amatî Milan e
Paşa rabûbû ser piyan û ser lingan e
go Derwêş law were ser doşekan e
rûne li kêleke apê xwe, ser yazîxan e
Derwêş dibêje;*

*Paşa her yek ji me cihê xwe dizan e
di bin konê bavê min de
balîvê bavê min Evdo hawidî devihan e*

*Roja hûn di tengayîyê kevin, ez Derwêşê Evdî
me, kekê Sehdûn şêrê bi nav û nîşan im.*

*Lê dema hûn di ferehiyê kevin, em Êzîdîne temenê
me du querûş û nîvin. Em ne yê şer û cerd û komên
giranin!!...*

*Xumîn kete dîwaxana Milane
mîrek rûnştine bi sê-çar sefan û rêzane
hemu filan kurê filane
maqulî malane
xwediyê kaxz, ben û nivîştane*

*Edûlê careke din rahiştibû sifriya Zêrîn,
li ser danîbû fincana qehwê û ketibû milê
dîwanxanê.*

*Li fincanê geriyayî gilorekî mai xne
kesê dest bavêje fincana qehwê, carîk wext di
emrê wî kesî namîne.*

*Ji çûn û hatina milê dîwanxanê, lingêîî Lalulî
werimîbûn wekî hebane.*

Edûl mendhoş bûbû û berê xwe dabû bavê xwe û
got:

*Milano... Milano!!...
min hûn li mezelê xerîbe bi destê xwe veşartin o
ev ne daweta ne dilane
ev ne kirivaniya me û Gêsane
ne xwrina kulmê birincê, dûvê hilkan e
ev cedeke mezine, komeke girane
kesê ji bavê min re bîne
ilm û ulumê koma girane
bavê min wê bidiyê
boşê devihan e, keriyê miyan e
konekî mezin, çardeh stûnî ji wan re vede
bi ser de Edûla paşê ji wî re bike
bermaliya konê giran e*

*Keko vî Milanî poz kutan e
yek sipartî duduwan û sisiyan e
wekî jinan bostekî û çar tiliyan
erd li ber xwe de kolan e*

*Derwêş rabûbû ser lingan e
dest avêtibû fincana qehwan ê
edeta mala bavê min;*

*vedixin fincanekî duduwan e
vedixuin fincana jehrî maran e
Edûlê; ez im ji bavê te re bîn im
ilumê vê cerd û koma giran e
paşa wê bide diya min Eysa Welêt
hezar miyê qirqaş jî bo doşan ê
wê bide min Edûla paşê xwedane guliyan e*

*Çavê Paşê Milan, sor bûne wekî gulê topane
dest avêtbû şonikî ketibû nav Milan e
mîrek tev dabû ber şonikan e
di bin kon ê paşê Milan e
bûbû şeva reş, tuz û dûman e
mîrekek di bin kon de neman e
heftê û pênc, kurik û hewranîyê
mîrekan bê xwedî di bin kon de man e
dîwan bûbû, mazata kurik û hewraniyaiyîn e*

Edûlê got:

*Derwêş li himberî bavê min neke van
şoran e
li wangotinên xwe tu bibe poşman e*

Derwêş:

*Edûlê! ... Gotinên min ne yê jînan e
tu here bejina xwe bide ber toqan û beniyan e
bila di guhê min keve, xûşîne xîlal û doberan e*

*ez im ji bavê te re tîne ilmê agderiyên
cerd û koma giran e*

Edûlê:

*Derwêşo! Derwêşekî minî pakî
berxkî sê mehî berû makî
qurban heger tu derwan nakî !?
bêje; tê kî ji Milan bi xwe re rakî ?*

*Ez kesekî ji Milan bi xwe re rankim
Ji bili herdu lawên Ferho yek Usiv û Bozan e
Kekê xwe Sehdûn xwedanê guliyan e
Herdu lawên Emrê Şerqî ji pismaman e*

*Ferho ku ya star rrr
ev serê sê rojane
rehla herdu kurên min ser terziyan e
min ji wan re xwestine
du keçikên me Kîkan e*

*Dema ku Derwêş navê egidên ku bi xwe re bibe
gotibû, Çiloyê Hîzolî jî li wir bû, lê Derwêş navê
wî negotibû.*

Çilo berê xwe dabû Derwêş û gotibû:

-Derwêş !... Keko ma tu û birayê xwe tenê mîrin
?!....

Ma tu me mîr hisab nakê !?.... Ma qayî em ne

mêrin ?

*Tu rabe siwar be li Hedban e
Bila birayê te jî li qemer e
Ez jî siwar bim li saglawî
Xwe ji min re berdin meydane mîran e
Min heft mîrek kuştine li Adî-yaman ê
tu birayê xwe jî bibin yê heştan û nehan e*

*Tiq-tiq Derwêş keniyane
lawo Çilo, şeş sal berê ez û tu dest biran e
tu xwînî li ba Paşê Milan e
tu serok û mezinê pênc xwişkan e
emê herin rêya çûn û nehatiniy e
heger tu were kuştin, Milan bê bextin
telaq reşin, bê îman in
wê naqûşkan li ser ava kaniyan
li tenştina xwişkên te xin
xwişkên te wê bimînin bê xwedî û xwedan e
keko veger me tune li xwediyan e
tu bimîne nav her pênc xwişkan e*

Derwêş ji Çilo nekir rayî û îmkan e

*Derwêş siwar bûbû tevî Sehdûnê biran e
Herdu kurê Emrê Şerqî, pismamên wan e
Apê wan Şiwêş, ewjî ji Eyşa Welêt*

*Bihîstibû Xebera hane,
ketibû peyî şopa Hedban e
Herdu lawêن Ferhê û Çiloyê Hîzolî birayê
Pênc xwîşkan e*

*H*eşt siwar, siwarbûbûn li kihêlan, derketibûn ji hewrî Milan, (warî Milan) xwe berdane erdê beriyê, qut kiribûn qelaçan, Pişta wan koz bûye ser piştî hespan. Heft roj û heft şevî wan qediyane, zadê cot neketiye zikî wan û hespî wane. Zimanê wan ji tîne û birçîn e dirêj bûbû çar tiliyane bi hisreta aveke kaniyan, razane wan ser qerpozî hespane.

Heft roj û heft şevêن Derwêş û hevalên wî qediyan, navbera her yekî ji wan her dem berekî cotan, vexwarina wan xwêdane bin pêlêkê guhane. Di bin wan de reş bûye pişta hespan wekî qeytan. Xewa şevan neketiye çavê wan. Nanê zewêda nektibû zikê wan û hespê wan e.

Çîlo gazî Derwêş kirbû û gotibû :

- Lawê Evdî !... Te sebe qîza Milan aqilê xwe winda kiriye, law ev heft roj û heft şevêن me

qedîyan ketin roja heştan e, neketiye zikê me û van heywanan berê cotan, neketiye çavê me xewa şevar û.....

Derwêş axaftina Çilo birîbû û bersîv weha dabû :

- Ez dizan im hûn ne yê şer û cengên giran in, we bêriya himbêza jinêxwe kiriye!?....

- Law Derwêş!... Ma nayê bîra te? Ez û tu di civata Milan de hatin hev bi şûran, heger mîvanan ji min nekirine rica minê tu bikujte, law me tu tenê mîrî!? Were em hev biceribînin li vê çola hanê, emê bibînin kî ji me mîra... Kî egîde???...

Sehdûn xwe avêtibû nave axaftinê û weha ji wan re gotibû :

- Birano ! hûn herdu mîraniya xwe bihêlin heye ku em dighin kom û cerda giran. Bawer bikin ku Everê Gêsî a niha li benda we bênteng bûye, ew tevî duhezar û pêncsed siwarêن Ereb û Turkan ve bendewarî weye. Şerma ji egîd û fêrsêن kurdan li himberî hev bi şûran diaxivin, dilê dijminan bi me şâ dîkin. Birano!... Her dem ev serhişkî karê kurdane!... Bira, birayê xwe dikije ñ dijminêن xwe ji kuştina birayê xwe rehat dike û dilê wî şâ dîke.

Herduwan li Sehdûn nerîbûn û herduwan hev û du himbêz kribûn û çavê hev ramusîn.

Derwêş berê xwe dabû Sehdûn û gotibû:

- Sehdûno biraو bizane ku Çiloyê Hîzolê birayê min e,birakî gelekî li ber dilê birayê xwe Derwêş şêrîne.

Birano hûn westîyan, qasekê bikevin xewê, paşê emê riya xwe dom bikin

Koma siwarên hawarê yên kurdan, serê xwe kiribûn bin kurkan, Derwêş jî nobaci mabû hillkişıya ser kopekî û dûrbîn li ber çavê xwe danibû, berî kin û ferh,dûr û dirêj kontirol kirbû.

Dîsa siwarên me ketibûn riya çûnê, di rê de şivanekî dîtibûn, ji şivan ilm û ilumên koma Gêsan û Turkan pirsibûn. Şivan jî qasekê li bejin û bala siwarên kurdan temaşa kirbû û gotibû:

- Kurê Evdîl.. Ev heft roj in ez ji bo xatirê te bûme şivan. Gelek silavê Everê Gêsi li te hene û gotiye; şer girane, kom mezine tu bi şeş-heft siwaran nikarı şer bi Gêsan û Turkan re bikî, veger mala xwe, bawer bike ku Paşayê Milan tu şandiye vê cerda giran ji bo ku tu bêyî kuştin.

Derwêş û hevalên xwe qîmet nedabûn axaftinêن

şivan û rêya xwe domandin.

Koma siwarên kurdan raste-rast bi ser koma
Gêsan û Turkan ve hilatibûn. Derwêş deng li
hevalan kiribû û gotibû:

- Biran hûn xwarinekê ji mere hazir bikin, heye ez
herim nav koma dijminan belkî ji bo we bîn im
agehdariyekê, ta em bizanin çawa dayînin tedibîr û
şêwran, em çawa bikin bi vê cenga mal wêran.

Derwêş xwe berdabû nav konan, li ber tenûrê du
jin dîtibûn û ji wan pirsîbû ku çend devhêne wî
winda bûn, gelo wan tu agehdarî li ser devihêne
windabûyî tune !?

Yekê ji wan bersiva Derwêş dabû û got:

- Xorto!... Ma tu ji bavê xwe fedî nakî, ji jinan
pirsa dikî ? Ha wê haye konê Ever bavê Osman
mezinê Gêsan ku ala şer û cengê li ser konê mezin
bilind kiriye. Here pirsa xwe ji wî bike.

Derwêş bê deng berê Hedban dabû konê mezin ku
li ser heştê dîrekî vedaye. Di bin kon de kalekî
emrê wî li dora heftê salî. Kalamêr ber bi Derwêş
ve hatibû, rişma Hedban girtibû û gotibû:

- Siwaro... were peyabe!!... Qehwakê bi apê xwe
re vexwe, qehwa serê sibê aqil dide bîlmez û
cahilan.

- Apo, ez dixwazim ji te bikim çend pirsan e. Gelo qîzêñ şêxê we reviyane!?... Ez nizan im ne yekî ezîz li ber dilê we miriye!?... Jinêñ we xemila xwe di bin reşê de winda kirine, tu bi xwe kalekî emrê te ketiye dora heftê salî te bejina xwe xemilandiye di bin zelxê cengan e, tu ji min re nabêjî; ev koma giran ya şervanan ji bo çi ye ?

- Lo siwaro!... Ez nizanin îşê te çi ye? Tu digerî li van doran e.

- Apo... îro heft roj û heft şevêñ min qediyane, heft devihêñ min terqiyane, nizan im ne bahoz havînê ye vê beriyê ew birine ezmanî heftan!... Ez nizan im ne ku bûne berf xwe berdan e qulî mişkane!... min winda kiriye rê û şopa wan devihan.

- Siwaro! Lo siwaro,ez sûnd dixwim bi Quranî ezîm heger Derwêş Evdî hebe li vê diniyayê, tu Derwêşê Evdî yê Mulhim, î. Lawu binêr li siwaran, du hezar û hefsed siwarî Gêsan û Turkan, Badu û Cibiran. Law kom mezin e cerd girane, heger tu bibî baran tu nikarî tevan şil bikî. Ya duwamîn, em tev musliman in û tu Êzîdî, xwe ji navbera me bide alî.

- Apo raste hûn tev musliman in û ez jî Êzîdî me,lê bizane ku Milan jî kurd in, miletê me ne, parastine namûsa kurdan ji egîdêñ wan tê xwestin. Ez jî

egîdekî kurd im, yan bêjim egîdekî Milan im. Apo bizane heyâ Derwêşê Evdî saxbe li vê diniyayê kesek nikare cerda derxe li ser Milan. Dîsa jî apê xwe re bêjim; hûn Turk û Gêsan çîma hûn jî warê me dernakevin narin welatê xwe!? Bizane ku heyâ hûn warê me diçêrin in, ne kurd û ne hûn rehetiyê dibîn in.

Derwêş zîviribû ba hevalan.

Koma Milan xwe berdabû hola şer û cengê. Şer domkiribû heyâ danê êvarî, çarsed siwar ji Turkan û Gêsan hatibûn kuştin. Ji aliyê Milan jî herdu lawên Ferhê Dolikî hatibûn kuştin.

Piştî du seatan rawestandin, şer dîsa wekî germa beriya Wêranşar ê germ bûbû. Şer domkiribû heyâ reş ketibû erdê. Rê û rîbar li pal konan û li hola şer ji kuştıyan nemabû. Ji aliyê Milan jî Sehdûn û pismamen xwe Emer û Bozan hatibûn kuştin.

Roja din ji sibê de şer germ bûbû. Berî nîvro şer rawestanek dabû siwaran, kuştî û birîndar ne dihatîn hijmarê. Çiloyê Hîzolî jî hatibû kuştin.

Derwêş cinazê hevalên xwe li kêleka hev de razandibû. Herdu guliyê Sehdûn jî bi kêleka qemerê ve şîdandibûn û berê qemerê dabû nav konên Şerqiyan. giyanê Sehdûnê bîra diyarı jî kalê Evdî û Eyşa Welêt re şandibû.

Emê Derwêş di şer û ceng Turkan û Gêsan de
bihêlin û berê xwe bidin bin konên Şerqiyan.....

*H*eft roj û heft şev, ketibû roja heştan û ya
nehane ku çavê Evdî û Eyşa Welêt xewa şevan
nedîtine û ne jî nanê zewade neketiye nav hinavê
wan.

Çavê wan beloq bûne li beriyê li bende,
gaziyekê!... Mizgînekê!... Siwarekî yan şîhîne
hespekî!....

Li dora nîvê şevê bû,dengê şîhîne maka Hedban
ketibû guhê Eyşê Welêt. Eyşê deng li Evdî kiribû
û gotibû:

*Evdo bê olo dilê min liyan e
tu rabe ser qametî lingan e
hisabê min;
tê dengê şîhîna maka Hedban e*

*Evdê Mulhim emrê wî ketiye heftê û pênc salan e
Kalamêr bûye,qewta şer û cengan lê nemay,e
Eyşa Welêt jî ketiye heftê du salan e
Çavekî wê kore,yekî bi dûman e*

*Evdo rabûbû ser qametî lingan e
sekinibû li kêleka maka Hedban e*

*destê xwe gerandibû li kêkekî maka Hedban e
dîtibû pêve daleqandîne gulên Sehdûnê bê miraz
xudanê guliyân e*

*Gazî Eyşê kiribû û gotibû:
Eyşê mizgîne min li te be
bi maka hedban e daliqiyane
guliyê Sehdûn berxê bûye beran e*

*Eyşê:
Evdo dilê min liyan e
hisabê min awldênen min ne qelsin
pişta xwe nadin dijminan e
tu destê xwe bigerîne li qurika maka Hedban e
heger birînin wî ji paş ve bin niha xwînê
xwe avêtiye ser guliyên maka Hedban e
heger ji paş ve be
xwînê xwe avêtiye qurika maka Hedban e
niha xwîn bûye qire res û getran e*

Evdo wê demê destê xwe gerandibû li quika
hespê,berê xwe dabû Eyşa welêt û got:

*Eyşê mizgîniya min li ba te b e
awladê me,pişta xwe nedaye dijminan e*

*Eyşê dest dabû ber dev û lêvan e
çend dengan lîlandibû,ji bo egîdê Şerqiyan e*

bûbû,him-him û lorandine Eyşa Welêt e

*Sehdûn lawo dilê min liyan e
beriya Wêranşarê beriya mîran e
tu bi egîdê kurdan re çûyê cenga giran e
te birayê xwe hiştiye di nav destê dijminan e
dijminên we bêbextin, nakin qîmet jibo egîdan e
tirsa min ewe,kekê te sax bigrin bi hîlan e
Min bizane ku kekê te jî mîranî hatiy e kuştin
dilê Eyşê wê hênik bibuye ji agirî daran e*

*Ez ê sibê laşê lawê xwe higirim ser milan e
ser milê bîst û çar keçikêne me Şerqîyan e*

Dîniya dem û dewrane,dîniya digere, di guhê me de deng û maqamên jiyanê.

Feleka mal xerab her bi ya xwe dike... Dilê wê bi kesekî naşewte. Herdu lawên Evdî bûne mîr û mîrxas,di rojekê de va xebera Sehdûnê bêmiraz hatiye ji bo Eyşa Welêt ya dil bi kul û kovan bûye.

Jiyan gelek caran kilamên xwe bi dengê kuştinê, dengê wê yê sar dixemilîne. Bila bixemelîne!.. Ma ne ji bo xatirê namûs û şerfa kurdan lawên Evdî xwe didine kuştin!?...

Roj heye û ew roj wê bê, ku navê wan wê bi egidi
û kommerdi di nav eşîrên kurdan de bilav bibe.
Jiyan gelek caran helbestê xwe, stran û miqamê
xwe, bi xwînê dixemilîne. Dibe ku ji ber vê yekê
ye merovê hêja û delal ji nişka ve, bê pirs û bê
wext ji nava refê bira û pismaman, yara û
hizkiriyan hildide û dibe. Kesek nizan wan bi
kuda dibe!... Lê dibêjin yê weka Sehdûn mîr û
mîrxas cihekî teybetî li ba rebê jor heye. Lê ya ku
ez dizanim felek wan ji bo kilamê xwe dike
dohinê finda ronahiye xwe.

Eyşê li derê konê mezin rûnştibû, dest li kaban
dide û got:

«Çavê felekê kor be, mala wê bişewite... Careke
din mal li me xirabkir, derî li me dada û konê me
ji nav konan bar kir. Felek her dem bi me re xayîn
e, ne tenê xayîne, ew çiqasî xayîne hewqasî jî bê
sebir û bê rihib û bê dil e.»

Bayê felekê bi tema xweya tûj ve careke din li ser
eniya çend malen Şerqiyan yê reben melûlî danî,
bi birîna xwe ve mijûl bûn. Lê carek din jî adarê
xwe siparte dilê rebenên Milan. Roj ber bi buhara
gulan ve xwe hildikşîne. Kurdistan her dem xwe ji
bona buhareke nû amede dike. Beriya Wêranşarê
birîne xwe vediroje. Zivistan jî li benda rojên

xweyêن dawîne...

Careke dim jî Evdî sêwî ma. Bi destê xwe lawê xwe hilda bir paleke rût û tazî, li ser girekî kire mezel û poşman, bi eş û jan, bi hêstir û girî, dest vala vege riya mal.

Turk û Gêş gurên xwe berdane nav keriyên me. Di dilê me de agirê mirinê dada, felekê dil û cegerên me bi agirê fermanan sot...

Careke dim, Milan o xwe bişdîniin, pêwîstiya we bi hêviyê heye?!

Evdî, yê Mulhim bi herdu lawêن xwe ve jî bo Şerqîyan û Milan re bav û bira bû. Ew dostêن jar û belangazan bû, di diwanxana Paşayê Milan de bervedêrê rîncber û belangazan bû. Ew di dilê merovên Şerqîyan û Milan de hêviyeke gerim bû. Lawê wî Derwêş jî bi mîraniya xwe warê Milan xemilandibû.

Jiyan teşîya xwe dirêse bi tilî û pêcîkêن xwe yê zirav û dirêj ve. Pêvajo dişuxule lewra hînar qaqlîkê xwe diqelêşe, sipîndar ber bi ezmanê şîn

ve dikudîne...

Van gotinêñ hanê jî ji xwe re ji hêviyê didizim. Îro tenê ev ji destê min tê. Kevan baþe lê xwiyaye ku nîşandar nîşandarekî jêhatiye. Lewra derba xwe gihandiye ciyê ku dixwest.

Îro jî çerx digere. Sal û meh vedigerin û em di nava lehiya xwîn û xwêdana xwe de dizivirin. Em digerin. Em li du çerxa felekê perwende ne!..

...Em vegerin ser şervanê azadiyê!...Lawê Evdî,yê Mulhim“Derwêş“

*D*erwêş bi tenê mabû! Çavê wî sor bûbûn, dîn û har bûbû, dest birakê wî Çîloyê Hîzolî hatibû bira wî. Birînêñ Kekê wî Sehdûnê bê miraz dihate hiş û sewdan, melûlî û jariya Emer û Bozan di ber çavan re derbas dibû. Rehela bûkaniya herdu lawêñ Ferho yê Dolikî hatibûn ber çavan.Derwêş tevî wan kul û kederan xwe berdabû şer û cengê. Çep û rast lê dida. Wekî gurekî bikeve nav keriyek miyên mês in, îro jî şer xwe gihadibû danê nîviro. Lawê Evdî gelek û gelek ji Turkan û Gêsan kuştibûn, kuştî û birîndar neyêne hijmarê. Ji duhezar û pêncsed siwarî li dora pênesd siwar

tenê mabûn, yê ku ji xwe re ji hola şer bazdabû yê ku hatibû kuştin û birîndar bûbû.

Egîdekî Gêsan siwarêن Gêsan û Turkan li hev civandin û ji wan re weha got:

- Gelî egîd û fêrisan! Em bi şer û cenga şûr û riman nikarin bi Derwêşê lawê Evdî re şer bikin. Heger şer bi vê rewsê derbas bibe, ewê me tev bikuje! Heger em bi hîlakê wî nedin kuştin, bi şer û mîrxasiyê nikarin kurê Evdî. Lewma jî min hîlak peyde kiriye. Hîla min jî wehaye; Dema wî êrîş da ser me tev ji ber wî bazdin, berê wî bidine bajarê mişkan(erdê qûla mişkan). Heger em wî ji ser pişta hesp neyîn in xwarê, tu çare me di destê lawê Evdî nîne!!... Dema ku ew ji ser hesp hate xwarê gerekî tev êrîşî ser wî bikin, wê demê ez dikarim bêjim ku piranî zora hindikiyê dibe.

Dema dîsa şer dest pê kiribû, siwarêن Gêsan û Turkan tev ji ber kekê Sehdûn revîyabûn. Berê siwarê Hedban dabûn bajarê mişkan. Di erdê qûla mişkan de herdu lingên Hedban di kabê, de şikestibûn, Hedban tev siwarê xwe ketibû erdê.

*Yanê yanê yanê
felekê dem û dewran e
dinya milkê rebil alemîn e
her heft tebeqî erd û ezmîn e*

*tev erdî xwedan e
diniyake poçe derwîn e
tiştekî me evdan têde nîn e*

*heşt siwar siwarbûn ji Milan iyê ye
berê xwe dane qûnaxe mirin ê ye
heft roj û heft şevêwan qedîyan e
li ser pişta hespan e
ronî di çavê wan û hespê wan de neman e*

Sehdûn got:

*Derwêş keko te sebe qîza Milan aqilê serê xwe
berdane
ev heft şev û heft rojî me qedîyan e
xwarina me li ser pişta hespan e
qey kîlîkekê rehetiye nadê me ye
xortê Milaniyê ji me dikin yek-yekî gazinan e*

Derwêş got:

*kesê ku vegerê bila veger e
min sund xwariye, berê hedban bidin nav kom
giran e*

*heger hûn bixwazin, xwarinekê çêkin li vê newala
hane*

*firavinekê çêkin, ez hilkişim ser girî han e
ka ez nabînim qermtiyekî konan e
boşekî devihan, rabutekî hespan e
toz û dûmanek siwarn û kerîyan e
Derwêş bi serê girê Qeyîdê dikev e*

*dîtibû ci ecêb û tofan e
duhezar û pêncsed siwarî Gêsan û Turkan e
beyrqa şer û cengê hildan e
qîzek rûnştiye li ber testî cilan e*

Dema ku çavê qîzê li bejin û bal siwarê Hedan ketibû, ji xwe re gotibû; “ Hebe tunbe ev ewe Derwêşê Evdî, evîndarê qîza paşayê Milan .” Ku a niha wê bi hev kevin siwarî Milan û Turkan e

*Hineke digot erd hejiyan e
hineke digot xum-xumî deriyan e
hineke digot rim-rima Hamzayî Pêlewan e*

Derwêş gazî qîzê dike;

*Lê qîzê dilê min liyan e
malê ma va danîne li vê newala hane
çend devihêne me terqiyan e
li cem we tune salox û ilmê van devihan e*

qîzê vegerand;

*siwaro dilê min liyane
ji bavê xwe fedî nakî, ji jinan dikî pirsan e?!
here pirsa xwe bike ji kalê qirk, bavê Ever, hutê
binê beriyan e*

*bavê Ever şêrê bi nav û nîşane
a wê haye konê wî li pişt konan veda ye*

Derwêş berê xwe dabû bin konê serokê Gêsan û got:

*Apo dilê min liyan e
malê me va danîne li newala han e
çend devihêن me terqiyan e
li cem we nîn e salox û ilmê devihan e*

*mêrikê Ereb erfnasa,gava çavê wî li bejin û bala
bi zilxê cengê girêdayî ketibû nas kiribû ku ew
lawê Evdî ye, bi beserek xwes berê xwe dabû
Derwêş û got:*

*Lo siwaro dilê apê te liyan e
were li kêleke apê xwe rûne ser doşekan e
qehwakê vexwe,em bikin çend şoran e
qahwa serê sibê aqil tîne serê cahil û nezan e
ez te nasdikim,tu Derwêş î siwarî Hedban e
ji pişta Eyşa Welêt qetiyân e
şêrê kurdan,mêrekî bi nav û nîşan e
paşayê Milan tu şandiye cerda giran e
ji bo tu sax venegerî nav xwediyan e*

*Everê Gêsi dest birakê te yê şeş salan e
silav û kilamên wî li te hene*

*heger Derwêş hat, du xwîşkêñ min liyane
herdu xwîşkêñ min bide wî, bila bibe nav Milam e
Bêjin;*

*Me standine bi şûran û riman e
belkî paşa jê hilgire hibretaka giran e*

*Derwêş go:
Apo dilê min liyane
xwedê wekîla, ez Derwêş nasnakim, xortekî cawan
e
min tu caran nedîtiye bi çavan e
ya star, tu li min dikî van bêbextê hane*

*Kalo:
tu ne Derwêş î..., Siwarî Hedban î...??
tu pênc deqîqan iznê bid e
apê te teng û bertengê ida bişdîn e
ez û tu xwe berdin meydane mîran e
em dayînin hev du derb û nîvan e
ne hewceye tu herî nav cerd û koma giran e*

*Derwêş:
apo bi xwedê ez Derwêş ê Evdî me
ji pişta Eyşa Welêt qetiyam e
xelefa Evd ê Mulhim, siwarî Hadban e
xwîşkêñ Ever xwîşkêñ min in
van keçikan bibim bin konê Milan e
xalkê bêje; Ezîdîkî bi du qiruş û nîvan e*

*herdu qîzik girtine li qırşkan û qurmikan e
dibêje min standine bi şilfê riman e !*

*Kalo li Derwêş nekirbû rayî û îmkane
Derwêş vege riyabû nav hevalan e
rabin min ji were dîtiy e
cihê cerd û koma giran e*

Derwêş û hevalên xwe bi hevra firavîn xwarin,xatir ji hev xwestin. Li hev helal kirin mîna kurî bavane,soz û bextê mîran ji hev re dan.

*Derwêş xwe berdaû nav cerd û koma giran e
Evrê Gêsan darê dûrbînê li ber çavan e
bala xwe dayê,teşkîla Derwêş Evdî
teşkîleke mezin û pir giran e
rayê dilê Everê Gêsi ji Derwêş qetiyân e
şandibû pêşîye Derwêş kekê xwe Etman e
birayê wî biçûk, zavayê heft rojan e
Dibêje;*

*Silavê min li Derwêş bike,bêje; paşayê Milan
tu şandiye vê cerd û koma giran e
ku tu sax nezîvirî nev xwedîyan e
du xwîskê min hene
yekê bi tedim,yek jî bo Sehdûnê biran e
herdu xwîskê min bibe bin konê Milan e
belki paşa jê bigire hibretka mezin û pir giran e*

*Etman dike û nake ji Derwêş nake rayî û îmkan e
Derwêş şûr dikişîne ji qerdewan ji kalan e
derbek lê daye li qûlincî Etman e
cinazê wî kirî du percan e
evêtibû wê meydanê, erdî xwedan e*

*Ever xwe berdaye pêşîye Derwêş:
Derwêş bira dilê min liyan e
şes salan berê ez û tu dest biran e
te birayê min Etman kuşt !
hisab bike tu li min bûye mîvan e
min beranê serkozê ji ter kire qûrban e
neçe ser kom û cerda giran e
Paşayê Milan tu şandiye bi hîlan e
ku sax venegerî li xudiyan e
dikê û nakê li Derwêş nake îmkane*

*Derwêş rabûbû ser qametî lingan e
bi teng û berteng hatibû Hedban e
berê Hedbane daye nav cerde giran e
li aliyekî navtêdane kûrî bavan e
şırka-şırka şûran û riman e
ev şerê Rastemî Zal e, Hemzeyî pêlewan e
Eli ser derketiye ji beriya Wêranşar ê
qûça Çelogiyê kepezê Kîkan e
li meydane mîra, şad û şûdê Derwêş hene
qêmîşî rima xwe nake
lêxe li qûlincî siwaran e*

*bi siwarn digire, tavêje ji ser pişta hespan e
mîrek ji komê diqetiyen e
kom ji hev qetiyen e
bûne bi koman e, bi rêzan û refan e
şerê wan xwestira ji govend û dilan e
ev şer ne wekî şerê han e
xwestira ji şerî Rastemî Zal e
xwestira ji şerî Hemzeyî Pêlewan e
şirka -şirka darê rima Derwêş
mîna tavî teyrokê, mînaye laylane
agir û birûsk diçe ji devî şûran e
qedera sê saetên şer qedîyan e
tu bala xwe bidiyê
li pişta girê Qeyidê
bi sedan ji berx û beran e
ji egîd, fîrs û pêlewan e
birîndar û kuştiyê Turkan û Gêsan e
bala xwe didim ê
sund dixwim bi sunda qesemê
ji Derwêş û Hedban pêda
kesek li meydan e şer qet menane*

*bala xwe dayê li milî çepê
pazdeh-bîst siwar li Sehdûn civiyan e
Derwêş êrîş dabû ser siwaran e
xwedê xerabike fen û futên Ereban e
siwar ji ber Derwêş bazdan e
berê Derwêş dabûn bajarekî mişkan e*

*rast û çep herdu lingê Hedban şikiyan e
Derwêş birîndar bûbû birînên tîran e
sê-çar û pêñ derban e
Turk û Ereb êriş dane ser siwarî Hedban e
siwar ser Derwêş kom bûnbûn, bi sedan e
lê lawê Evdî şer domkiribû bi rojane*

... *Derwêş wisa birîndar şerê xwe li gel Turk û Gêsan domand. Siwarêñ Turkan û Gêsan ceger nedikirin ku xwe rasta-rast xwe bidine ser Derwêş. Derwêş jî ji aliyekî tevî birînên xwe şer dikir û aliyek din ve kilam avêtibû ser xwe û hespê xwe Hedban û got:*

*Hedban o...Hedban o...Hedban o
min tu xweyî kirî bi salan o
bi şekirî kabikan o
bi şîr ê makan o
li te siwar nebûm
rojên şahiya û dawetan o
min tu hiştî ji bo rojan o
şer û cengên giran o
ji xêra xwedê re*

*careke din mîna caran o
ji min re rabuye ser lingan o
min dîsa xwe berdaye
nav koma Turkan û Gêsan o
te temâşe bikire şerî lawîkî Ezidiyan o
bibe vira-vira darî riman o
cawa min li dora xwe kom kiriye
kuştî û birîndarêن Turkan û Gêsan o*

*Hedban o... Hedban o
heye kekê Sehdûn saxe
te nahêlim di nav koma dijminan o*

*Hedban o... Hedban o... Hedban o
ma tu dengê Everê Gêsî nakî !?
dibêj;
Derwêş were teslîm bibe
ezê bi te didim hespa xwe Borborê
te bibim nav Turkan û Gêsan e
çiqas egîd û mezinên me hen e
em tev li ber kekê Sehdûn
têkevin bin çokan û zendan e
soz didim heye Derwêş Evdî sax e
emê cerda nabin ser Şerqîyan û Milan e*

Derwêş gazî Ever dike û dibêje:
Ever o dilê min liyan e

*heger tu derewa nakî
tê bide min taseke avê
ji kêleke Borborê ava kaniyan e
Ever o bizane heye Derwêş sax e
xwe hêsîr nade dest Turkan û Gêsan e*

„Sê şev û sê rojên Derwêş di şer de qedîyan e
zimanê hilkişîye bostekê û çar tiliyan e“

*Hedbano... Hedban o... Hedban o
mala te şewitiyo
ez ne wekî te bê wijdanim
min ziman kişandiye
bostekê û çar tiliyan o
wa daniya li kêleke Borborê
ava çeman û kaniyan e
tu ji siwarê xwe re çenke
bavêje dera han e
belkî li canê siwarê te
bibe merhem û derman e*

*Lo Hedbano...Lo Hedan o
xwezî tu careke din wekî caran e
ji min re rabuye ser qametî lingan e
minê êrîş berdaye ser Turkan û Gêsan e
qasê kurdan azad bikirin e
ji zulm û zordariye wan e*

*belkî min hilaniya heyfa egîdan e
Çiloyê Hîzolî mehkumê destê xwedîyan e
qatilê çar mîran e
ji welatê Hîzola rabuye
bûbû destbiratakê kekê Sehdûn e*

*Hedban o... Hedban o... Heban o...
xwezî tu careke din wekî caran e
rabuye ser qametî lingan e
belkî min hilaniye heyfa kekê xwe
Sehdûnê bê miraz xwedanê gulyan e
xelefa Evdî, yê Mulhim û Eyşa Welêt e
Emer û Bozan e
herdu lawên Ferhê Dolikî
belê hezar û pêncsed kuştî û birîndarên
Turkan û Gêsan e
nayênen xelefa herdu gulyen Edûla paşayê Milan e*

Emê dîsa Derwêş di şer û gevzandine xwînê de
bihêlin, berê xwe bidin bin konêن Şerqiyan û
Milan.

... *Pîstî ku Evdî tê gîhîst ku lawê wî Sehdûn
şehîd ketiye, hespa wî ji bo hawarê şandine Evdî û*

Eyşa Welêt har û dîn bûbûn.

Şeve nivê şevê li her cil malê Şerqiyan bû heyde-heyid.

Dengê hawar-hawara Eyşa Welêt qasê Şerqiyan ji xewê şiyar kiribûn. Di demeke kurt qasê Şerqiyan, jin û mîr,biçûk mezin li konê Evdî kom bûbûn.

Hatin,hatin yê peya dihatin,yê siwar dihat, yê ku qame şûr hilgirtin, yê ku rim dest xwe ve hilanî ber bi konê Evdî,yê Mulhim ve bazdidan. Wekî nav û namûsa kurdîtiyê, ya eşîrtiyê, xwîna ciwan û egîdêن xwe li erdê nehêlin.

Şeva hêsayî, şiyar bûbû, stêrikên rûyê ezmên li hev diketin, hîve çerdeh şevî kete bin ewr. Şivanê guherê pez da hişiyar bûn, guhê xwe dane ser tevgerê ci qewimiye... Gelo koma Turkan û Gêsan gihane topraxê Milan...?? Şerqî bi ser hev ra diçûn, ewte,ewte kuçikan bû,ringe-ringa lingê hespan,hêrîna wan diçû ber perê ezmên.

« De bajo Evdî o bajo, agîdo bajo »

Her kesî dilezand, tajot, ber bi konê bavê Derwêş û Sehdûn ve bazdidan. Diniya li hev diket. Ezîdxane rabûbû ser piyan,kurd ji xewa mirinê hişiyar bûbûn!! kurd, Turk û Ereb wê koka hevdu bibirin. Yan Kurd,yan jî Ereb û Turk. Wê heyên kevin û nû ji hevdu hilînin.

Serê hespan berdan wekî kêtîkê berî kêtîkê bigihêjina hawariyê, ji xwe re namûsekê qizinc kin.

Evdî xeber gihadibû bin konê Paşayê Milan jî, paşa jî deng li Milan kiribû wisa wekî Şerqiyan li Milan jî hatibû, biçûk û mezin, mîr û kalemîr, jin û zarok li ber derê konê mezin yê Zor Temir paşa ê, Zengo Zêrin, bavê Edûlê kom bûbûn.

Ji bona roja nav û namûsê kî dikarîbû xwe bida paş, lê wê jin zarokan çi bigotane!... Kelam, stran çawa ser derxistane!... Kesekî wêrabû li mala xwe bimaye!...?

Hawara Milan bi serkêsiye Evdî gihabû hola şer. Yê ku ji ber şerê Derwêş û hevalên wî xelas bûbû, Evdî bi kom Şerqiyan û Milan tev dabûn ber devê şûran, yê hate kuştin yê ku birîndar bû yê ku ji xwe re bazde.

Milan şehîdên xwe bi çal kirin û vegeรîyan warêن xwe ser fîraz û azad.

Paşayê Milan biriyar xwe da bû ku jina pêsin di nav êlê de biwelida, xwedê ewledekî bide wê, wê navê wî ewledî dayînin “Derwêş” ewldê dudwan, navê wî wê Çîlo be, yê sisiyan Sehdûn be û her weha paşa biriya da ku heyâ salekê jina ewladekî bîne wê navê her heşt şehîdê azadiyê li ser lawêن xwe dayine.

Di nav her cil malêن Şerqiyan de jî bûka Şîwêş welidî xwedê kurek dayê, navê wî danîn Derwêş.

Xwîşka Çîlo ya mezin welidî xwedê qîzek û kurek cêwî dayê navê wan danî Çîlo û Edûl. Piştî cil rojî, xwîşka Çîlo “ Islam” ya biçük welidî xwedê kuerk dayê navê wî danî Derwêş. Çil rojên Derwêşê kurê Islamê qedîyan, îslam Derwêş bi xwe rê rakir berê xwe da bin konê Evdî, Evdî bi xwe biribû û çûbû ba xwîşka xwe mezin diya Çîlo û Edûl û got:

- Xwîşka min! Min Apê Evdî bi xwe re anî ez hatima ku qîza te Edûl ji bo kurê xwe Derwêş bixwazim. Heger sedemên olî, gevezan nehiştin ku şêrê kurdan Derwêşê Evdî û Edûla xwedane morî û mircanan, qîza paşayê Milan bi evîna xwe şâ bibin, pêwîsta Derwêşê Islamê û Edûla te bi mirazê xwe şâ bibin.

Dewêş û Edûla hîn di pêçekê de şêraniya wan xwrin.

Em herdu zarokan,, Derwêş û Edûl xwarzên Çîlo di Pêçeka wan de bihêlin heta mezin dibin, werin ser Edûla Zor Temir Paşayê Milan.

Edûl bi evîn û kulên Derwêş Evdî re medehoş bûbû, bi rê û rêbaran diket, pirsa siwarê Hedban dikir, tiştek di dest Edûlê de nemabû ji belî rondikbarandin û girêdane qeyîd û stranan . Edûlê

soz xwe bi Derwêşê Evdî re xerab nekir û piştî
Derwêş mîr nekir.

Edûlê dest avêta helbestê û li ser evîna xwe û
lawikê xwe Derwêş helbest girêdan. Navê wî di
helbest û qeyîdên xwe de danî „Delal“

Em bikevin deriya evîna Edûla Milan û Derwêşê
Evdî ji aliyê helbestên Edûlê ve „Delal“

Beşa dawî „Delal“

Edûl dibêje;

Delal dilê min dêre

*hilatî benda qurixê sêtreke bi şewqa wekî mecal
xêre*

*bila şewq û şemala vê stêrê lênexiste
bilaniye Serhedê pozê Bingolê mexelê mor qurîne
pezê nêre*

*bila pêra-pêra xwe neda pira Batmanê sur û
bedena bajarê Diyarbekirê peytexta qerêle
kelha Mêrdîn ê pozê zinêre*

*bila pêra xwe neda qurmê Qerjdaxê
cî û mekanê zerî û esmere*

*ciyê yatax û kula mandelalê, textê xwendikêr e
bila di pêra şewq û şemala vê stêrê lênxist e*

*beriya Wêranşarê nav hewra Milan e
direke bîst û çar eşîrên kurdan, benda eşîran kutan
bila di pêra lênexiste li pozê Kîka li devê xabûrê
begêr e*

*bila di pêra lênexiste neqebe tek-teka
dugerna şikeftê Samarê mixarê beriye Herupî
nizan im pêgera meşhêne, nizan im pêgera siwêr e
delal beyabe were jêr e*

taximê sing û berê min ji ter e

*bûne mîrga çuqleşiyê quriya dewletê
hewceyî xatûnê, nefel têde xêr û bêr e*

*peyab-peyabe li hêlekê bike henek û misqal e
li hêla din nûmal û misqalê te têde biçêr e
Delal peyabe were jêr e
sing û berê min ji tere bûn bexçê Himaloxlî
dorê wî di sur in,surê wî bi qapîne
qapiyê wî bi begçîne, begçiyê xwe
ji gerima Îraqê anîne,wekî bavan kurdîn e
min ji bo xatirê te
qapî şkandîne
begçî qewtandîn e
çil û çar çapê zîvî pirtandîn e
peyabe sîng û berê min ji te re bê xwedîn e*

*Delal bila min serê xwe daniye ser
kêle kevirî axe van kendale
bila ez nebûme keça paş, beg û ne qeral e
sê rojin,sê şevin min xwe nedaye ser balîve
doşekan,xwe nedaye sertext û rewal e
zend û bendên min hişk bûne
nizanim ne ji zîlabendê Diyarbikrê
û ne jî ji xeyal e
stûyê min xwar bûne ji xeraqa ji guhar e
miz û milê min sist bûne ji rakirin e
fincanêñ ferforî ji van peyal e
min digot; were bavo,emê gaziye xwe
bighînin pênc hezar malêñ Şingalê
xwe bavêjin ocaxa malê bav e*

*ocaxa mala Adiya, tev ziyaret e
Pîr û Şêx û van Qewal e
bila digaziye me werin, konê me
mezin xelaskin ji devê şûran û metal e
yê weke Everê Gêsî û İbrahîm ê Turk o
li ser sînga me kurda
ranekin ne beyraqa, tal e*

*xwezî min xwe bernede bin konê Evdî, yê Mulhim
min negote delal were mal e
min ji delal re avêtin erdê sê karî xezal e
yek ji bo lawikî Ezîdî, dudu jî ji bo hogir û heval e
ez li kêleke delal rûnştim
tengalê xwe da tengal e
bi delal re ketim aşqa dil e
destê delal kete nav taximê sîng û berê min keçikê
nav beniye zêr, morikan, mircan û kehreban e
bi delal re ketim aşqa dila û gala-gal e
beşera dilê min delal*

*Dema ku delal gîhişte bin konê Milan e
ez derketim pêşîye delal bi xemil û xêzeke
kurmanciy e
mînaye xemil û xêze bajarê me Urfay ê
min ji sibê de ji delal re qehwa Yemenê kelandî
min danî ser tebeqa zêrî*

*bi destê xwe yê hine kiri
minê fincana qahwê didayê
bi qahwêre sîng û berê xwe tiştîrê didayê
piştî vexwarina qehwê
delal tevî heşt siwaran me Milan
xwe berda deşta Wêranşar ê
piştî delal sebir û hedane min anyê*

*Ava talanê ketiye konan e
agir ketiye malan e
kalên heftê salî
xwe dane ser kopalan e
bûkêñ salê derketin
ji bin çûtan û perdan e
ji deşta me ye jêrîn
radibe toz û lêlan e
hineke digotin; tewlê nejdan e
hineke digotin talan e
hineke digotin dewran e
hineke digotin ferman e
min dît celebek siwarê me kurdan e
siwarê pêşî Elî, ê Mistê ye
rima di dest de ji darî çam e
bidilê min xist agirî daran e
kalên heftê salî derketin pêşîye wan e
min dizanî şer giran e*

*siwarê duduyê kekê Şêx e
siwarê sisiyan Bozan e
siwarê çaran Silêman e
siwarê pêncê Sehdûnê biraye
siwarê şeşê farisê Miliye
pêlewanekî nav giran e
siwarê heftê Çilo,yê Hîzolî tayê bi tenê
birayê pênc xwîşkan, bi Derwêşê Evdî can bi can
e
siwarê heştê gîrgirê Miliy e
siwarê nehê Mistê ferhê ye
siwarê dehê Elî,yê Zêdê kekê Kerxê
lokê deşta Sirûcê ye
siwarê yazdehan,min bala xwe dayê
Mehmê Temê ye
siwarê dûnzdahan Usivê bê şûr û bê mertal e
nivîsarê şeran û cengan e
lê min delal nedît di nav siwaran e
hingê min bi mirine delal kirî ïnan e
siwar vege riyan li xwedî û malan e
xelkê perdê reş ji ser konan hilanîn e
perdê kesk,sor û zer bi kona da berdan e
bi dil û cegerê min xistin agirî daran e
delal ne bi jine, ne bi mal e
kesek naxwe xema tu kesan e
min xwe berda pêşıya Sehdûnê biran e
Sehdûn go Edûlê nexwe tu xeman e
Derwêşê te li beriya kurdan e*

*ketiye pey siwarê Gêsan û Turkan e
di nîvê şevê de Derwêş ê te
wê vegere li mal û li xwediyan e
lê Edûlê bizane şer giran e
Beşera dilê min delal*

*Piştî nîvê şevê, nizan im seat ketibû yekê ne
duduwan e
pista-pist ketibû konan e
li çavê hev nerîn xwedyiyê şûran û mertalan e
di bin konê bavê min de hat şîhîne hespê delal e
dengê hespê delal di bin konê bavê min hilaniyê
dilê min qîzikê dirihilî û ne ditebitî
piştî gîhîştine delal dîwana Mila
min li dîwanê nerî, dîwanekê dijî
min go lo mîvano, lo delal o
ji êvar de qehwa ji tere dikeliye û diqij-qijî
min rakir fincana fera-fîrî
min danî ser sifiriye zêr î
ez nizan im, ne aşqê canê min girt
nizanim ne lingê min li sola delal likûmî
bejina min li pêsiye lawikê Ezidî dihjhijî
qehwa Yemenê bi ser delalê mala bavê min de rijî*

*Li min nemayê, li min gerdane xeliyayê
li min hestî şikiyyayê, li min pepoka Mîlayê
tirsa min ewe, siba di şer û cenga Turkân û Gêsan
de*

*heval û hogirêن delal, ji delal bikin lomayê
 ezê rakim sabûne Bexdayê
 rakim çil keçikêن me Milayê
 xwe berdim ber ava Muradê aveke xilbeye talî
 nayê
 min şehra Riwêsê da ber darî keleşayê
 lê sebir û hedane min pê nayê
 min bala xwe dayê
 şehra Riwêsê nayê rayê
 rakim şehra delal xwe bighînim ser ave
 Eûdê, aveke zelale, talî nayê
 dîsa şehra delal da ber darî Keleşayê
 bala xwe dayê nayê rayê
 şehra serê delal xeriqî
 ave kaniyê tev çikî
 qehwa Yemenê ji ser şehrê ne dilebitî*

*D***e**lal dilê min dêr e
 dîsa siwarê me xwe berdane deşta me ya jêr e ,
 min xwe berda pêşıya delal
 bala xwe dayê sê siwar in
 zengî dane zengiy e
 siwarî tewrî pêşî, siwarbûne delêl e
 siwarî duduwan, Aliyê Zengêr e
 siwarî sisêyan, xwarziyê Teyêre

*di bin delal de tê bar-barâ hespî nêr e
dest avêtî hefsarî nûmanî nêr e
min go delal were jêr e
delal ez te nadim, bi Ahmedî Bişêr e
te nadim bi Ali, yê Siwêr e
te nadim bi Hasê Zûbêr e
te nadim bi Hemê Musik e
lo delal te nadim bi bavê xwe
Zor Temir Paşayê Milan e
heftî salin ku qirûşekî wî nekitiye xezîne xûndkêr e
hezar û hefsed siwarêن Kîkan û Milan
ji xwarine goşt û birincê dikirin têr e*

*Delalê min lawê Evdî, yê Şerqiya
Evdî Şerqî, ji deşta Wanê, ji taximê
Salihê Seydo axayê kurdada
heta deşta Mosilê, herê Abdil-Ezîzê
tixubê Cibir e
heftê û pênc sala di şer û cengan de
xwe nekir destê Turkan û Ereban de*

Beserd dilê delal

Delal were jêre

*li peyabûn delal ezê bidimê ramûsanekê
ji xum-xumê gerwriyê ji nav morî û mircan e
ezê ji Derwêş, ê xwe re li erdê xim doşeka Xursê
li ser raxim lihêfa bajarê Qursê
qelûna delal dagirim ji tutina Mûş ê
herdu tiliyên xwe ji delal re bikim nav agir û pêt e
bila dela bigote, Edûlê te xêr e*

*havîna meya bi gerim û kîn e
zivistana meya bi seqem û berfîne
payîza pel weşîn e
bihara meya xweş rengîn e
tu were bi guliyê min bigire
bavêje ser piştä hespî nêr e
bila di nav heştê û yek eşîrên kurdan de
bêjin; Edûla Paşayê Milan e
di bin konê Evdî, yê Mulhim de bi mîr e
ji bili sindoq û sebetên bûka
ji min re rakirine tevir û bêre
Delal tu li çiya, mîvano li gere
bila yezdan mirazê xwendevan bikire
mirazê min û lawikî Ezîdî jî bikire
paşê izrahîlê qasidê mirinê
bihate emanetê xwe ji min bistande
canê min bibirie*

*loma ji min nekin gelî heval û hogire
gava çavê min li Kûkebî Mila
li lawikî Êzîdî dikeve
sewdanî min difire, can pêre*

*delal ez,a bê mal im
ne bi malim ,ne bi mér im
ne Bayaza Elo me
ne keça Hemo me
dotmama Elî me
keça paşayê Milî me
yara Derwêşê Evdî me*

*Bijana delal ez dimirim
ji bo delal ta digirim
bi xemil û xêza xweve
li pêş dîwana Milan de
diçim u têm û dixindirim
lo delal ji bo te
rojê sê caran ez dimirim
delal dilê min ne polate û nejî kevanekî hesine
derdê xelkê mal û milkê diniyê
yê min aşqa, meraqa dilaye û dilketin
li pozê Qerjdaxê sê konên vegertine
yek jê konê bavê min e*

*yek jî konê Emerê Haciy e
yek jî konê Derwêş Evdî ye
xwestekî canê min e
konê mezin li ser heştê dîrekî, kes têde nîn e
mînaye mezeli bavê min e
kesek ji omedî Muhemed nîn e
bi destê min bigire bavêje bine
xwesteke min ji rebî jor e
xwe bidîte di bin konê Derwêş de
kebanî û bermalîm e
Derwêşê Evdî îlac û dermanê kula min e
Beşera dilê min delal*

*Çavê min li pêşıya delal qerimîn e
min dît siwarek tê ji beriyê dikutin e
jêra dibêjin; Elî siwarî me coriy e
min rahişa teşiya Mûşî, destekî zérîn e
min xwe berde pêşıye siwar
min go;
lo siwaro dilê min ji dila dilekî dîn e
ji kula de, bikula, ji birînde, bi birîn e
birînên min li min axivîn e
sê rojin, sê şevin, Edûla Milan bi qîrîn e
bi hawar û qîrîn e,
erdî dibhîze, ezmanî hiltîn e
sê şevin, sê rojin, delalê min xwe berdaye
xêma beriya meya jêrîn e*

*ez nizan im ne sax e,yan bi birîn e
tu saxbûne delal bi min bighîn e*

*Siwar go lê qîzê;
Siwar pirin li deşta beriyê
Delal hene,delalê delalan e
Pir qîzên weke te li benda delalê xwe ne
Delal hene ling û qerem lê şikîn e
Delal hene di deşt û siwêreke re revîne
Delal hene birîndarin,birînêñ wan çar tilîn e
Delal hene sê şev û sê rojin çek û zilx ji xwe
dananîne
Ji min re bêje nav û nîşanê delalê te çîne ?*

*Lo siwaro nav û nîşanê delalê min belîne
li delal kirasekî melasîn e
li milê delal zilxê dawidîn e
bi ser zilxê dawîdî de berdaye habakî hasewîn e
bi ser habada berdaye meşleha zelalîn e
li sînga delal bişkokêñ polatîn e
li nava delal kembereke zîvîne
şapikê delal qelemîn e
li serê delal şehreka Riwêsê
bi arîkariye çil keçikêñ Mila guliyê şehrê
baydayîn e
simbêlê delal bi hina Urfa,ya şewitî sorbûyîne
Hedbanî delal gîrgirîne
rima delal omediye*

*şûr û qerqalê delal kasa misêrbin e
serê rima delal bi guliyê Edûla Milan xemilandîn
e*

*Siwar go lê Edûlê:
siwarê tu dibêjî; Derwêş î Evdî, ye
delalê Edûla paşayê Milî, ye
vexwariye fincana qahwa bi xwîne
li beriyê çavê siwarên Turkân û Ereban jê şikestîn
e*

*çiqas kuştî û birîndarên wan hene bi destê wî ne
em bêjin delalê te qelbandin li erdî qûla müşkan e
herdu lingê hespê wî têde şikastîn e
xwe berde erdê beriyê bi saxê delalê xwe bibîn e
min avête evdê teşîya Mûşê, giloka zêrîn e
min xwe berdaye erdê beriyê erdekî xayîne
min bala xwe dayê delal bi birîn e
ez ji berê de dizanim, siwarê Ezîdxanê, rim gerîn e
li şer û talane, li ceng û ferman e
serê xwe li ber dijmin dananîn e*

*Hayê delalê Edûlê rab e
bejina min zirava ji te re xemilandîye
eniya kala gewira ji te re rapelîne
biriyê min zirafin, reş tarîn e*

*çavê min belekin ji te re kil dayîne
dêmê min gulîn e
rûçikê min ji te re sêvên xelatîn e
sor in him zer û sipîn e
pozê mini têlîn e,
xelekî bi ser lêvanda min berdayîn e
bi ser de berdayî xizemeke zérîn e
lêvê min tenikin, wekî pelê tutinîn e
diranêñ min hûrin, dev dixemilîne
gweriya min zirava ji te re dizgarin e
çengê min topin! Li bajarê Şamê
di nava hinê de danîne
guharê min zérîn in, bi ser gerden e
xeraqê guliyan de berdayîn e
li bajarê Diyarbekir e şewitî
bi destê hosta kutayîn e
li nava min kembera zîvê heynelîne
memikê min ji te re hinarê Meltiyê
di taxim û sînga min de rametîne
sînga min beyaz e
qırka min bi çîn e
li serê min şehreke bi gûl û rêsîn e
guliyê min bi morin ji te re tizbîn e
delal ez kewa Şingal û Ézîdxane jorîm e
ordeka xaburê jêrîme
qaza Feratê hêlîm e
keça paşayê Milî me
li vê diniyayê ne layîqî tu kesî me*

*ez ne layîqî pismamê xwe Usivê Elî, me
ne layîqî Miho Paşayê zêrî, me
ez ne ya faris û girgirekên Milî ,me
ez ne ya İbrahîmê Turk û Everê Gêsî me
ez layîqî Derwêşê Evdî lawikî Ezidî me
piştî Derwêş, layîqî mezelê Şingalê
gora reş û tarî me
Beşera dilê min delal*

*Delal ez nemînim
di pişt te re delal ez nemînim
qeħwa Yemenê ji kesî re nakelînim
li dîwana paşayê Milan nagerînim
bejin û bala xwe ji kesekî re naxemilîn im
lo delal piştî te nadim ti soz û qerare
ti bext û miraza ez nabîn im
li ber darê dergûşê rûnanîm û nahejîn im
ezê bi serê çiya kevim û bilorîn im
her û her bêjim delal
bi serê çiya kevim, bêjim delal
bi dengê bilûra şivana re bêjim delal
bi gurma-gurma tavê biharê re bêjim delal
hey lo del delal bi gav û seatê delal
siwarê mala bavê mino delal*

*De way-waylê, de way-waylê
Delalo, mîrê Ûnisî vê sibê deng li çêra kir
got: "gazî Derwêşê Evdî kin
weynin heramê dîwanê
destê lêxin kelamçê ye
lingê deynin li qeydê ye
bigrin, bavêjin zindanê ye".*

*Delalo, dilîko
te malî piro êlî hindiko
ji xelkê re ne tişteko
ji min, her tiştoez daketime deşta Bêlecûko
têkevime nava hezar û hefside hinarı,
hinrekî ji xwere hilbijêrim, şîrino, bê dendiko.
Way-waylê, way-waylê, way-waylê,
Delalo, tu delalî.*

*De way-waylê, de way-waylê
Derwêşê Evdî gote mîrê Ûnisî
Ev xeber ji devê te û heft bavê te zêdeye
heta tu destê min deynî kelamçeye
lingê min lêxi qeydê ye
min bigrî, bavêjî zindanê ye
bi ïzna rebê alemê, ezê sêsid mîrê Ûnisî
rehet kim orta dîwanê bi soranîyê ye".
Way-waylê, way-waylê, way-waylê,
Delalo, tu delalî.*

Way-waylê, way-waylê, way-waylê,

*Delalo, minê vê sibê ji xwedâne wîwî ve bixwesta
jê çi bixwesta?*

*mala bavê min bar kir, daniye zo:zane
Şerfedînê, çiyayê Eledaxê, çiyayê Gîridave,
hersêk mil bidana, serkonê mala bavê min,
bihata xarê, stûna konê pêşin ji ortê ve bişkestu*

*Derwêşê Evdî, hûtê binê berîya jêrîn
Siwarê Hadban, xwedanê zeng û zêrîn,
bajota,bihata derê çadira min porkura,
Xwedê bi sekiniya, şîrin taseka ava sar ji min
bixwesta*

*Minê dest bibira cêba xwe, tasa zêre-zîve
nexşkiriye derxista, biçûme ser kaniya
Kurd Elo Memed paşa tijî ava sar kira,
banîya, pîr, marîfet, kemedar bûma, bidama li
desta*

*awirê çavan, birûyê belek,
şirikê xizêma xwe bi lêvê xwe bi gesta.*

*Delalo, deliko
te malî piro, êlî hindiko
xwedanê şeşxana kiniko
ji xelqê re netîşteko
ji min re hertişto*

*dakevime deşta Bêlecûko
têkevîm nava hezar hefsid hinarı,
hinarek ji xwera hilbijêrim, şîrino, bêdendiko
Way-waylê, way-waylê, way-waylê,
delalo, tu delalî.*

*Way-waylê, way-waylê, way-waylê,
Çûme odê, ode têre tijî, çûme dîwanê, dîwanekê
têre tijî*
*mesînê qahwê ser dar çîmê wê dikelijî
min go: "Qaweçîyo, yekê tijîke,
bide destê delaliyê dilê min jî".
tebata dilê min neda, minê destê xwe dirêjî
fincana qahwê kir,
tijî kir, birda destâ, minê nizanibû ji şerma bû,
ji germa bû, ji tirsa bû, destê min reçivî,
çoka min lerizî,
niqutek rijiya ser ebayê Besrayê Derwêşê Evdî
rijî.*

*Kubara sibê rabûm, min qûlî zêrê serê xwe
qetand,
çûme li Hemayê, li Hekayê, li Şamê, li Bexdayê,
derê dikanê wan beqala min da heft qalib reqîya
sabûnê,
hildam pêda-pêda meşîyam çûme ser ava xabûrê,
minê ebayê Besrayê Dewrêşê Evdî,
hûtê binîya berîya jêrîn, siwarê hadban,
xwedanê zeng û zêrîn, şûştî ye,
heft qalib sabûnê destê min de mefiyaye,
ava Xabûrê, bextê min porkurê, ser min
demiçiqîye,
eba Derwêşê Evdî temîz nebû ji vê qir şjê,
ku li derdê eba ma dilê min jî.*

Delalo, deliko

*te malî piro, êlî hindiko
xwedanê şeşxana kiniko
ji xelqê re netışteko
Ji min re hertişto*

*dakevime deşta Bêlecûko
têkevim nava hezar hefsid hinarı,
hinarek ji xwera hilbijêrim, şîrino, bêdendiko
Way-waylê, way-waylê, way-waylê,
delalo, tu delalî.*

*Way-waylê, way-waylê, way-waylê,
Delalo behare, heramê derketine
xanî germ bûne, kêç ketine
Pîra dîya min hatîye ber mirinê
Kale bavê min hatî ye ber şûştinê
Heft birê min porkurê hatine ber kuştinê
wexta çavê min li çavê Derwêşê Evdî,
hûtê binê berîya jêrîn dikeve,
ji min tirê temama saxin hingî rû dinê.*

*Delalo, deliko
e malî piro, êlî hindiko
xwedanê şeşxana kiniko
ji xelqê re netışteko
Ji min re hertişto*

*dakevime deşta Bêlecûko
têkevim nava hezar hefsid hinarı,
hinarek ji xwera hilbijêrim, şîrino, bêdendiko*

*Way-waylê, way-waylê, way-waylê,
delalo, tu delalî.*

*Wey delal, wey delal, wey delal, wey delal
ber dilê evdalî xwedê de, tiyo netışteko
ber dilê min evdala xwedê de, hinarî deşta
Bêlacûkê, xurê kalan û pîran bêheb û bêdendiko
di devê, mesînê qahwê ser darî darçinîya dikelijî
ezê çûme alê dîwanê, dîwaneketijî
ezê çûme alê malê, maleke tijî
ezê çûme alê odexanê, şest û pênc pêlewan têde
rûniştî
wexta min çayê û qahwe digerandî,
xema min mehrûma xwedê nebû
wexta ezê diçûme koşa Derwêşê Evdî, lewandê
şevê, lawkê Ezîdî
nizam kerbiyana bû, şerma bû, yan ji tirsan bû,
çavê min reşeve dihatin, tilîpêçiyê min,
dihijyan, çokê min dilerizîn, minê niquteka qahwê,
rijandibû ser eba Derwêşê Evdî.
wey delal, wey delal, wey delal, wey delal
ezê pey Derwêşê Evdî, lawkê Ezîdî re, nabêjim tu
delalî*

*Diwê navê kapêk pol pere cem min tine bû
Minê destê xwe bire nava sîng û berê xwe,
zêrekî diha dîtibû xercê şeherê bavê minî heft sala
bû
minê hildabû, ez çûme dikanê van etara*

*minê go, dikançîyo, ha, dikançîyo, minê niqutka
qahwê rijandî ye ser eba Derwêşê Evdî
minê hildabû heft qalib sabûne, test û sîtile,
ezê çûme ber çemê payê vê mîrayê
çemê payê mîrayê, ava cil û çar kaniya bû.
ava cil û çar kaniya min şikîya bû
tilî pêçiyê min maşîya bû
heft qalib sabûna min helîya bû
test û sîtilê min qul bibû,
hê niqutka qahwê ser eba Derwêşê Evdî neçû bû.
Wey delal, wey delal, wey delal, wey delal
Ezê pey Derwêşê Evdî, lawkê Ezidî re,
navê mera nayînime ser xwe.*

*Divê, beharê, heyamê êlê derketinê
malê me kevin bûne kêç ketinê
heft kurapê minê ber girtinê
Kale bavê mine li ber mirinê
Pîredayîka mine li ber şûştinê
çaxê çavê min çavê Derwêşê Evdî dikeve,
minê tirê, gişte xweşe rû akara dinê.*

*Wey delal, wey delal, wey delal, wey delal
Ezê pey Derwêşê Evdî, lawkê Ezidî re, nabêjim tu
delalî*

*Mîr go: "Gelî qewaza, rabin pêya
herin bêjin Dewrêşê Evdî bê, mîr te dixwaze ji
dîwanê ye".*

*Cotê qewaza rabûn pêye
çûn go: "Derwêşê Evdî, mîr te dixwaze ji dîwanê
ye!"*

Derwêş hat go: "Mîr, te çi divê ye?"

Mîr go: "derwêşo, dilê min dibê ye

*Wexta li xamê jérin dibe qîrîna kurê,
kurmanca, norîna meneqîya, şingîna kose
misirîya,*

*wexta xûn devê zenguyê meneqî yane, gelo wî
çaxî,*

mîr beramberî çend mîraye?"

Derwêş go: "Mîr, dilê min dibê ye

*Wexta xamê jérin divê qîrînîya kurê
kurmanca, norîna meneqîya, şingîna kose
misirîya,*

*wexta xûn devê zenguyê menegîya, ancax,
mîr beramberî mîr dertê ye".*

Mîr got: "Gelî qewaza rabin pêye!

destê Derwêşê Evdî lêxin lelêye!

stûyê wî lêxin kelemçeye!

lingê wî lêxin qeydê ye!

*milê Derwêşê Evdî bigrin, bavêjin kela zîndanê
ye!".*

*Wey delal, ezê pey Derwêşê Evdî,
lawkê Ezidî re, kesekî re nabêjim tu delalî*

*Derwêş go: "Mîr, ezê wî kim Îlahîye
ez gava rabim pêye,*

*ezê te temam kim sêsid û şêst û şeşmêrê di
rimêye".*

Mîr go: "Derwêşo, dilê min dibêye kivava kara

karxezlê ye".

*Derwêş go: "Mîr, dilê min dibê ye
dilê te ne kivava kara karxezlê ye*

*Tu dixwazî min bi şînî pêşîya,
hezar û hefsid mîrê eskerê Emerê Ûnise, min hatî
xezebê ye".*

*Wey delal, ezê pey Derwêşê Evdî,
lawkê Ezîdî re, kesekî re nabêjim tu delalî*

Agahdarî

Ji bo çapxan an û weşanxan an.....

slaveke gerim

Berêz Heso Hurmî ji aliyê min ve, ez Amer
Çelik hemu maf standine.

Ez vî mafî didim kekê xwe Heso Hurmî ku
ser pirtûka min(Destan e Derwêse Evdî)
bixebite.

Nimûne; wekî çapkirin û her weha
nivîsandina pêşgotinekî

Nivîskar
Amer Çelik
Elmaniya 11.07.09

زنجیره‌ی چاپکراوه کانی سالی 2011 و وزاره‌تی روشنیبری و لوان

بدریوه بدراینه گشته‌ی روزنامه‌نووسی و چاپ و بلاوگردنه‌وه

بدریوه بدراینه بلاوگردنه‌وه هولیر

ردیف	نام و کمی	نام و نوبت	نام و نوبت	نام و نوبت	نام و نوبت
532	مذکرات یوسف حنا یوسف (ابو حکمت)	یوسف حنا یوسف	مذکرات	لله‌که ناری هزو زمان و نده‌دهدا	بدریوه بدراینه
533	لله‌که ناری هزو زمان و نده‌دهدا	عبدولره حمان معروف	وتار	لله‌که ناری هزو زمان و نده‌دهدا	بدریوه بدراینه
534	لله‌که ناری هزو زمان و نده‌دهدا	ثانوات محمد	رده‌خنی	لیکدات‌وه شعبه‌و نامازه کانی پشت‌وهی	بدریوه بدراینه
535	لله‌که ناری هزو زمان و نده‌دهدا	سرمه‌ندگ خاموش	شیعر	پیاس‌پیک لک‌گال زه‌ردخانه‌ی (بای)	بدریوه بدراینه
536	لله‌که ناری هزو زمان و نده‌دهدا	و عبدولستار جه‌باری	چیزک	بزری نیشتمان	بدریوه بدراینه
537	لله‌که ناری هزو زمان و نده‌دهدا	محمد‌داد صالح پیتندزی	گشته	پهندین ریانی گوتنتن زانا نافدارین	جیهانی
538	لله‌که ناری هزو زمان و نده‌دهدا	عوسمان رسول	شیعر	حکم و خنده	بدریوه بدراینه
539	لله‌که ناری هزو زمان و نده‌دهدا	و بهزاد حبیری	درویونتاسی	هوناری گویگرن	بدریوه بدراینه
540	لله‌که ناری هزو زمان و نده‌دهدا	د. موسی‌حسین ناصح‌مر	ریمان	فیله‌که‌ی نادر شا	بدریوه بدراینه
541	لله‌که ناری هزو زمان و نده‌دهدا	و ناماده‌کردنی به‌بان عزیزی	گشته	فیلم‌تیزم و چاند خوینده‌به‌کی تازه	بدریوه بدراینه
542	لله‌که ناری هزو زمان و نده‌دهدا	مسته‌فا صالح مسته‌فا	ثده‌ب	موناره‌کانی پاخشان لگزثاری زاری کربانیپسا (1932-1926)	بدریوه بدراینه
543	لله‌که ناری هزو زمان و نده‌دهدا	و تاریق کاریزی	لیکلینیوه	فیکر فالسه‌فه ددقی جیهانی	بدریوه بدراینه
544	لله‌که ناری هزو زمان و نده‌دهدا	تأهیر عرسان	کومله و تار	ناینده‌سازی	بدریوه بدراینه
545	لله‌که ناری هزو زمان و نده‌دهدا	د. عارف حبیت	کومله و تار	مرؤه و جفاک	بدریوه بدراینه
546	لله‌که ناری هزو زمان و نده‌دهدا	مسته‌فا عسکری	بیره و هری	بیره و هری کامن	بدریوه بدراینه
547	لله‌که ناری هزو زمان و نده‌دهدا	سازان مادحی منده‌لاوی	گشته	هیلان‌کم له کورستان	بدریوه بدراینه
548	لله‌که ناری هزو زمان و نده‌دهدا	تحمین شیروانی	فولکلور	علی شورون هنگر	بدریوه بدراینه
549	لله‌که ناری هزو زمان و نده‌دهدا	به‌ختیار نادر	کبرته چیزک	خیال‌لیکی پوج	بدریوه بدراینه
550	لله‌که ناری هزو زمان و نده‌دهدا	ئیدرس عبداللاؤ	فولکلور	هه قایات و نه‌سانی میله‌تان	بدریوه بدراینه
551	لله‌که ناری هزو زمان و نده‌دهدا	غهمگین بولی	لیکلینیوه	نده‌ده و هل به‌شیک له برج	بدریوه بدراینه
552	لله‌که ناری هزو زمان و نده‌دهدا	کامه‌ران تاهیر	وتار	دروازه‌یهک به‌رده و فالسه‌فه	بدریوه بدراینه

184	2000	زمان	رهیم شا محمد	لیوپون زمانی شنال لسانی لمال. لەر كۈرى كۈبانىكا	575
340	3000	هزىز	محسن ئۆسمان	ھەزكىن د پرسىن فەلسەفتى دا	576
128	2000	ئەدەب	ئازاد كەريمى	بۇوكى بەرىتىنە	577
248	3000	ئەدەب	م. سعد فاروق يوسف شيخ بىزىتى	بىنلىق ھونارى لەشىدى ئەحمەد مۇختار بەگى چاف دا	578
416	5000	IT	نا. ئەنور نيلوفهرى	تاقىگەي دېقىدى	579
144	2000	شىعر	چنان نامىق	بىسەپتىكىك دەلىتىم بىغۇرە ئاخىزمۇوه	580
104	3000	سياسى	شاخوان شۇرۇش	ئەنفال	581
400	3000	گىشتى	بەھەمن بەھرامى	آيىن يارسان	582
344	2000	شىعر	سوارە قەلەزەمى	كاتىك شىعر زمانى دەپىزى	583
104	1000	روايه	مۇنۇكريم	أرض على قرني ثور	584
112	2000	گىشتى	و. محسن حسين شيخ محمد	خەنەكىرنى بىننى زيانەكانى دەرامكىرنى ل قورىاندا	585
160	2000	هزىز	و. جانگىز شاكاك	رييازا سىتىيەم	586
176	1000	Destan	Amer Çelik	DERWÈSÈ EVDİ	587

208	2000	شیعر	کوکردن وه نووسینی نیازی حامه عزیز	خودونی شادی	553
248	2000	شیعر	لوبیو کر عالی نیسماعیل	چپکه گولایکی ریبورار بق کوردستان	554
280	4000	سیاسی	ثا: دریا رهمنانی	سیاستی نامیرکا له کوردستان له روائگی پسپنگانی رزئلانی	555
168	3000	دراسات	ترجمه: عبدالرحمن الپاشا	سیاسته الحکم	556
548	5000	میثودی	ٹاحمدہ بالای	کوردو ئیسلام	557
136	2000	کورتھ چیزك	و: شهربن عهدولا	ساتی راستگری	558
204	3000	رزمان	سامی سلیمان فققی	هرگی گران وه	559
208	2000	شیعر	د. رهفیق شوانی	ددردی دوروی	560
416	3000	گشتی	ثا: سوران عزیز	پرسیار له دهه و دی سیووه کهی نیوتون	561
624	4000	لیکنلین وه	یادگار رسول بالله کی	عمریز و دکو پیوره ریک بق ساغرکردن وهی شیعری تانی	562
168	3000	چیزک	موکردم رهشید تاله بانی	هه وره تریشنه	563
120	2000	سیاسی	بەهات حمسیب قەرەداخی	بەلینه کانی ئىنگلیز و گوتاری منه و هراتی کورد	564
544	5000	فنون مسرحیة	أ.د. فیصل ابراهیم المقدادی	فاعلیة المسرح الليبي .. بين الفكر والفن	565
296	3000	رزمان	عه زیزی مه لای رهش	پل	566
560	5000	روزنامه نووسی	د. ناریانا شیراھیم	شیوازه ناده بیبی، کانی روزانمای خدبان (2003) (2006)	567
296	4000	ورزشی	ن. نا: شیخ ستار عهدولا بارزینی	یانسی و هرزشی سوّلاق له یادی (41) سالل بدا	568
248	3000	فلکلور	یاسین حسنهن گوران	پیتچ داستانی کوردهواری	569
288	3000	سیاسی	ریبورار عبدالرحیم بابکے بیو	الفیلم الداعی الجید و نشایا الفرمیان والقیان فی آشون الارسط	570
48	-	زانستی	ودرگیزیانی: رهشاد محمد موراد	وهره با یاری بکین	571
264	3000	گشتی	ثا: ودرگیزیانی: شیخزاده بینی	سیقییه کان 2	572
80	2000	ادب	د. کمال معروف	الادب الکوردی	573
96	2000	جغرافیة	آزاد اسماعیل عبدالله الیکانی	منطقه ویکان	574

چاپخانه‌ی روشنیبری

۱۰۰۰ دینار